




*Ce fastu?*


IL  
STROLIC  
PAL  
1982

FILOLOGJCHE

Autorizzazioni del Tribunale di Udine 3.10.1955 -  
17.11.1956 n. 107 - 30.10.1979.

Supplemento, strenna-calendario, al n. 1/1981 del  
« Ce Fastu? » spedizione in abbonamento postale,  
gruppo IV/70.





*Ce fastu?*

*Il*

# STROLIC FURLAN

p a l

1982

1981

Societât Filologjiche Furlane

UDIN

*I disens des pagjnis dai mès ju à  
faz Pauli Zanussi.*

*La cuviartine dal librut le à dade  
dongje Mario Caliz di Pradandons.*

# 1982

de vignude di Crist

## IL 1982 AL RISPUINT:

- al 6695 dal Cîrcul Julian;
- al 2735 de fondazion di Rome;
- al 5742 dai Ebreos;
- al 1401 dai Maometans;
- al 2163 de fondazion di Aquilèe.

## FIESTIS VARIABILIS:

La Cinise (24 di fevrâr);  
Pasche Majôr (11 d'avril);  
la Sense (23 di maj);  
Pentecostis (30 di maj);  
Santissime Trinitât (6 di jugn);  
Corpus Domini (13 di jugn).

## FIESTIS DI PRECET:

dutis lis domèniis;  
il prin dal an;  
Madone d'avost (15 d'avost);  
Fieste dai Sanz (1 di novembar);  
Madone di dicembar (8 di dicembar);  
Nadâl (25 di dicembar).

## FIESTIS NAZIONÂLS:

Liberazion (25 d'avril);  
Fieste dal Lavôr (1 di maj).





## PREÀMBUL DAL STROLIC

*Il film televisîf « Maria Zef », prime di viodilu, anzit dibot prime che Siro Angeli al tacàs a fâlu, a' son stâz in tanc' a condanâlu. Cui che lu varà po viodût, al podarà dî s'a vevin reson o tuart.*

*Ma intant culî il Strolic al registre il câs nome parcech'al è l'ultin di une sdrume là che i furlans si son cjatâz a fâ dôs parz, chê dai provinziâi e chê dai evolûz: la prime, cul protestâ cuintri de dissacrazion des virtûz dal nestri popul « salt, onest, lavoradôr »; la seconde, cul dispreseâ i pîzzui valôrs locâi par sintîsi granc'.*

*No êse ore di dî ch'a son pipinoz tant chêi che cheialtris? Il prin difiet dai furlans al è chel di scombati tra di lôr par dibant.*


*Ma alore, a proposit di difiez, lassant di bande i « evolûz », ch'a son i plui provinziâi balons sgonfâz di dut il mont, al merte discori un pôc su chêi ch'a fâsin cun dut il cûr la part dai provinziâi, difindint lis nestris virtûz.*

*Lis sôs virtûz une int nol covente che s'es disi, là che invezzi 'e pò zovâj unevore la cunsiderazion dai siêi difiez.*

*E alore, al tache il Strolic, culî, cun tune pro-*

*fezie al mêś in rapuart a dodis difiez furlans. Duc' chêi ch'o vin in plui dai dodis, a' puedin dâ lavôr ad altris: ch'al è ben, culì ret, che nissun lavoradôr onest nol resti saldo disocupât.*

LELO CJANTON





Zenâr



# 1

|   |    |   |                               |   |
|---|----|---|-------------------------------|---|
|   | 1  | V | <i>Mari di Diu</i>            |   |
|   | 2  | S | S. Basili                     |   |
| ✠ | 3  | D | PEFANIE                       | ☾ |
|   | 4  | L | S. Liberât                    |   |
|   | 5  | M | S. Melie                      |   |
|   | 6  | M | S. Raimont                    |   |
|   | 7  | J | S. Luzian                     |   |
|   | 8  | V | S. Massimo                    |   |
|   | 9  | S | S. Julian                     |   |
| ✠ | 10 | D | BATISIM DI JESU'              | ☺ |
|   | 11 | L | S. Paulin di Aquilèe          |   |
|   | 12 | M | S. Modest                     |   |
|   | 13 | M | S. Ilari                      |   |
|   | 14 | J | Beât Duri di Pordenon         |   |
|   | 15 | V | S. Mauro                      |   |
|   | 16 | S | S. Marcel pape                |   |
| ✠ | 17 | D | S. ANTONI                     | ☾ |
|   | 18 | L | S. Liberade                   |   |
|   | 19 | M | S. Paulin di Premariâs        |   |
|   | 20 | M | S. Bastian                    |   |
|   | 21 | J | S. Gnês                       |   |
|   | 22 | V | S. Gaudenzi                   |   |
|   | 23 | S | S. Emerenziane                |   |
| ✠ | 24 | D | S. FRANZESC DI SALES          | ☺ |
|   | 25 | L | <i>Conversion di S. Pauli</i> | ☾ |
|   | 26 | M | S. Paule                      |   |
|   | 27 | M | S. Ânzule Merici              |   |
|   | 28 | J | S. Valeri                     |   |
|   | 29 | V | S. Aquilin                    |   |
|   | 30 | S | S. Martine                    |   |
| ✠ | 31 | D | S. Zuan Bosco                 |   |

# Zenâr

## *Il difiet*

Juste come ch'al è dit tal preàmbul, si va fûr dal just a laudâsi di bessôi cul dî che « il Furlan » al è salt, onest e lavoradôr. Cun di plui, stant che propit nol risulte che i furlans a' ùsin a laudâsi (che anzit a' son puartâz pitost ae modestie), al ûl dî che chê etichete lì nus 'e à metude qualchidun interessât a pajânus il lavôr di une dì o ancje di une vite interie cun nome une buine peraule. E nô, alore, 'o vin il difiet di lavorâ e di scombatî simpri par dibant, e ancjemò di tignîsi in bon propit par chel!

Par furtune, però, no duc' nô: ch'al è ancje qualchi furlan clopadiz, disonest e puzzefadie. Ch'a sédin nome chêi a salvâsi?... Pensait ce trisc' e delinquenz ch'a puedin diventâ duc' chei brâs omenuz ch'a rivan a persuâdisi ch'e je cussì e che lôr a' son stâz tant basoâi.


## *La profexie*

Za tanc' furlans si son distacâz dal contest comunitari judicanlu ridutîf dai valôrs personâi, ch'al



varès, invezzi, di favurî. Se no si ribalte la situazion psicologiche (scomenzant cul gjavâsi l'etichete e rivant a realizâ une furlanitât ch'e reoni) duc' i furlans, a cui che j capitarà di domandâur ce int ch'a son, j rispuindaran che, sì..., lôr a' son nassûz culî, ma che i vons a' jerin de Toscane o de Franze o di altrò... No vîno za sintût plui di un a sdanzinâ cun discors di cheste fate?

L. C.



# Furlans, fevelàit par furlan!

*... cum in Galliam veneris audies tu quidem  
etiam verba quaedam non trita Romae.*

M. T. CICERONE (106-43 a.C.)

## DISLÈELENGLISH

*par provis di lei, di dî-sù e di scrivi.*

Iar ai marcjâz des jarbis lì dai âi: « Ae aj e ûe, uê? ». « Ahi, ahi! Jóisus! Uê no ài ne ûe ne aj! Vuelial che j ai puarti jóibe? ».

Un frutin di Are sun tun'are dongje un'are jù par Àriis, al cjantave: « *Are bare, piche bare...* ».

« Se tù tu âs l'às di cope in man, copari, jo 'o ài lis âs che mi bechin te cope: chesc' az no mi van ».

Tiràisi imbande che la bande de musiche cui elmos di bande 'e passe juste di chô bande lì.

Un sôl bâr di nûl nol scurìs il balcon dal bâr là che un biel bâr di basili al nûl bon, intant ch'e passe une barele cul bâr scloteât.



*Fortunatianus, natione Afer, Aquileiensis episcopus, imperante Constantio, in Evangelia, titulis ordinatis, brevi et rustico sermone scripsit commentarios.*

S. GIROLAMO (347-43 a.C.)

## SCIOGLILINGUA

*per esercizi di lettura, di dizione e di scrittura.*

Ieri ai mercati delle erbe presso gli *alni*: « *Ha aglio e uva, oggi?* ». « *Ahi, ahi! Gesù! Oggi non ho né uva né aglio! Vuole che glieli porti giovedì?* ».

Un bambino di *Ara* sulla *riva* di un canale presso una *loggia rustica* giù per *Àriis*, cantava: « *Are bare, piche bare...* ».

« *Se tu hai l'asso di coppe in mano, compare, io ho le api che mi pungono alla nuca: questi atti non mi piacciono* ».

Tiratevi *da lato* che la *banda* con gli *elmi* di *lat-ta* passa proprio da *quella parte* lì.

Un solo *cumulo* di *nubi* non oscura la finestra del *bar* dove un bel *cespo* di *basilico profuma*, mentre passa una *carretta* con la *partita* traballante.

DINO VIRGILI

## PAZIÈNZIE

« Bepo, cemût? ». Mi cjale: « Meni, tâs ».  
« Parcè po Bepo? ». « Ca no si à cujete;  
'o 'nd' ài setante, e no si cjate pàs... ».  
J ài dite: « Bepo, spiete ».

MENI UCEL

# Cemont ch'a' erin

J' na ài cunussût la bisnona Ana Maria, ma j' sai di jê come di duc' i gno pi vecjus, li' storii' ch'a' mi àn contât da pìciala; pi tarc', quant ch'j' sei stada buna da capî, na ài vût nissun intrigu a meti dongja li' personi' e li' fameis cemont ch'a' erin ta li' cjasì' indulà ch'a' àn vivût e che a' vevin cambiât di pôc ta chei tancju agn ch'a' corevin tra me e il timp da la bisnona Ana Maria, dal bisnonu Pieri e di duta la mê gent di una volta. Par chê cjasì' che — a gjavântint una — al é dut un disù di lour dopo dal taramot, jo istés j' cjamìni sigura. J' retén ch'a' mi nassi, ma rebaltât, come a cui ch'a' deven-ta uàrp e al si móuf in tai puésc' ch'al à cunussût, cencia pièrdasi, cjatant là-par-entri stradi' e robì'. e robì'.

La bisnona Ana Maria 'a vigneve da una cjasà granda, ma il bisnonu Pieri al era giût a domandâla tuna moda che mê mama 'a na veva massa gust da contâ, j' crôt parcé ch'ai sameava da mancjâj di rispìet a lour come ch'a' ju veva cunussûz da vecjus.

'A si era maridada tai agn in flour la bisnona, una di chê' noci' ch'a' si contavin cetant via là, pa

li' vili', ma la gent, quant ch'a fevelavin di jê, cun dut il ben ch'ai volevin parcè ch'a era ladina <sup>(1)</sup> e largja tal dâ via, a' disevin che al bisnonu 'a na varés mai pudût dij di no, una volta ch'ai era plasuda. Robi', tant da contâ la gent; ma pardabon, al bisnonu sut e dûr, bon da fâ gloti la peravala a granc' e piciai, ai trimavin da ridi li' ceoni' <sup>(2)</sup> s'al sinteva broseâ <sup>(3)</sup> alc da la pi biela bravura dai sio' agn; po' al tornava suturnu, indulà che a jê ai cjantava tai voi un ridi dut di drenti. Cui ch'al la conoseva da un pec' in cà <sup>(4)</sup>, ai cjantava bel vecja alc che a' passava sora dai agn: 'na vena frescja che li' borascj' grandi' a' n'ai vevin suât, e che li' misereuti' dal di par di a' nai vevin nencja scliciât di turbiu. E, di sigûr, la bravûra dal nonu 'a era diventada encja par jê 'na roba biela da impensâsi, cemont ch'ai era comparît ta la sala, a cjaual, fin da pié li' scjali'; jê ch'a veva sintût cunfusion, 'a era vignuda jù spasemada sul prin pat <sup>(5)</sup>:

« Si tu mi vowl, tu mi vowl, e se no j' ti tuéi istés, Ana Maria! ».

A' erin saltâz four la gent di cjasa, e jê ch'a trimava come 'na fuea di pòval, 'a cjatâ flât da dij:

« Uchì a' si fai bon azet ai omis, Pieri, e no ai némai ».

Po' 'a scjampà adalt, un scjalin a la volta cul cjâf dret come ch'a coventa - 'a contava mê ma-



ma - tai momenz che, encja a jessi ladîns, a' si diventa di rovri.

Dopo 'a lu tolé e ai volé ben da sopuartâlu cement ch'al era e dome jê 'a rivava adora a disgretegnâj il temperamint ch'al veva, ledrôus la sô part, e da cujetâj rusi' (<sup>7</sup>) e disdegns cu la gent e li' robi', quant ch'a na gèvin pal vièrs ch'al voleva lui. Jê 'a faseva passâ via dut parcé ch'a veva il don di Diu da cjapâ ce ch'a vigneve, cencia inglaviâsi (<sup>8</sup>) e piérdasi, fôssel grant o picial il berdéi ch'al capitava. 'A si era 'na volta sclapada 'na pila (<sup>9</sup>) e giût dut il vueli, cinquanta e pi litros, ch'a erin grams duc' in cjasa e li' femini' a' pronosticavin malori' una sun chê âtra, e spandi vueli.

« Taséit — 'a li' veva fermadi' — 'sta chî 'a é 'na disgracia di chês da contentâsi; a' displâs parcé che il vueli spandût a' nal pasc' nissun, ma a' nal é miga un muart in cjasa! La roba 'a sa la torna a fâ. Na vi pare ancja a vô, Pieri? ».

E 'a veva levât li' mans cun tun estru sió, come quant ch'a si para via il fum denant dai voi. E al bisnonu a' nai era restât nua da ce rabiâsi, e par jê 'a bastava, ch'a veva lui, denant di duc', da daparâ, parcé ch'a na è vera nua ch'al sei pi fuart cui ch'al ciga li' sô' resons o al li' mosena drenti, simpri in bulidura. Daparâlu lui mo, al voleva dî encja glóti par cont sió cetanti' robi' e restâ sclarîda sim-

pri par che lui al cjatàs fin vecju, tai sió voi, il gust da vivi e la reson da jessi sigûr indulà poâsi ta chestu mont.

Dopo ch'al fo muart invezi, 'a si tirà sot come un ucel strac e 'a na si cjatà pi ta la cjasà ch'a' era la sô, indulà ch'a veva tirât su i fîs e a' cressevin i nevous, tan'co spàrisi (<sup>10</sup>) tal savalon, ce cul cjâf clâr ce moru — 'a diseva jê.

'A veva simpri in volta la coguma dal cafè, su li' bori' in cjâf il foc, e ta l'ultin dai sió' agn 'a lassava ch'al ges parsòra fin che la coguma 'a rivava ogni tant a brusâsi e a pierdi il fonz.

« Fótu cóta! » ai bruntulava davóurj sbusigant cul tirabori' par tirâla in cà.

« Ma 'a é cota, nona, pi di cussì! » ai diseva mê mama.

« Joditu, la mê fia, j' sin jo e la coguma compagni', che nencja jê 'a na la dropa pi nissun ».

« Ma tu na tu se' 'na coguma, tu se' la nona ».

« Tu imparara', nina, quant ch'a vegnarà la tô ora da capî ».

La tô ora.

Al é li' pòis (<sup>11</sup>) dal vivi e da sintîsi cemonch ch'a si é, ch'a' pàssin di mari in fia, di una jéta (<sup>12</sup>) a chês ch'ai vegnin davour, bel ch'a còrin i agn e cui ch'al é stât la pi part di ce ch'a si é, al cjamina via ta chel âtri mont, cui belbelu da gloti la muart a ci-

minìns (<sup>13</sup>) e cui a colp, come da curtissada o da saeta.

Ma cui ch'al é stât la pi part di ce ch'j sin, en-  
cja s'al va ch'a nal possi pi dâ la man ch'a si coven-  
ta par vivi, al resta ta duc' chei fîi ch'a' àn strapun-  
giût, su la nestra tela, il disegn chi sin, biel, smà-  
vit o intorteât.

Quant ch'a fo la bisnona in pont di muart, ché  
inmò 'a capiva e 'a pensava clâr, li' ultimi' peravali'  
ch'a podé ingropâ dongja:

« Bon azet ai omis uchì... Adés mo, Pieri, cjàpa-  
mi su ch'j sei straca ».

E dopo 'a voltà via.

## NOVELLA CANTARUTTI

*(Furlan di Navarons)*

- (1) Tenera, gentile.
- (2) Sopracciglia folte.
- (3) Sussurrare.
- (4) Da molto tempo.
- (5) Pianerottolo.
- (6) Di rovere ossia di legno duro.
- (7) Rovelli.
- (8) Perdere la calma, adirarsi.
- (9) Piere di ont.
- (10) Asparagi.
- (11) Tappe.
- (12) Generazione.
- (13) A poco a poco (lett. a pezzettini).

## UN PUINT DI ROSIS

*L'amont a Rèsie  
al è un puint di rosis  
dentri un scjàs di plôe.*

*L'aghe si slargje  
sui gravons de Sièe.*

*Soreli e cîl a' muèrin  
sul viole de verande.*

*Frescje  
la sere si pôe  
su un fîl di sisilis.*

MARIO ARGANTE



# E alore?

Al jere un pièz ch'al diseve che, cjapade la famose « buonuscita », al veve di permètisi un viaz fûr de Italie, ma no cul contrat di lavôr in te valîs e l'angosse tal cûr come di zovin, ma cu la valîs plene di dut ce ch'al covente par fâ vite di grant turist almancul par dôs setemanis. Al faseve cent programs in dì, scjaldât simpri plui dal desideri: Londre... Parigi... Budapest... o, parcè no, New York...

Il mâl al jere che la liquidazion e' tardave e nancje la pension no jere ancjemò metude a puest. Bisugnave vê pazienze, posto che lis robis a tiravin in lunc.

In ogni mût, fra i regâi vignûz dongje in ocasion de fieste al gnûf pensionât, al figurave un biel pâr di zavatis di piel cu la scrite « Per il riposo del turista », regâl de fie, simpri pronte al scherz.

Il timp al passave e i bêz no rivavin, cui sa mai par quâl intop. Il viaz dal pensionât al deven-tà un bon mutîf par cjólilu un pôc in zîr, tant in famèe come in ostarie indulà che i amîs lu saludavin cun tun: « E alore? », che lu iritave.

Si dà che une dì (qualchi volte lis robis si cum-

bìnin come tes comèdiis) al rivà in cjase il zinar inziugnâr. Dut spasimât al dîs: « 'O scugni cjapâ l'aereo par Parigi, parvie di lavôr. 'O ài preparât la valîs in presse par no piardi il svol, e no ajo dismenteadis lis zavatis di cjamare! Varèssiso un pâr di imprestâmi? ».

« Sigûr », 'e fâs la femine dal pensionât. « Lui nol torne fin cheste sere, ma 'o soi sigure ch'al ti dà vultintîr lis sôs. Lis à dopradis pôc e a' son propit chês ch'a fâsin par te ».

Dut cumbinât; ma la sere, tornât a cjase, il marît, cîr di ca, cîr di là, al bruntulave tant che il temporâl. Al fevelave di bessôl: « Ma s'o lis ài gjavadis achì, dulà sono finidis! ». Al si sbassave sfladant par cjalâ sot dal jet, sot dal sofà... « Femine, crabolt, dulà sono lis mês zavatis? ».

E jê calme, continuant a messedâ la polente: « A Parigi ».

Lui ros come un gjàmbar: « Ce? ».

« A Parigi ti ài dite ».

« Po, mi cjolistu pal boro ancje tù cumò? ».

« Nò, benedet, spiete ch'o ti spieghi cemût che je lade ».

Ma la spiegazion no lu fasè lafè ridi, anzit j tirà sù la fêl in bocje. « Bestie di un mont, jo ancjemò ca, e lis zavatis "all'estero"! Bestie di un mont! ».

A la femine j cjapà un ridi cunvuls, e tra une

dade e chealtre: « Po ti inrablìstu sul serio? Stupidut, intant ti àn viarte la strade! ».

Al scugnì ridi ancje il pensionât.

LUCIA SCOZIERO

---

La virtût 'e je la uniche dote dal omp, parceche chel che le à al è di preseâ ancje s'al vès piardût salût, ricjezze, nobiltât, autoritât; e chel che no le à, par tant ch'al sedi furnît di dutis chestis cjossis, al va condanât e tignût indaûr.

Lucio Anneo Seneca

## DEFINIZIONS

- Àlcul: - l'iquit ch'al cope i vîs e ch'al consiar-  
ve i muarz.
- Balâ - rivâ adore a tirâ vie i pîs prin che  
chel altri t'ai pécscj.
- Cumplimenz - a' son come i foncs: i plui biêi a' son  
dispès i plui velenôs.
- Esperiènzie - un piètin ch'al ven dât a un ch'al è  
senze cjavêi.
- Malatie - la salût dai mîcrobos.
- Tacuin - la tombe de cussienze.
- Parinc' - a' son come lis scarpis: plui strez a'  
son e plui mâl a' fâsin.
- Ilusions - a' son come i cjavêi: 'a còlin cul  
passâ dai agn.
- Vecjae - un orloi che lis oris dal dopomisdì a'  
còrin di plui di chês dal denant mi-  
sdì.
- Zoventût - un tesàur che si puès vêlu in dutis lis  
etâz, ancje quant che si è zovins.

PAPIN

*Feurâr*

# Journal

Monday, June 1st. A fine day, with a light breeze from the west. The water was calm, and the sky was clear. We went for a walk in the park, and saw many beautiful flowers. The children were very happy, and played for hours. We also saw many birds, and a few small animals. The day was very pleasant, and we all enjoyed it very much.

Tuesday, June 2nd. A fine day, with a light breeze from the west. The water was calm, and the sky was clear. We went for a walk in the park, and saw many beautiful flowers. The children were very happy, and played for hours. We also saw many birds, and a few small animals. The day was very pleasant, and we all enjoyed it very much.

Wednesday, June 3rd. A fine day, with a light breeze from the west. The water was calm, and the sky was clear. We went for a walk in the park, and saw many beautiful flowers. The children were very happy, and played for hours. We also saw many birds, and a few small animals. The day was very pleasant, and we all enjoyed it very much.

Thursday, June 4th. A fine day, with a light breeze from the west. The water was calm, and the sky was clear. We went for a walk in the park, and saw many beautiful flowers. The children were very happy, and played for hours. We also saw many birds, and a few small animals. The day was very pleasant, and we all enjoyed it very much.

Friday, June 5th. A fine day, with a light breeze from the west. The water was calm, and the sky was clear. We went for a walk in the park, and saw many beautiful flowers. The children were very happy, and played for hours. We also saw many birds, and a few small animals. The day was very pleasant, and we all enjoyed it very much.

Saturday, June 6th. A fine day, with a light breeze from the west. The water was calm, and the sky was clear. We went for a walk in the park, and saw many beautiful flowers. The children were very happy, and played for hours. We also saw many birds, and a few small animals. The day was very pleasant, and we all enjoyed it very much.

Sunday, June 7th. A fine day, with a light breeze from the west. The water was calm, and the sky was clear. We went for a walk in the park, and saw many beautiful flowers. The children were very happy, and played for hours. We also saw many birds, and a few small animals. The day was very pleasant, and we all enjoyed it very much.

# 2

|   |    |   |                                 |   |
|---|----|---|---------------------------------|---|
|   | 1  | L | S. Sevêr                        |   |
|   | 2  | M | <i>Presentazion di Jesù</i>     | ☾ |
|   | 3  | M | S. Blàs                         |   |
|   | 4  | J | S. Gijlbert                     |   |
|   | 5  | V | S. Aghite                       |   |
|   | 6  | S | S. Dorotèe                      |   |
| ✠ | 7  | D | S. ROMUALT                      |   |
|   | 8  | L | S. Jovenzi di Aquilèe           | ☺ |
|   | 9  | M | S. Polònie                      |   |
|   | 10 | M | S. Scuelàstiche                 |   |
|   | 11 | J | <i>La Madone di Lourdes</i>     |   |
|   | 12 | V | S. Làlie                        |   |
|   | 13 | S | S. Fòscje                       |   |
| ✠ | 14 | D | S. VALANTIN                     |   |
|   | 15 | L | S. Faustin                      | ☾ |
|   | 16 | M | S. Juliane                      |   |
|   | 17 | M | S. Donât                        |   |
|   | 18 | J | S. Simeon                       |   |
|   | 19 | V | S. Mansuet                      |   |
|   | 20 | S | S. Silvan                       |   |
| ✠ | 21 | D | S. NORE                         |   |
|   | 22 | L | S. Margarite di Cortone         |   |
|   | 23 | M | S. Livio                        | ☺ |
|   | 24 | M | <i>La cinise</i>                |   |
|   | 25 | J | S. Vitorin                      |   |
|   | 26 | V | S. Claudian                     |   |
|   | 27 | S | S. Gabriel de Madone Indolorade |   |
| ✠ | 28 | D | S. JUST                         |   |



# Feurâr

## *Il difiet*

Sul cont dal Furlan salt, onest e lavoradôr, si pò dî ancje alc ch'al interesse in particulâr la culture nostrane. Intant, cui êsal « *il Furlan* », co i furlans a' son tant diferenz un dal altri? « *Il Furlan* », co si fevele di omps, nol esist: al pò jéssi nome che un mòdul fis, come chêi che a voltis 'e dopre la propagande pulitiche par segnâ il nimì, o chêi incalmâz su lis aparenziis ch'a fàsin colp sul imprin, co no si cognòs ancjemò une int.

Alore, par cheste vie, i todescs a' saressin duc' uerîrs trisc' e brâfs mechanics, i franzês nazionalisc' e feminìcui, i inglês fumadôrs di pipe e umorisc', i merecans otimisc' e semplizzons, i talians... napoletans e cjantôrs.

Mancumâl che si trate nome che di mòdui, co chestis inz, come tantis altris, e' àn mostrât cetant ch'a vâlin in diviars cjamps de culture. E si podarès tornâ a scomenzâ la litanie cul dî che, par esempi, i todescs no àn vût nome mechanics ma ancje musicjsc', e vie indenant.



## *La profezie*

Duncje, par furtune, si pò cjatâ ancje furlans che no son alpins ma marinârs, no contadins ma camarîrs, no massariis ma paronis; e ancje furlans che no bèvin vin ma struc di pomis, no blestèmin ma a' prèin, no lavòrin ma a' uadàgnin...

Al è pussibil, alore, lâ fûr dal mòdul. E cui àjal dit che si veve di stâ dentri?

Lu veve dit... « *il Furlan* ». E alore si cirarà di lâ fûr prin che Lui al rivi a disfantâ duc' i furlans.

L. C.

---

Jentre tal font da l'anime di chêi altris, e prature che chêi altris a' puédin jentrâ ta l'anime tô.

Marco Aurelio

# **Furlans, fevelàit par furlan!**

*Aquilegienses et Istrianos cribremus, qui  
Ces fastu, crudeliter accentuando, eructuant.*

D. ALIGHIERI (1265-1321)

## **DISLÈELENGHIS**

*par provis di lei, di dî-sù e di scrivi.*

Il barbîr te barbarie di Bordolêe j barbire la  
barbe a barbe Bòrtul barban di Bàrbure di Barbean.

Mê brût 'e fâs par me un bon brût tun brut pi-  
gnat.

I bûs umbrîz dal bus di Buje s'imbusin tun bûs  
plen di bujazzis.

Cjale ce ch'e cjante chê cijale su la cjane tal cjalt  
de plagne plane 'za 'zale di siale palombe.

Ah cjâr frut, al coste cjâr un cjâr di cjâr di cjare  
in Cjargne.

*E però dice il Friolano: « Ciò che vuole dunna vuol signò; e ciò che vuol signò tirli in birli ».*

F. SACCHETTI (1332-1400)

## SCIOGLILINGUA

*per esercizi di lettura, di dizione e di scrittura.*

*Il barbiere nel salone di Borgo Aquileia rade la barba a zio Bortolo fratello del nonno di Barbara di Barbeano.*

*Mia nuora fa per me un buon brodo in un brutto pentolo.*

*I buoi spauriti dal bus di Buia si nascondono in un buco pieno di bovine.*

*Guarda come canta quella cicala sulla canna nel caldo del pianello pianeggiante già giallo di segala quasi matura.*

*Ah caro bambino, costa caro un carro di carne di capra in Carnia.*

D. V.

## Tresemanis

Il cont Rudolf, colonel di cavalerie, biel e sioron, al veve ulût che so fi lu vèssin educât i miôr mestris, che lui al pajave ce ch'a domandavin. E alore il mestri di scherne j veve insegnât cussì ben al contin Scjefin a tirâ cu la spade che al vinzeve simpri lui. E cussì chel de lote a brazzis, ch'al veve fat dal contin un vêr campion e lui, di mestri ch'al jere, al finive simpri par restâ sot. No stin a discori po' dal mestri cavalariiz che al sigurave il cont Rudolf che so fi al jere in grât di insegnâj a qualsiasi bulo e che nol jere cjaual mòrbid o salvadi che nol varès domât. E invezit, une dì, il so cjaualut lu veve butât partiare, e il contin si jere rotis dutis lis cuestis. E dut parvie che il cjaual, puore bestie, te sô ignoranze naturâl, nol cognosseve i bêz!

\*

Co al jere muart il vecjo Zoc, chêi dal borc a' vevin dite: « Finalmentri! Cumò almancul no si sintarâ a barufâ ogni dì. I 'zovins a' saran contenz di vêlu fûr dai pîs ». E invezit dute la famêe dai Zocs a' vaivin disperâz batinsi i pùins sul stomi. Alore ur àn domandât: « Us displàsial tant ch'al

séi muart chel vieli, dopo tant ch'o vês barufât cun lui? ». E lôr: « 'O vajaressis ancje vualtris s'o vëssis reeditâz duc' i debiz che nus à lassâz di pajâ, chel boe! ».

\*

Ta l'ostarie, Enea al ti cjalave doi soldaduz bas-sarûi, un e sessante al massimo, ch'a bevevin al banc. Dopo vêju stazâz par un pôc al dîs: « La prime uere la vin vinzude; la seconde la vin piardude; s'o vin di fâ la biele cun chêi lì, 'o stin frescs! ».

\*

Il cont Lunc al jere finît in miserie e uarp squasi dal dut. Vindût il cjscjel, al stave mò ca mò là tes cjasis dai soi fituâi di une volte. Une dì lu incuintre la Coghe e jê, puore femine, lu salude come ai timps di une volte, ch'al jere un siôr, senze pensâ che lui al podeve crodi che lu cjolès vie.

J dîs jê, dute contente di viodilu: « Riverît, siôr cont! ».

E lui a sec: « Riveride, siore putane! ».

\*

Mê none Santine 'e veve passion pes bèstiis, e ogni tant 'e lave a spàs cul so cjan che nol jere propit une bielezze. Ma si sa cemût ch'e je: il nestri



cjan, biel o brut ch'al séi, nus plâs simpri, che si afeziònisi.

In chei agns, viars il 1870, al vignive sù di Udin a vendi stocs cul so caretin, un omenut tant brut, ma tant brut che culì lu clamavin Codessi par 'zontâj ancje la code che veramentri nol veve.

Une dì Codessi, ch'al lave sberlant pes stradis cul so mus e la carete, al ti cjate mê none cul so cjan e j dîs par udinês: « Cioh, fantate, parsè no còpistu chel cian! No viòdistu se tant brut ch'al è? ». Jê alore lu cjale un moment e j rispuint: « Eh, ninin, s'o vessin di copâ duc' i bruz, dopoincà che tù tu saressis muart! ».

\*

Marchetan al jere un omenut ch'al lave a vendi robis cun tune brèe pojade su la panze e picjade 'tôr il cuel cun tun spali. E lì, su la brèe, al ti veve bûstis di naftaline, lamis di barbe, plantis di santonigo, doi pâr di fuàrfiis, quatri piètinis, dutis robis cussì. Marchetan al jere simpri legri, e co j domandavin cemût ch'e va, al diseve: « Eh, 'o sìn ca, daûr il banc... ».

\*

Tite Sacheton al jere stât pal mont un dîs agns e cumò al jere tornât dongje, te cjase di so pari.



Il vecjo Sacheton, vèdul de mari di Tite e tornât a maridâsi cun tune zovine, lu veve tignût in cjase parceche insome un fi al è simpri un fi. Ma viodût che Tite al jevave 'es undis, al mangjave a scroc e nol faseve un colp di nie, une dì j à fat cjatâ lis valîs preparadis sul pat des scjalis. Tite, apene jevât, lis viôt lì ret e j domande: « Pàì, ìsal rivât qualchidun? ». E so pari: « Po nò, frut, tu sês tù che tu partissis ».

\*

Bepo Foscje al veve un barbe predi, plevan jù pe Basse. Co al jere il moment dal quartês, siôr barbe lu mandave a clamâ e Bepo al lave jù cu la biciclete a dâ une man a sistemâ la robe sul cjast. Un an, che i cjârs a' spietavin in file di séi discjamâz, Bepo, un biel morat di 'zòvin, al ti viôt Marie, une fantate di chenti, e cun jê al veve comenzât a discjamâ i sacs insieme. Tiessudis lis dôs mans, sui braz a' pojavin il sac e lu puartavin drenti in doi. Ma barbe predi ju viôt e j dîs: « Sintît po', vualtris doi: i sacs si cjâpin un da cjâf e un da pît e no cussì ». Par lôr doi, ch'e jere la prime volte che si viodevin, al jere stât un smac. A' vevin continuât fin sere a puartâ drenti sacs, un da cjâf e un da pît, cjalansi tai vôi. Bepo al sperave che forsit doman... Ma tal doman la fantate no si jere fate vio-

di, e, par no lassâsi judâ dal muini che j faseve nome ràbie, Bepo si jere cjariâz i sacs su la schene dibessôl.

Finîz i lavôrs dal quartês, Bepo al jere tornât a cjase, ma j jere passade dute la vôle di lavorâ. E si cjatave a séi sentât te stale sun tune bale di stranc, o sul toglât, o su la vere dal poz, saldo a pensâ a chê fantate de Basse cugnussude parvie dai sacs dal barbe predi. Fintremaî che si jere dezidût a fevelaj a so pari. « Ce disarèssiso, pai, s'o mi maridi? ». E so pari j dîs: « Cjale mo, Bepo, fevele cun to barbe predi; content lui, content ancje jo ».

Bepo al partîs come un seon a domandâj al barbe il permès di maridâ la sô biele Marie. Ma siôr barbe j dîs: « Ah, cheste po' nô! Va a cirîti la morôse là ch'e t'ûs, no te mê canoniche. Jo no vuei cjàcaris; e po chê lì no je femine par te, mi âtu capît? ». E lu mande a cjase cun chel gust.

Dopo un cinc agns, tal istât dal 1912, Bepo cu la biciclete, des bandis di Riverote, si ferme tune fontane e si met a 'zirâ la ruede par vê un pocje di aghe pe grande sêt ch'al veve, ch'al faseve un cjalt danât. E cui ti cjâtial lì ret cul buinz e i cjaldîrs? Marie, la morôse ch'al veve vude nome tal pinsîr. 'E jere pàrie a doi frutins che si tignivin strenz tes còtulis. Lui al à juste la fuarze di dîj: « Mandi Marie, cemût stâtu? sêstu vignude a marît culî? ».

E jê: « Ti visistu, Bepo, ce tant ben che si sìn olûz nô doi! Faj cont, Bepo, che chêi fruz culî a' sêdin tòi fîs! ».

\*

Parvie che une dî a Vignesie al jere colât tal Canâl Grant, lu clamavin Bepo Canalasso. Al jere lâ fûr di cjase imò di frut parce che i sôî a' jerin puore int. Podopo al veve maridade la fie dal paron di buteghe e, muart il vieli, al jere diventât un siôr. Cumò, dopo tanc' agns, muarz duc' i viêi, siôr Bepo al veve fat un monument par dute la famèe e metudis lis fotografiis sul màrmul.

Il dî dai Sanz, Bepo Canalasso al ti cjate 'Sebio Ciuic e j dîs: « Âtu viodût, 'Sebio, ce sorte di tombe che j ài fat a gno pari? ». E chel altri: « 'O ài viodût Bepo. In vite sô chel omp nol à mai vût tant lusso ».

\*

Chel di Silie si jere presentât al esam di quinte ch'al veve vinc' agns. J servive il diploma par lâ in ferrovie. La cumission 'e jere fate di tre mestris e il diretôr. Il prin mestri j fâs une domande di gjeometrie cul disen di un triàngul su la lavagne. Chel di Silie al cjale la figure, al nizze il cjâf, al spiete un pôc, ma nol dîs nuje. Il secont mestri

j fâs domandis: une di storie e une di gjeografie. Il fantat al comenze a cjalâ paràjar, a tossi, ma nol dîs eri. Il tiarz mestri j domande robis su la gramatiche, e s'al cognòs une poesie a memorie. Chel di Silie nol dîs nè ceu, nè beu.

Alore il diretôr, stufât di spietâlu, al conclût: « Monadis il fantat no 'nd' à dîtis. Passinlu, va'! ».

\*

Toni e Meni, conseîrs te comune, tal consorzi de galete, de aghe e dal forment, conseîrs te latarie, tal coro, te bande, tai combatenz e vie indenant, e' àn dezidût di lâ a Vendoi a bevi un taj. Là ch'e van, duc' ju salûdin parvie che ti cognòssin dut il mont: tal zîr 'e baste une peraule des lôr.

A Vendoi ti cjàtin une plene di int, che lassù 'e jere sagre, ma lôr no lu savevin. Toni si cjale intôr e j dîs Meni: « Orpo, cemût mai tante int? ». E chel altri: « E sì che no vevin dite nie a nissun ch'o rivavin ».

\*

Di pìzzul in sù al jere stât un frut di tae grande; ma a cressi veramentri al veve tacât dopo i vinc' agns. Al jere tant cressût chel frut che nol passave nancje pes puartis. E di un pôc di timp lu



veve cjàpât une deboleze di no rivâ nancje a cjaminâ. Alore lu puartavin atôr i sôî amîs, sentât sun tun cjaruz a cjaual di un sac di sèmule. Fin che i sôî si jerin dezidûz e lu vevin puartât dal miedi, sentât sul cjâr che lu cjàpave dut e il mus denant ch'al tirave, plui pìzzul di lui.

Il miedi vecjo lu cjale e j dîs: « Âtu fan? », e lui: « Une fan scoreade ». « Duàrmistu? », « Come un zoc ». « Ti duèlial in qualchi sît? ». « In nissun puest », j dîs lui. « Alore », j dîs il miedi a so pari e sô mari, « ce lu puartàiso ca se nol à nie? ». « Ma dotôr », j dîsin lôr maraveâz, « no viódial cè grant ch'al è diventât? Nol sta nancje plui tal jet! ». « Alore », dissâl il miedi; « 'e je di fâ nome une robe: lâ dal marangon a fâ ingrandî il jet, e no ca di me che jo no ài timp di piardi ».

\*

Si clamave Catine Pize, ma parvie che j plaseve di bevi, la clamavin Cantine. 'E jere une femine spiritôse, soledut di bevude. Une dì Cantine 'e va dal miedi, un professoron. Fate la visite j domande: « Trop îsal il disturp, professôr? ». Lui j dâ une ricete un man e j dîs: « Vinc' mil francs ». E jê: « Cemût tanc' bêz, par chês dôs riutis culî? ». E il miedi: « Ma benedete femine, no savêso che jo 'o ài studiât vinc' agns par diventâ professôr? ».

E Cantine a sec: « Sêo cause jo se lui di zòvin al jere un mùs! ».

\*

Il Vicjari une dì al à fate une predicje su lis invenzioms. « Cjalait, par esempi il telefono », al diseve. « Ce îsal di miôr, cun chês vitis che si faseve une volte par lâ di un puest a di chel altri! Il telefono invezit nus permet di fevelâ stant a cjase cu la int lontane a cjadaldiàul. Ma il telefono ce îsal? Faseit cont ch'al sedi un cjan lunc lunc, cu la code a Tresesin e il cjâf a Milan. J pescjais la code culi, e lui al uache là vie! ».

\*

Sul misdì ta l'ostarie cui amîs, Memo Pitàtòs al berlave: « Bevìn ancjemò un taj ». « Nò », j di-sevin chei altris, « al è misdì, bisugne lâ a gustâ cumò ». E lui: « Ma cui cjatàiso a cjase uestre vualtris! ». E lôr: « La femine, ve', ch'e à preparade la taule ». E lui: « Ben, al pinsîr di cjatâ la femine, jo cumò, pluitost che lâ a cjase, 'o larès al front! ».

ALAN BRUSINI



## RICOGNOSSIMENZ

*'O ài fat za un pâr di mês un lavorut,  
daûr ordenazion,  
'ne robe uso Zorut,  
che mi à costât dîs dîs di aplicazion.  
'Ne volte ch'o lu ài fat  
lu ài let secont il pat  
tal cors di un tratament  
ch'a 'nd' ere vignûz dongje un reziment.  
Beput, co al à savût  
il gust ch'a vevin vût  
chêi tanc', mi à domandât:  
« Menut, par chel lavôr, ce ti àno dât? ».  
J ài rispuindût: « Beput, tan' ben che mai:  
mi àn dadis dôs butiliis di tocai ».  
« E tù, dopo dîs dîs di stâj daûr,  
tu sês content di un tant? ».  
« Content », j ài dite, « stant  
che se chêi èi chêi sclipis e' àn tirât fûr,  
lu àn fat sigûr pensant che jo chê fete  
'o vebi podût fâle, di poete,  
tal zîr di une miez'ore  
invezi che in dîs dîs; e chest mi onore ».*

M.

## CE GUST ÎSEL?

*Ce gust îsel a séi canais  
e no rimpinâsi  
sui cjariesârs madûrs;  
screâ li' scarpis  
e no svuacará pâria  
tes pocis di uàchigna;  
o biel che cun lui si zuêa  
cjonzai li' mostacjs al gjat?  
Par fâsi viodi brâs  
fâ i pipins des mestris  
sul mûr de cjàmera?  
Ma la colmaza de tristèria  
'e je chê di fâ sisin,  
tôr li' rosis de mama,  
fin che no son secjs.  
Se no si pètin vòris cussì  
ce gust îsel a séi canais? .*

GIOVANNI MARIA BASSO

*(Furlan di Orsàrie)*

## Spagnolez

Alore l'an passât jo 'o ài scugnût lâ tal ospedâl par un qualchi disturp. Un professôr mi à visitât ben e no mâl (un professôr di chêi ch'a mertarèssin un monument d'àur di tan' brâs ch'a son, e cus-sienz, senze àjars...); mi à visitât, al à indivinât il gno mâl e mi à dit ch'al mertave di fâmi une pîz-zule operazion. Mi à dite: « No je premure. Tu tornis a cjase, tu ti regòlis cussì e cussì cul mangjâ e tra uns quindis dîs tu tornis cul ch'o cj opéri. Ma in chest jenfri, guai se tu fumis! ».

Cussì 'o ài dismetût di fumâ; e quindis dîs dopo chest professôr mi à operât, mi è stât daûr par qualchi zornade tal ospedâl par viodi cemût ch'a lavin lis robis e podopo a cjase cun tune cjalde ra-comandazion di lassâ stâ i spagnolez.

'E jere presinte la femine quant che il professôr mi à dit di lassâ stâ i spagnolez; e alore, une volte rivât a cjase, la femine 'e dîs: « Sintût ce ch'al à dite Di Bello? Cussì, di cumò, tû no tu fumis mai altri ».

'O tignîi dûr par passe doi mês, ma cun tante fadie. Ma dopo i doi mês, co i vôi e la vôs dal professôr si jerin dislontanâz e la femine 'e fumave co-

me un cjamin e jo nuje, mi tornà sù chë gole besteo-  
le di fâ une tirade dopo mangjât, ch'al pâr di lâ in  
paradîs. E alore j domandi 'e femine di fâ une ti-  
rade. « Femine », j dîs, « dami ca la tô cjche ».

« Nò ».

« Femine, dôs tiradis... ».

« Nò ».

« Dôs tiradis: un nuje... ».

« Il professôr ti à dite di no fumâ, e no tu fu-  
mis! ».

« Ma tu fumis pûr tù, che tu 'ndi fumis quarante  
in dì, adulà che il miedi Valantin ti veve ordenât di  
dismeti quant che tu sês stade a fâti viodi di lui?! ».

« Ma a mì m'al à dite un miedi, mico un profes-  
sôr... ».

M.

## LA PARÛSSULA

*A li siet di matina  
cui sa d'in dulà  
a ven 'na parùssula  
tal barcon a ciantà.*

*'A cianta bessola  
« ciarpit... ciarpit... »  
e po' via pal seil  
pai pras o tal nit.*

*Al brila il soreli  
apena levat,  
e jo i mi dismouf  
alegri e inciantat.*

*'A brila la Vierta  
verduta ca e là  
e jo i mi la sint  
tai vues slusignà.*

PIER PAOLO PASOLINI

*(Furlan di Cjasarse)*

## UN TROI

*I cerclons dai cjârs  
no crizzin plui  
sul glerein de strade.  
I zòcui dai cjavai  
no pètin plui te tiare,  
olme no lassin.  
Un' ete si è sfantade.  
'O viôt tal cîl  
olmis di alis:  
un troi zintîl  
par chel che inmò s'intarde.*

ALBERTO PICOTTI





*Marr*



1100

# 3

- |   |    |   |                             |   |
|---|----|---|-----------------------------|---|
|   | 1  | L | S. Albin                    |   |
|   | 2  | M | S. Simplizi pape            | ☾ |
|   | 3  | M | S. Tizian                   |   |
|   | 4  | J | S. Lùzio pape               |   |
|   | 5  | V | S. Adriane                  |   |
|   | 6  | S | S. Vitôr                    |   |
| ✠ | 7  | D | S. PERPETUE                 |   |
|   | 8  | L | S. Zuan di Diu              |   |
|   | 9  | M | S. Franzescje Romane        | ☺ |
|   | 10 | M | SS. 40 màrtars              |   |
|   | 11 | J | S. Costantin                |   |
|   | 12 | V | S. Massimilian              |   |
|   | 13 | S | SS. Patrizie e Cristine     |   |
| ✠ | 14 | D | S. MATILDE                  |   |
|   | 15 | L | S. Longjn                   |   |
|   | 16 | M | SS. Ilari e Tazian          |   |
|   | 17 | M | S. Patrizi                  | ☾ |
|   | 18 | J | S. Salvatôr                 |   |
|   | 19 | V | S. Josef                    |   |
|   | 20 | S | S. Claudie                  |   |
| ✠ | 21 | D | S. BENEDET                  |   |
|   | 22 | L | S. Lèe                      |   |
|   | 23 | M | S. Vitorian                 |   |
|   | 24 | M | S. Flavio                   |   |
|   | 25 | J | <i>Anunziazion di N. S.</i> | ☺ |
|   | 26 | V | S. Emanuel                  |   |
|   | 27 | S | S. Guste                    |   |
| ✠ | 28 | D | S. SPERANZE                 |   |
|   | 29 | L | S. Secont                   |   |
|   | 30 | M | B. Amedeu di Savoie         |   |
|   | 31 | M | S. Beniamin                 |   |

# Marr

## *Il difiet*

A' son tanc' a no savê fâ pulitiche, ma a' son pôs a no savê fâle come i furlans.

Che sul cjamp de pulitiche cui furlans 'e séi dute une cunfusion, paziènzie! Ma si trate di une cunfusion comiche, e alore al è di vê pôre.

Par scomenzâ, duc' i eletôrs a' son cuintri dai elez, ma il piês al è che ancje i elez a' son cuintri dai eletôrs, come ch'al mostre il câs da l'universitât furlane, olude di dut il popul e che no va indenant.

Podopo a' son chêi ch'a vuelin fâ pulitiche parcech'e àn bielis ideis, e ur màncjn nome che miez, organizazion e adesions: cun di plui, s'a rìvin a jés-si almancul in doi sun tune pusizion, e' àn cûr di divìdisi in quatri cu l'idèe di multiplicâsi.

Infin, se si trate di lâ d'acordo sun qualchi interès di agricolture, si cjate subit il mût di no lâ d'acordo parvie di qualchi quistion di filusufie o di musiche.

## *La profezie*

La int a' laran a votâ parceche si sta màncul che

no a cjàpâ Messe, ma 'e varà pe pulitiche la cunsiderazion ch'e à simpri vude.

Qualchidun però al scomenzarà a stimâ che, cui triestins dongje ch'a son i plui brâfs di duc' su la pulitiche, al sarès il câs di scomenzâ a imparâ alc, se no altri par no rimeti simpri, come che si è usâz. No si à di mantignî propit dutis lis nestris usanzis!

L. C.

---

Un nano nol devente grant par séisi postât su la piche de mont, e un grant al sarà simpri grant pôr ch'al sedi dapît dal poz.

Lucio Anneo Seneca

# Furlans, fevelàit par furlan!

*Forum Julii est Provincia per se distincta ab aliis provinciis [...] quia nec latinam linguam habet nec Sclavicam nec Theotonicam, sed ydioma proprium habet, nulli italico ydiomati consimile: plus tamen participat de lingua latina quam de quacumque alia sibi propinqua.*

ANONIMO VATICANO (sec. XIV?)

## DISLÈELENGLISH

*par provis di lei, di dî-sù e di scrivi.*

Nol cole tal còl de cole in colme chel ch'al calcole il câl cu la calme.

Dà un cuc se in cuc dal zuc il cuc cun chel cucùc al fas un 'zûc senze suc.

'O voi cun pocje cuele su la cueste dai cuêi dal Cuei a cuej jarbuzzis par fâlis cuêi cheste sere par chêi tre cuêi ch'o ài a Cuelalt.

Cui scurtissial scussis di pizzecûi cui curtis des lamis cûrtis ta chel tâl curtîl di Cortâl?



*[La lengua furlana] mal si può scrivere e pezo, lezendo, pronunciare et specialmente da chi non è pratico ne li vocabuli et accenti furlani.*

P. CAPRETTO (1427-1504)

## SCIOGLILINGUA

*per esercizi di lettura, di dizione e di scrittura.*

*Non cade nel mucchio colmo di colla quello che calcola il calo con la calma.*

*Dà un'occhiata se in cima al cocuzzolo il cuculo con quel cucù fa un gioco senza senso.*

*Vado con poca voglia sulla costa dei colli del Collio a cogliere erbe commestibili per farle cuocere questa sera per quei tre colli che ho a Collalto.*

*Chi incide cortecce di grattaculo coi coltelli dalle lame corte in quel tal cortile di Cortale?*

D. V.

## IL VECJO TEI

*E' àn slidrisât il tèi  
de plazze grande  
par vê plui cîl.*

*Il vœit ch'al à lassât  
al si è colmât subit  
di gran' marezze.*

*Ma il vecjo tei al mene  
dentri di me  
inmò lis fueis  
di tanc' ricuarz.*

M. A.

## Lavoradôrs

Une domenie di matine j dîs 'e femine: « 'O voi a viodi a ce pont ch'a son i lavôrs de cjase. Salacôr mi fermi a fâ alc ». Mi rispuint: « Nol pò mètisi a fâ il muradôr un ch'al vent medisinis; lasse stâ, che tu ti fasis mâl ».

Al va dit che jo 'o ài simpri vudè tante buine volontât di lavorâ furvîe dal gno mistîr (ch'al è, justeapont, chel di vendi medisinis), ma al va dit ancje che su chest pont la femine no mi à mai stîmât par chel che jo 'o ài simpri crodût di jéssi.

Alore, chê domenie, no le ài scoltade e mi soi inviât.

Rivât là de cjase, 'o viôt ch'a vevin finît di fâ i cjamins. 'O voi su pes scjalis, ch'a vevin ancjemò lis armaduris, e 'o viôt che sul cjast a' jerin vanzâz un grumon di modons. 'O pensi: cumò 'o torni abàs, 'o tiri sù cu la cidule il bidon plui grant, lu cjariî di modons e lu cali jù. Doman i operaris a' varan màncul lavôr e jo 'o varai sparagnât alc.

Cussì 'o fâs. 'O voi jù, 'o siguri la cuarde 'tôr de colone, po 'o torni sù a cjariâ. Biel squasi jemplât il bidon, 'o torni abàs e, planc a planc, 'o digropi la cuarde. A chest pont, però, no vevi tignût

cont che chel altri plat de belanze al pesave plui di me. 'O resti incocalît, tacât come un salamp intôr de cuarde e, biel che i modons a' tàchin a lâ jù, jo 'o scomenzi a lâ sù. A metât strade i zenôi a' pètin cuintri dal bidon scussansi, e sù, ancjemò sù, fin-tremai ch'o rivi al « capolinea », trussant sul cu-viart. Ma no je finide: rivât ch'o soi adalt, i mo-dons a' son rivâz partiare cun tune tâl fuarze ch'e àn sfonderât il cûl dal bidon; alore chel, restât sen-ze pês, al torne a lâ sù, e jo 'o torni a lâ jù. A me-tât strade, tac un'altri colp cuintri dal bandarot; un'altre sgrifignade e po, finalmentri, Diu al ûl ch'o rivi a tocjâ tiare, dut pestât e sanganât.

'E sarà finide!, 'o pensi. Ma no ài finît di pen-sâ che... brum! mi cole alc intôr cun tun scjâs dal diàul. Al jere sozzedût che, plombât jo partiare, 'o vevi molade la cuarde e cussì il bidon, restât sen-ze pês contrari, mi jere colât sul cjâf.


'Tôr misdì 'e passà la femine e mi cjatà che no vevi figure di cristian. Mi puartà al « Pronto soc-corso » e par un mês no ài vendût medisinis.

E cumò, s'o feveli di fâ alc, baste ch'al séi qual-chidun par cjase, par sintî la femine a cunsiderâ: « Al à tante buine volontât lui, ma... ».

'E je une sante femine, ma jo la coparès!

LUCIANO VERONA

*Auril*



1871-1872



# 4

- |   |    |   |                      |  |
|---|----|---|----------------------|--|
|   | 1  | J | S. Ugo               |  |
|   | 2  | V | S. Franzesc di Paule |  |
|   | 3  | S | S. Ricart            |  |
| ✠ | 4  | D | DOMENIE ULIVE        |  |
|   | 5  | L | S. Vizenz            |  |
|   | 6  | M | S. Celestin pape     |  |
|   | 7  | M | S. Rufin             |  |
|   | 8  | J | S. Redent            |  |
|   | 9  | V | S. Marie Cleofe      |  |
|   | 10 | S | S. Terenzio          |  |
| ✠ | 11 | D | PASCHE               |  |
|   | 12 | L | <i>Pascute</i>       |  |
|   | 13 | M | S. Eufrasie          |  |
|   | 14 | M | S. Liduine           |  |
|   | 15 | J | S. Nastasie          |  |
|   | 16 | V | S. Lambert           |  |
|   | 17 | S | S. Nicete pape       |  |
| ✠ | 18 | D | OTAVE DI PASCHE      |  |
|   | 19 | L | S. Eme               |  |
|   | 20 | M | S. Gjse              |  |
|   | 21 | M | S. Selmo             |  |
|   | 22 | J | S. Caio pape         |  |
|   | 23 | V | S. Zorz              |  |
|   | 24 | S | S. Fedèl             |  |
| ✠ | 25 | D | S. MARC              |  |
|   | 26 | L | S. Marzelin pape     |  |
|   | 27 | M | S. Zite              |  |
|   | 28 | M | S. Vidàl             |  |
|   | 29 | J | S. Catarine di Siene |  |
|   | 30 | V | S. Piu V pape        |  |

# Auril

## *Il difiet*

A doprâ monede buine come s'e fòs false a' puedin rivâ nome che i mazz e i furlans.

Al capite chest: fûr dal pizzul ambient dai furlanisc', no tu cjatis un furlan ch'al crodi che il Friûl al séi un grant valôr; anzit, baste che si trati di une manifestazion furlane par che l'impen finanziari, la preparazion e la propagande a' sédin mìnims. Parcè?

Si viôt ch'o sin masse sensibii a ce ch'a disin di nô cheialtris: se nus disin ch'o sin granc' lavoradôrs, si sglonfin di gjonde che nus vegnin fin rossis lis orelis; ma nome il fat che qualchidun tun passât aromai lontan al vébi dit « Dime can ma no furlan », al nus à butât jù tant che une condane bîbliche.

Nol vâl nuje, par nô, dut ce ch'al è diventât furlan in mil agn. Si salve nome ce ch'al à scrit Pasolini, cun dut ch'al è nassût nome in chest sècul, parceche fûr di chenti e' àn dit robonis di lui.

## *La profezie*

Quant che i sorestanz locâi e' àn di domandâ

alc a Rome, s'a vuèlin utignî alc a' scùgnin simpri mutivâ la domande cul dî che si trate dal Friûl, venastâj di une regjon sui cunfins plene di peculiaritâz. Cui ingjànino? Se midiésins o i romans?

In ogni mût, la monede furlane 'e pò vignî doprade par interès estranis al Friûl: 'e pò jéssi par esempli qualchi istituzion o realizazion grandis ma inùtilis, stant ch'a 'nd' è altris in Italie companis o miôr, no nome imitazions.

Alore la monede buine 'e pò vignî doprade come false par comprâ robe false...

L. C.

---

Il delinquent al à dispès un altri tribunâl che nol dilbare mai: la cussienze. Il prin e plui grant cjastic dal delit al è chel di vê podût fâlu.

Lucio Anneo Seneca

# Furlans, fevelàit par furlan!

*Vario in hac Patria sermone utuntur; nam qui circa [citra?] Tiliaventum Lipientiam versus habitant, victu cultuque corporis ac sermone magis politici existunt, qui ultra semibarbari omnino videntur, qui vix intelliguntur; mulierum tamen ac puellarum sermo mirum in modum homines delectat; et ad illarum amorem allicit. Qui in montibus habitant omnino sunt barbari, moribus et sermone: de rusticis et plebeis loquor...*

J. DI PORCIA (1462-1538)

## DISLÈELENGHIS

*par provis di lei, di dî-sù e di scrivi.*

Di' po, Di' ueli ch'e séi vere che ognidun di nô par no cjatâ da dî ogni dî, al dà ce ch'al pò dâ.

Dome di domenie Meni Menot al mene done Mènie là di sô madone a Domanins fin tal indoman.

Gjgj, Gjenio e Gjldo s'inzegnin 'za a gjoldi cui gjgjjos, gjò, qualchi gjùgjule jù par Gjènue.

« Apene ch'e jeve da jevade, jo j 'e doi a jê, Jone, cheste jeve ch'e jeve ogni jone ».

« Jehi! e jo 'o vuéi dâje a Jole ch'e jojole tant ».

*Non è meraviglia se la nazione friulana di tante generazioni adunata, abbia varia e molteplice favella.*

G. CANDIDO (1450 c - 1528)

## SCIOGLILINGUA

*per esercizi di lettura, di dizione e di scrittura.*

*Ehi, Dio voglia che sia vero che ognuno di noi per non trovar da dire ogni giorno, dà quel che può dare.*

*Soltanto di domenica Domenico Menotti porta donna Menica da sua suocera a Domanins fino l'indomani.*

*Luigi, Eugenio ed Ermenegildo s'ingegnano già a godere coi veneti, ho detto, qualche giuggiola giù per Genova.*

*« Appena si alza dall'argine, io gliela do a lei, Jone, questa leva che solleva ogni grossa trave ».*

*« Ah! e io voglio dargliela a Jole che si lamenta tanto ».*

D. V.



# Pasche

## CRIST RISURÎT

*Nassude 'e je l'albe,  
sclarît al è 'l dì.  
Sorêli di Pasche  
al è chest lusî.*

*'E cîr Madalene  
un vîf jenfri i muarz,  
vaint la sô pene  
fra cuêi e bearz.*

*Al passe pe bràide  
un cjâr ortolan,  
vistût di une gjàide:  
la sape al à in man.*

*« Ce vâistu, Marie? »,  
la clame par non.  
La femine pie  
si met zenoglon.*



*« Lu vevi ta l'ore  
de crôs assistût.  
Lu vin muart adore,  
tal landri metût.*

*Va, frute, fevele  
al mont che nol sa  
che Crist nol è in cele,  
al vîf e al pò amâ ».*

*Signôr, risurît  
te glorie e te pâs,  
ti vin tant vaît  
te crôs di doi trâs.*

*Cumò splent e gjolt,  
nol è ce patì.  
La vite tu âs cjolt  
de tombe chest dì.*

DOMENI ZANNIER

## «Nase botis»

In Venezuela, dongje Caracas, al è un biel sît clamât « El Potrerito ». Ta chel sît une famèe furlane, che no pant, za trentagn 'e à metût sù une fabriche di veris e cristâi a ûs Muran di Vignesie. La fabriche 'e je lade indenant cetant, e i afârs ancje. Ogni dì a' rîvin corieris di int foreste che, di ogni bande dal mont, 'e ven a visitâ e a comprâ. Si calcòle, mi àn vût dit, che fin cumò a' saran stâz nujemàncul che vot millions di visitadôrs.


Une dì a 'n' sbarcià un trop ch'a vignivin sepidiu dontri e si mètìn a cjalâ e a scrusignâ tra i mil artìcui in mostre. La siore parone, che cul omp ju compagnave atôr pes salis, 'e lampe un tâl ch'al veve un nâs lunc un sproposit. Sclete, par furlan, j dîs al so omp: « Bruno, 'o 'nd' ài viodûz nâs luncs, ma come chel lì mo nò ve'! ».

L'omp dal nâs lunc si volte a planc bande de siore e, cun muse di brèe, j dîs: « Orpo, siore, îse furlane? ».

A' pàssin un pôs di agn e 'e ven dal Friûl a « El Potrerito » la mari de parone. La storie dal nâs lunc 'e jere zaromai dismenteade; ma une sere, dopo cene, s'impènsin di passâ l'ore cu la proiezion

di un filmut di chêi che qualchi volte a' cjavavin  
sù intant des visitis dai foresh'. A un ciart moment,  
co al compâr chel tâl dal nâs lunc, la mari si drezze  
impins, 'e alze une man e 'e zighe: « Alt! jo 'o  
cognòs chel lì: al è da Dàrzin e lu clàmin "nase  
botis" ».

A. P.



## AVRÎL

*Lis monz cu la scufe di nêf  
daûr des cuelinis ch'a lûsin di cîl,  
ch'a cjàntin nininis cui glons de mê plêf  
tal clip dal avrîl.*

A. P.

## Da "Il sogno di una cosa.,

*Za di matine, se la zornade 'e je biele, la strade de province e lis stradelis di cjamp ch'a puàrtin a Cjasâl, si jèmplin di int che va ae sagre dal Lunis di Pasche. Un pôc a la volte i granc' prâz, colorâz di un vert frêt e lizêr ch'al sa ancj mò di unviâr, e ca e là di qualchi rame rose di spiar-solâr, si mòstrin plens di int che va atôr zujant, corint e cirint di divertîsi; dilunc i fossâi, al trot e libars des caretis, i cjavai a' van a passon puartant te schene qualchi zovenut viestût di fieste; i fruz, sù e jù pai depuésiz granc' des bicicletis, a' còrin scjassant spadis di len, fatis scurtisant ramaz; e lis frutis, cu lis lôr blusis di colôr viole, naranz e verdis, a' zuèin cujetutis sot lis plantis di saût ch'a mòstrin apene i prins bùtui. I breârs par balâ a' son ancj mò vuèiz e lis mil bandierutis di cjarte, picjadis sui fii des lampadinis, si movin apene tun ajarin lizêr ch'al sofle dal mâr. Ventissù il cercli des monz de Cjargne si sfante tal blancôr, lusint e velât, des primis zornadis di viarte.*

*Di Ligugnane, Rose e San Zuan, ch'a jerin i lôr païs, cence savê un dal altri, Nini Infant, Milio Bortolus e Ligjo Peresson, si jerin inviâz pe fieste, cu lis compagniis, subit dopo gustât.*

*Par dî la veretât, di viste lôr si cognossevin ormai di unevore di timp, parvie che si jerin za cjatâz, tantis voltis, in altris sagris, e ducjtre a' fasevin part de miôr zoventût de rive gjestre da l'Aghe. Il Nini, cul so amî di Ligugnane, al rivà a Cjasâl in biciclete; sul manubrio al veve plantade une rame di baraz blanc, e stant che za di matine al*



veve bevût un pôc, no passave frutate che no la tormentàs cun bergheladis mataranis e plenis di complimenz. Si sintive unevore in forme: a Cjasâl, apene rivât, al butà la biciclete tal depuésit cul fâ di un ch'al si sint paron de feste ancje s'al è forest, e i frutaz legris de custodie, pronz a siarvilu, lu cjapàrin subit in simpatie. Lassade la biciclete, e tignint nome un ramut di spin blanc, strent tai lavris, al lè subit a controlâ l'ambient.

Intant, scalmanâz tant che lui, di Rose a' rivavin une compagne di zovenaz dai quindis ai vînc' agn, cu la gjachete tes spalis e lis mais a fassin grandis e coloradis in zîr di vite; tra di lôr, biont, cui cjavêi un tic a onde e cui vôi ch'a parevin di cristal turchin, Milio al pedalave cu l'armoniche picjade daûr de schene e apene che la sô compagne si liberà des bicicletis, propit come ch'al veve fat il Nini, al tacà infogonât un « passo doppio », compagnât des ridadis e des vosadis dai amîs.

Podopo al rivà il tiarz, Ligjo Peresson, impins sul cjâr plen di frutatis e di zovenuz; al guidave il cjaual blanc ch'al scjassave il cjâf lant vie in jenfri de int; e lis frutatis, intant, a' cjantavin scjassant paràjar i fazzoletuz e lis ramutis di spin blanc crevadis dilunc la strade; apene rivadis sul prât de sagre, lis frutatis a' svolàrin vie di colp sburtansi e ciulant, e Ligjo al restà di bessôl, judât nome di so fradi Onorino, a viodi dal cjaual. E quant che dut al fo metût a puest si cjalà intôr par' cirî i amîs che si jerin sfantâz tal miez de confusie.

Il Nini, Ligjo e Milio a' vevin duc' une età indulà che, par lôr, une armoniche 'e je une robe impuartante: al fo cussì che si cognossèrin, parvie de armoniche di Milio, che, sot dai baraz di spin blanc, al stave sunant pai siei amîs. E il Nini, cu lis mans te sachete, al jere lì che lu scoltave cun tun fâ un pôc irònic e quasi di sfide. Al



*someave ch'al stés par dî alc: salacôr par fâ une critiche al « passo doppio », o une osservazion, opûr ancje un compliment. In ogni mût i siei vôi a' vevin un alc di legri e sigûr; ma i frutaz di Rose, di lui, quasi quasi, no si jerin nancje inacuarz: ma ben Milio, ve', dopo vêlu lumât j 'e meteve dute, e al someave ch'al sunàs, dut impiât, nome par lui.*

*Intant si jere fat dongje ancje chel altri, e al si jere metût in bande dal Nini: si cjalavin sotvie, ma no vevin coragjo di tacâ boton. A un ziert pont, però, la zoventût di Rose 'e dezzidè di lâ inalgò, vadì de bande dal breâr (indulà che il bal nol jere ancjmò scomenzât) opûr viars la barache de ostarie: indulà ch'a puartàrin cun lôr ancje Milio ch'al continuave a sunâ. Restâz cussì dibessôi dongje i baraz blancs, il Nini e Ligjo si derin ancjmò une cjalade, po il Nini si dezzidè a fevelâ par prin: « Lui al è di San Zuan, no èa vera? », al domandà.*

*« Sì », al rispuindè chel altri galandìn. « E lui se no fali al è di Ligugnana: si sin vidùs tanti' voltis pa li' sagris... ».*

*« Domenia j lu ài incontrât a Muris, cu 'na biela zovina: j la conòs, a è una di San Vît... e a veva una amica amondi biela, ancia ic, ma no soi rivât mai a parlâghi... ».*

*« Vuéi, forsi, a vegnin chî », al disè Ligjo, « s'al vòu, ghi la fai conossi... ».*

*« Benon allora! Zinu a bevi un gòt? ».*

*« Zin! », al rispuindè content Ligjo.*

*L'amicizie, ormai, 'e jere fate...*

PIER PAOLO PASOLINI

(Traduzion di Eddy Bortolussi)


## « PI DUE »

*Ce pene, dai gjornâi!  
Banchîrs, industriâi,  
ministros, segretaris di Partît,  
pulîtics, gjenerâi,  
duc' in chel nît di Gelli, la « Pi Due »!*

*E lui a uzzâju duc' che nancje une gue  
par vêju pronz secont lis siês viodudis  
ad espuartâ valudis,  
a fâ sparî chel tâl,  
a sublimâ chel gnogno biel anâl,  
a fracassâ l'Italie, di maniere  
che nancje in Inghiltere  
tal cors de ultime uere  
i mucs cu la « Vi Due »!*

M.







## *Fruzzons*

Al jere muart Zefon, ch'a 'n' veve novante.

Al jere vèdul. Al veve tre fîs e tre brûz, e une schîrie di nevôz.

Alore a' vevin di vièstilu par mètilu te casse postade tal tinel de cjase, par ch'a podessin lâ a binidîlu dut il paîs; e i fîs no lavin d'acordo su ce ch'a vevin di mètij intôr.

« La sô mude di fieste », al diseve il prin fi.

« Ma 'e je ancjemò gnove », al diseve il secont.

« Si j met il vistît di quant ch'al lave a marcjât, cu la sô golarine ».

« Ma 'e je di sede chê golarine », e diseve une brût.

« Di sede ò no di sede », al diseve il prin fi, « 'e jere sô e al à dirit di puartâse; e parimentri al à dirit di puartâsi dilà la sô mude di fieste ».

« Strassâ la robe in chê forme! », al diseve il secont.

« Juste; ma la int ce dirâe s'o lu viestìn come quant ch'al lave a marcjât? ».

E' àn finît cul mètilu sot in mudandis e cui cjalzuz, senze scarpis. Par che la int no vessin nuje ce dî la volte ch'a lavin a binidîlu, j àn lassât no-

me il cjâf libar, e il cuarp, lunc, te casse, j al àn platât cun tune cùzzine, ch'al semeave une mùmie; e ancje chê cùzzine, dopo, denant di meti il tapon su la casse, le àn prelevade, che une cùzzine 'e je simpri une cùzzine...

\*

Bepo, sui setantecinc agn, cun tun pocje di alterio e cun difiez di circulazion, che in cjase sô al cjatave ce ch'al oleve pes tantis pensions ch'al tirave par vê lavorât par agnorums in Svizzerie, in Franze e in Gjarmànie, al va a cjatâ so copari Denêl, de sô anade, che nol jere masse in salût. « Denêl, 'o soi vignût a cjatâti ».

« Ti viôt ».

« 'O soi vignût... se tu âs bisugne di alc... ».

« Gràziis, Bepo ».

« Denêl, senze nissun compliment... ».

« Poben, Bepo, se tu mi dâs un pô' di salût... ».


« 'Orpo, Denêl, tu mi domandis propi ce che no ài! ».

M.





Mai



# 5

- |   |    |   |                                  |   |
|---|----|---|----------------------------------|---|
| ✠ | 1  | S | <i>Fieste dal Lavôr</i>          |   |
| ✠ | 2  | D | S. ATANÁS                        |   |
|   | 3  | L | SS. Filip e Jacun                |   |
|   | 4  | M | S. Mòniche                       |   |
|   | 5  | M | S. Virgjie                       |   |
|   | 6  | J | S. Gjudite                       |   |
|   | 7  | V | S. Flavie                        |   |
|   | 8  | S | S. Vitôr                         | ☺ |
| ✠ | 9  | D | S. GRIVÔR DI NAZIANZ             |   |
|   | 10 | L | S. Antonin                       |   |
|   | 11 | M | S. Fabio                         |   |
|   | 12 | M | S. Pancrazi                      |   |
|   | 13 | J | S. Eme                           |   |
|   | 14 | V | S. Matie apuéstul                |   |
|   | 15 | S | S. Secont                        |   |
| ✠ | 16 | D | S. UBALT                         | ☾ |
|   | 17 | L | S. Pasquâl Baylon                |   |
|   | 18 | M | S. Lenart                        |   |
|   | 19 | M | S. Ivon                          |   |
|   | 20 | J | S. Bernardin di Siene            |   |
|   | 21 | V | S. Vitorio                       |   |
|   | 22 | S | S. Rite di Càssie                |   |
| ✠ | 23 | D | LA SENSE                         | ☺ |
|   | 24 | L | S. Susane                        |   |
|   | 25 | M | S. Bede                          |   |
|   | 26 | M | S. Filip Neri                    |   |
|   | 27 | J | S. Fidri                         |   |
|   | 28 | V | S. Milio                         |   |
|   | 29 | S | S. Massimo                       | ☾ |
| ✠ | 30 | D | PENTECOSTIS                      |   |
|   | 31 | L | SS. Canzio, Canzian e Canzianile |   |

# Mai

## *Il difiet*

Parcè la « pizza » napoletane àje conquistât il mont, là che invezzi i prodoz furlans no rìvin a vê granc' risultâz dibot inìò?

La pizza 'e je un plat inteligjent, ch'al à den tri un pôc di dut e al ti gjave la fan cun tun tiarz di ce ch'al ti costarès un gustâ. I prodoz furlans, invezzi, a' son pai siôrs, parceche i furlans a' vuèlin fâ i bêz subit, tun moment, che lôr no àn pazienze.

Al jere un ch'al lave a fâ lavôrs là dai contadins. « Ben », j dîs un amì ta l'ostarie, « tu cjatarâs qualchi bon salam ». Chel j à rispuindût che i contadins pitost di dâti un salam ti dâ la femine.

E cussì al sozzèt che se un ch'al à une frascje e al viôt ch'al ven fat bon azzèt a une fretae cu lis jarbis, tal doman la fretae al conven lâ a mangjâle tal restaurant plui cjâr dal mont.

Dal sigûr che i furlans e' àn di vê patide tante fan se vuê a' son rivâz a preseâ tant ce ch'al vâl pôc, al ven a jéssi ce ch'al è matereâl, e a no cal-

culâ nuje ce ch'al è culturâl e che, tal contest dal vivi, al vâl di plui.

### *La profezie*

Co tu j tegnis tant ae robe, tu butis vie la vite. Afârs tiêi! Ma sestu bon di pensâ che a vê tant e a no jéssi propit bon di diventâ siôr, al è dut inutil? E s'al è inutil, ce utilitât àstu a pensâ al util? I siôrs a' pènsin al biel e al bon.

Si salvaran nome chêi furlans ch'a impararan a jéssi siôrs.

L. C.

---

No stâ a comportâti come se tu vessis di vivi mil agn. La muart ti è parsôre: fintrimai che tu vîvis, cîr di séi bon.

Marco Aurelio

# **Furlans, fevelàit par furlan!**

*Jo sint nassût tra Glemone e Tumiez  
dongje lis monz di ca del puint dal Mesc  
par furlan vuêi cjantâ no par todesc.*

*Vuêio siarâ in un desc  
lu miò plaidâ ch'è naturâl e bon  
e di cugiaro, s'jo puès di sedon?*

*Jo sarès un mencjon  
a favelâ e no jèssi intindût  
jentre de vile là ch'jo soi nassût.*

N. MORLUPINO (1528-1570)

## **DISLÈELENGLISH**

*par provis di lei, di dî-sù e di scrivi.*

Lui il mès di luj nol ûl stâ a 'zujâ a 'Zuj cun mès agnis, che Diu m'es conservi, ma al fâs un mismas di maz par jèssi cul mès e lâ là che la sorte 'e ûl, e jèssi plui libar tal so jèssi.

Il lât di Sauris, dapît di Lateis, al è come un lat lât in sbrum.

Cun Titule Lalele e Lelo Cjanton 'o cjantîn tun cjanton il cjant de falulele.

Siore Linde, sentade sot la linde, 'e lei une lungje lejende.



*La lingua de gl'onorati Signori delle tre leghe, chiamati uolgarmente Griggioni, i Latini gli chiamano Reti, è tale, che pareva impossibile a potersi porre in iscrittura essendo ella quasi peggiore che la Furlana, la qual è tanto trista, quanto sono buoni gl'ingegni e quanto grande è il valore di quella provintia onoratissima.*

P. P. VERGERIO il Giovane  
(1497/98-1565)

## SCIOGLILINGUA

*per esercizi di lettura, di dizione e di scrittura.*

*Lui il mese di luglio non vuole stare a giocare a Zuglio con mie zie, che Dio me le conservi, ma fa un guazzabuglio da matti per uscire col cursore e andare là dove la sorte vuole, ed essere più libero a suo modo.*

*Il lago di Sauris, appiè di Lateis, è come un latte andato in panna.*

*Con Titule Lalele e Aurelio Cantoni cantiamo in un angolo il canto della falulella.*

*La signora Teodolinda, seduta sotto la gronda, legge una lunga leggenda.*

D. V.

## LA BIBLIOTECHE DI RISULTIVE

Jo di Risultive, nassût e cressût parmîs da l'aghe dapît la cleve (aghe e tiare tal seren de viarte, la stagjon curte di chest sium di buinevite), 'o soi un dai pôs che par un pêl, si fâs par mût di dî, e' àn vude la furtune di fâ biei bocons di viaz tal soreli e l'àjar de Basse, dilunc dal Tiliment e sù pa l'Alte: dut il mont furlan... Mi visi che di là de rêr de cjase di Dalban, su la strade di Pers, un frut di gale, fi di Joane, une des miôrs tresemanis, femine di Marasint cui cjavêi sâl e pèvar, al tirave jù lis cjariesis pe mari di San Pieri supant une gjambe di dolcemare. Ce timps! Daûr i lunaris di pre Bepo si scoltave lis predicjs dal muini e il Vanzeli dal plevan.

Une dî, passant tra lûs e scûr par un paîs de tiare di Lansing, 'o ài sintude une vôs disdevôre ch'e diseve peraulis, dome peraulis: al jere il discors di une frute cul tomât di Carnevâl su la muse: « Al ûl plomp e nivel », dissè, « par tignî in equilibrio lis scais di piere de cjase di Cja' Dreôr, a Buje! ».

« Sî sî, bielestele! », gjò. « Nô no vîn dome une idèe e dîs cjantis, ma tantis ideis e cjantis. Ma

chenti, ninine, no si reste a mans vuèidis: si lote pai nestrìs fogolârs come îr e come quan'che i strumîrs e i zambarlans a' fasevin faliscjs dal diàul a colôrs; come ta chel dies irae pal Friûl 1976.

Cumò nol covente mandâ letaris ai furlans ne ai foress' par furlan, parceche duc' lu sa che tes pagjnis siaradis dal libri des peraulis, te flôr des puisîis furlanis e te cuintristorie dal Friûl a' son lis vôs e i faz de nestre Patrie.

Mandi, int mê, e amîs come prime, come simpri!

BIDINUT

*Culî a' son nomenâz duc' i 66 tîtui dai libris di Risultive stampâz fin cumò. Contàit ju, e 'o viodarês ce sclopetadis!*

# Famèis di une volte

Pieri (il pari) j domande 'e Sunte (la mari):  
« Ce àno chêi fruz ch'a vâin? ».

« E' àn fan ».

« Petèniyu ».

\*

Pieri ur domande ai siêi fîs ch'a stan mastiant  
alc: « Ce mastiàiso? ».

« Ai ».

« Ce? ».

« Ai! ».

« Bon. Mastiàit ».

\*

Sunte, su la stagjon des cjariesis, 'e mandave i  
siêi fîs sul zesâr a tirâlis jù. Ur diseve: « E viódit  
di no colà, savêso, ch'o mi dissiparèssis chel biel  
strop di lidric sot vie dal zesâr ».

\*

Pieri j domande a Nadalin, il fi plui pìzzul:  
« Parcè vâistu Nadalin? ».

« Mi è dât la mame ».

« Parcè? ».

« Parcè ch'e veve reson ».

\*

Berto (il fradî plui grant) e Nadalin (il fradi plui pìzzul) e' àn di passâ l'aghe di un rìul; e alore si gjàvin lis zùculis e i cjalzuz.

Berto j dîs a Nadalin: « Diu, Nadalin, ce pîs sporcs che tu âs! ».

Nadalin j rispuint: « Tù tâs, che tu ju âs plui sporcs che no i miêi! ».

E Berto: « Par fuarze! Cui îsal plui vecjo? ».

\*

Sunte, stant che in famèe 'e jere tante miserie che mai, 'e va sul fijâr ch'e veve tal ort; 'e jemple un biel zèi di fîs e 'e va a vèndiju tun paisut dal contorno.

'E viôt un omp sul antîl di une puarte e j dîs, mostran'j il zeut: « Mi cjolêso? ».

« Parone », j rispuint chel paron, « jo 'o soi za maridât; ma 'o ài un fradi ch'al è vedran. Jentràit ».

\*

Sunte 'e je lade a Udin. Dopo di vê stât atôr pes



buteghis, no saveve tornâ lî de stazion de coriere  
ch'e veve di menâle a cjase. J domande a un omp  
ch'al passave: « Paron, di ce bande ào di lâ par  
lâ a cjase? ».

« Parone, se no mi dîs là ch'e sta... ».

E la Sunte: « Curiôs! ».

P.

---

Il stîmul plui fuart di ogni infâmie al è il bêz: ch'al  
intossêe lis cjasis, al messede i velens, j dà in man la spa-  
de ai sassins pajâz par copâ e ai soldâz: e al è simpri ba-  
gnât dal nestri sanc.

Lucio Anneo Seneca



## IL TO PATÌ

'L è squasi  
un scûr  
ch'al màgla  
il to ridi.  
'A je la spia  
ch'e il patì  
al à lassât  
un segno  
su che tô musa  
neta  
e tal to cûr  
scunît.  
Il to sintì  
cussì fuart  
ti scurta  
la vita.  
Sberla  
il to dolôr.  
Rît, vai  
o ufint;  
ma no stâ  
restâ cussì,  
ferma,

*cujeta  
a racuei  
li velenôsi  
feridis  
dal timp.*

BUNO NOBILE

*(Furlan di Aquilèe)*

## Furzons

Bruno j telefòne a Pauli, so fi. J domande cemût ch'al sta. J dîs che lui al sta ben e parimentri sô mari. Po' j dîs che in chel jenfri che no si jerin ni viodûz e ni telefonâz, al jere muart chel omp... chel siôr... de sô stesse anade... che siguramentri Pauli lu veve vût cognossût in cjase sô timp indaûr.

Pauli al rispuint che di chel siôr si vise e no si vise. « Ce agn vèvial? », j domande a so pari.

« Ti ài dit ch'o jerin de stesse anade ».

« 'Orpo », al dîs Pauli, « zòvin. E di ce îsal muart? Vivèvial regolâr? ».

« Cemût, mo ».

« 'O uei dî, vèvial vizis? ».

« Sì, al veve un vizi, il piês vizi di duc' i vizis di chest mont: chel vizi che par talian si lu clame "vizio cardiaco" ».

\*

Un miedi di Udin, nobil e siôr, za in pension, al cjaminave par Marcjâtvieri a Udin cul cjâf tai nûi, ch'al jere saldo cul cjâf tai nûi.

S'intope tun puar vieli che j slungje la man par domandâj la caritât e che j dîs: « Siôr, 'o ài fan ».

Chest miedi j fâs di moto cu la man drete che si tiri imbande e che lu lassi stâ, e al va dret par uns quatri pàs. Podopo si ferme come sorepinsîr, si volte, al torne a fâ chêi quatri pàs indaûr fin lì ch'al jere inmò chel puar vieli e j domande: « Ce mi astu dit? ».

« 'O ài fan ».

« Bon segno ». E al va dret.

\*

Sergjo Visentin al va in Cumune, che j covente une cjarte.

Il scrivant, dilà dal bancon, cu la pene in man, j domande: « Il so non? ».

« Visentin ».

« Tronco? ».

« Nò, Sergjo ».

\*

Tal simitieri di Biliris la Gjne 'e stave regolant il... strop dal so puar omp quant ch'e viôt a jentrâ tal simitieri la Flavie, 'ne paesane sui corantecinc agn, che j jere mancjât il cristian uns tre mê s indaûr.

Ma la Flavie, invezzi di lâ su la sepulture dal cristian che j jere manciât uns tre mêś indaûr, la Gjne la viôt ch'e va drete a inzenoglâsi denant de sepulture di Silvan, un biel fantazzon dal paîs ch'al jere muart pôs mêś prin ancjechel.

Smaraveade di un tant, la Gjne 'e va dongje de Flavie e j dîs: « Flavie, 'o jeri persuadude che il to omp al fôs stât metût jù lajù insomp, e no chi ».

« Sî, Gjne, il gno omp nol è chi, che culî al è Silvan. Ma al è propi Silvan che jo 'o soi in dèbit cun lui, che mi à insiorade la vite! ».

\*

Terzo di Vigo al tornave a cjase de Gjarmànie sot Sanz, e la femine 'e jere rivade cu la cariole in stazion a Tarcint a spietâlu.

Al rive in stazion, al dismonte dal treno, al poe la valîs e il sac dai impresc' su la cariole, e vie.

Al à apene passât la cjase di Pelarin e faz chêi cinquante metros di strade par lâ a Madone quant ch'al ferme la cariole sul ôr de strade e j dîs 'e femine: « Sù, mo, Nastàsie ».

« Terzo », j rispuint la femine ch'e à capît a colp il parcè de fermade di Terzo, « Terzo, tu âs tant spietât... ».

« Masse. 'O spieti di Pasche in ca, e cumò von-  
de ».

« Terzo, miez'ore e 'o sin a cjase... ».

« Nancje un minût ».

« ... a cjase, tal cujet, tal sigûr... ».

« Intant chi, e po' ancje a cjase ».

M.

---

Unevôre di voltis al è injust no nome chel ch'al fâs,  
ma ancje chel che nol fâs.

Marco Aurelio - I ricordi - IX-V



## LA STATISTICHE

*Ce ch'e je la statistiche? T'al pant:  
'ne robe par fâ un cont in gjenerâl  
de int ch'e sta pulît o ch'e sta mâl,  
ch'e mûr, ch'e va in galere e vie indenant.*

*Ma a mî la robe mi è curiôse quant  
che j mêtin dentri la percentûâl,  
che lî la medie 'e reste tâl e quâl  
ancje par un ch'al mancje di chel tant.*

*Mi spieghi: stant ai conz di chêi ch'a san  
doprâ cheste statistiche, al pâr clâr  
che a tî ti tocje une gjaline ad an;*

*che chê, s'e mancje tra lis spesis tôs,  
instès in te statistiche s'impâr,  
parvie che un altri al è a mangjânint dôs.*

TRILUSSA

(Traduzion di Meni)

## TAL BRÀS DI TO PARI

*Tal bràs di to pari  
ridint cuntra il soreli  
ti sins il profun  
di 'na rosa di curtìl.*

*Misdì lusint tal curtìl!*

*Cui dèis da la manuta  
intorgolàs ta li' fuòis  
ti strens ridint  
il còur di 'na rosa...*

*I vùì inseàs  
ta la lùs dal soreli.*

EDDY BORTOLUSSI

*(Furlan di San Vît)*

# Confessions

Ugo al va a confessâsi dal plevan dal païs.

« Conte », j dîs il plevan.

« 'O blestemi, siôr sântul ».

« Muàrditi la lenghe, invezi. Podopo? ».

« 'O conti bausìis ».

« Duc' lis conte. Coragjo ».

« M'inrabîi cu la femine, ancje quant ch'e pò  
vê reson jê ».

« Monadis. Còntimi alc di plui sostanzeôs ».

« 'O ài robât ».

« Robât ce? ».

« Piruzzis ».

« Cagneris! dulà? ».

« Siôr plevan, no puès dîlu ».

« Dulà? ».

« Siôr plevan... tal so ronc... ».

« Tal gno ronc? Sâtu o no sâtu ch'al è pecjât  
mortâl? Se tu âs vòe di salvâti, guai tal gno ronc!  
E par chel che tu âs fat, tu mi slungjs 'ne cjarte di  
dîs e tu preis quatri parz di rosari ».

M.

## Storiutis di pais

Jacumin al jere il pupîl di cjase parvie ch'al jere nassût daspò sîs frutis. Dute la robe miôr in cjase 'e jere par Jacumin. Quant ch'a copavin lis gjalinis, i tocuz plui saurîz par Jacumin; quant ch'a copavin il purcit, i zerviêi e lis brusàdulis par Jacumin. Insumis dute la miôr part par Jacumin.

Une biele dì a' tacàrin ancje lis disgraziis: al murì il vigjel, e Jacumin, parcè ch'al veve di svilupâsi, al scugnì mangjâ cjâr di cuntinuo; subit daûrji a' murìrin i dindis, e jù dute la cjâr a Jacumin parcè ch'al veve di cressi fuart e san par cuntinuâ il cognon de famèe. Sigheduncje al jere tant stufât di mangjâ cjâr di jéssi ingomeât.

Une brute dì, in miez a chesc' odôrs e savôrs, e' plombà in cjase un'altre disgrazie. Il frut spaurît, no podint sustignîle dibessôl, al corè di buride dal mestri. Al jere dut tune lagrime e, sustant, j contà dute la trafile de cjâr. Daspò vèlu sintût, il mestri j domandà: « Êsal ancjmò alc, Jacumin? ».

Il frut, disperât, j rispuindè: « Al è che uê al è muart il nono! ».

\*

Milie 'e tontonave a Tubie parceche no si dezi-

deve di lâ a confessâsi pe fieste dal perdon. « Sù mo, Tubie, tu pàris bon a lâ a dispedâ il pôl ancje tû ».

« Po sì, po sì, femine, 'o larai apene finîz i lavôrs ».

E Tubie al lè a confessâsi. Il confessôr, tra l'altri, j domandà s'al veve mai fât i cuârs 'e femine; e Tubie al rispuindè che, cui timps ch'a còrin, lâ simpri cu la femine al è fûr di mode. Alore il confessôr al diventà sevêr e, par pinitinze, al imponè a Tubie di mangjâ une grampe di fen: « E cussì tu impararâs a no lâ a mangjâ il fen di chei altris! ».

Tornât a cjase, Tubie al sparì de viste de femine; e cheste a cirîlu dapardut. Par intîf lu cjatà scrufujât sul toblât parmis di une tasse di fen, ocupât a mastiâ un fros a la volte. « Daspomai ch'o ti clami e ch'o ti cîr, ce fastu culì? », 'e berghelâ Milie.

« 'O fâs la pinitinze che mi à dât il plevan », al spiegà Tubie.

« Ma vastu daûr di chel là tû? Se jo 'o lavi daûr di lui a chest 'ore 'o vares scugnût mangjâ il toblât intîr! ».

\*

Une clape di zovenoz, di chei usâz a no patî mai sêt, si cjatà te ostarie a bagnâ la peraule, quant



ch'al rivà Drèe, cunsiderât il cjâf de squadre dal clinto. Daspò vê bevût un pâr di tàis, Drèe al invidà chê cùbie di amîs a cjase sô par bevi une butilie di stròpul.

A' jentràrin in cusine propit quant che la none 'e stave scoltant la Messe par television, e il predi celebrant al pronunziave: « Il Signore sia con voi ».

« Drèe », j disè il plui mataran de clape, « se il Signôr al fòs cun nô, ce cjochis che j tocjarès fâ! ».

\*

In treno, tun scompartiment di prime classe, al jentrà un plevanon grant e gruès, che si sentà, sfladant, di front a un siôr che pacjficamentri al lejeve il gjornâl. A viodisi in fazze che stàipe di predi, chel siôr si secjà, e distrade si sbrocà: « Ce razze di bo! ».

E il plevanon, di rimant: « Sigûr, siorut; tra jo e lui però 'o podìn fâ un biel presepio! ».

\*

Un contadin al va lì di un so amì a domandâj il mus d'imprest. « Bulintîr », j rispuint, « ma za a buinore gno fi al è partît cul mus viars Udin ».

Propit in chel il mus, ch'al jere te stale, al tacà a ronâ.

« 'O ài capît », al dîs l'amî, « tù tu mi dâs di bevi flocjs, ma il mus ti à sconfessât ».

« Mi smaravei di te », al rispuint chel altri, « che tu crodis plui al mus che no a mì! ».

\*

Pierin, un canai di vot agns, al spizzà lis orelis quant che la mestre 'e spiegà in ce mût ch'a nassin i fruz. Apene tornât a cjase s'imbatè in sô sùr Taresie e daurman j domandà: « Cemût sestu nassude? ». E chê j rispuindè: « Sot une verze ».

Dopo di chê al incuintrà sô mari: « Mame, cemût sestu nassude? ». E la mari: « Mi à puartade une agane ».

Subit dopo al cjatà la none: « None cemût sestu nassude? ». E la none: « Mi à puartade la cicone ».

E Pierin, preocupât: « Orpo, in cheste famèe al è di tre gjenerazions che nol capite un part normal ».

\*

Doi contadins furlans a' jerin lâz a Rome par viodi la zitât e par vê udienze dal pape. Daspò vê zirât par chi e par là, a' rivàrin sot l'arc di Costan-

tin. Si meterin a lei lis iscrizions che si cjatavin alì, scritis in latin, e lôr no capivin nuje. S'incolirìn 'tôr d'une scrite, seont lôr impuartante: « Costantino magno populus gratus ».

« Finalmentri une scrite ch'e si capìs! », al disè un dai doi.

« Ce vuèliâl dî? », al domandà chel altri.

« No capistu propit nuje tù? Sta atent che cumò t'e spiegghi, eco: "Costantin al mangje e il pòpul si grate" ».

\*

Migjo al jentrà te ostarie di Quilo 'e si sentà aprûf di un taulin lontan dal banc. E senze piardi timp al domandà un quart di chel neri. « Ch'e si sbori dut! », al tontonà fra di sè.

Pôc dopo al clamà un altri quart parcè ch'al sintive imò sêt. E cussì si fasè puartâ un daûr l'altri ben sîs quartuz.

Vignude l'ore di lâ, al clamà l'ustîr, e, a mieze vòs, j disè: « Quilo, no ài cun ce pajâti! ».

E Quilo: « Brut lazaron, parcè no dîmal daspò vè bevût il prin quart? ».

Migjo lu cjalà cun voli di cunin e cun tun flât di vòs j replicà: « Prime no 'vevi coragjo ».

TARCISIO VENUTI

## C J Â S

*Mi dîs Gjervâs (e al vai):*

*« Meni », mi dîs, « 'o stoi tan' mâl che mai ».*

*« Ce ti suzzedial po? ».*

*Mi dîs: « La frute! »; e jo:*

*« La frute; ma ce àe? ».*

*Mi dîs: « Une canae!*

*Mi 'n' fâs », al dîs, « no sai contâ cetantis ».*

*« E tù no tu la plantis? ».*

*« No puès », al dîs; « mi à sclâf...*

*Par jê 'o ài piardût il cjâf... ».*

*Piardût il cjâf, tu disis; ma cemût?*

*Tù, il cjâf, quant lu âtu vût?*

M.

## CÎL DI OGNI STAGJON

*Cîl di ogni stagjon, voliturchin,  
'o sin nassûz insieme.*

*Prime ch'o fòs, tû no tu jeris,  
dopo, ti stavi dongje  
cun anime di pôl.*

*Te lûs di ogni buinore  
si prestavin un svuèl  
di pinsîrs ràmpiz.  
Ce ch'o vevin di miôr.  
Po, insieme te passion...*

*Ancje jo come te: seren o nûl,  
soreli opur stravint.*

*Sot sere ogni colôr si stenz  
e il gjoldi e la fadie  
cun nô, par simpri, dentri, sabulidis.*


MARIA FORTE





*Jugn*





# 6

- |   |    |   |                         |   |
|---|----|---|-------------------------|---|
|   | 1  | M | S. Justin               |   |
|   | 2  | M | S. Marcellin            |   |
|   | 3  | J | S. Live                 |   |
|   | 4  | V | S. Quirin               |   |
|   | 5  | S | S. Franco               |   |
| ✠ | 6  | D | SS. TRINITĂȚ            | ☺ |
|   | 7  | L | S. Gjenie               |   |
|   | 8  | M | S. Medart               |   |
|   | 9  | M | S. Efrem                |   |
|   | 10 | J | S. Diane                |   |
|   | 11 | V | SS. Feliz e Furtunât    |   |
|   | 12 | S | S. Nofrio               |   |
| ✠ | 13 | D | CORPUS DOMINI           |   |
|   | 14 | L | S. Proto                | ☾ |
|   | 15 | M | S. Vit                  |   |
|   | 16 | M | S. Aurelian             |   |
|   | 17 | J | SS. Ciriache e Moscje   |   |
|   | 18 | V | S. Marine               |   |
|   | 19 | S | SS. Gjervâs e Protâs    |   |
| ✠ | 20 | D | S. ÈTORE                |   |
|   | 21 | L | S. Luis Gonzaghe        | ☺ |
|   | 22 | M | S. Nicete               |   |
|   | 23 | M | S. Vinizio              |   |
|   | 24 | J | S. Zuan Batiste         |   |
|   | 25 | V | S. Gulielmo             |   |
|   | 26 | S | S. Vigjlio              |   |
| ✠ | 27 | D | S. CIRIL DI ALESSANDRIE |   |
|   | 28 | L | S. Ireneo               | ☾ |
|   | 29 | M | SS. Pieri e Pauli       |   |
|   | 30 | M | SS. Protomàrtars        |   |

# Jugn

## *Il difiet*

Tal mêś di jugn dal '81, la stampe 'e confuare-tave il popul, sturnît di une filàine di avenimenz, cul contâj che Spadolini, sul fâ il guviâr gnûf, al spesseave che mai, ch'al saltave i rituâi di simpri, ch'al brusave lis tapis. 'E contave cussì, la stampe, e po 'e tornave a contâ. E a' passavin lis setemannis... Paraltri, cemût si varessial savût di tante sveltezze se la stampe lu vès contât une volte sole?

Ve' mo, al è dut in chest: come che duc' o almàncul miez i talians a' varèssin di capî tune volte sole che no si pò ricori 'es votazions anticipadis par no lâ indenant, cussì duc' o almàncul miez i furlans a' varessin di capî ancjemò miôr tune volte sole, par mancjanze di timp, che chest al è l'ultin moment bon par lâ indenant cu la valorizazion de region. No lu capissin.

## *La profezie*


Cul dî, culî disore, « almàncul miez » i talians e i furlans, si intint che ogni popul al à la sô part di basoâi e ch'al è a chealtre part, alore, che j to-

cje di movisi, par no jéssi come chêi puars biâz che no son in cundizion di capî alc; e cul dî « tune volte sole », si intint che se la int no si svêe per capî daurman, al sarà masse tart pari jéssi indenant e no restâ indaûr. Cun tune diferenzie, tal câs: che se i talians no si mòvin, 'e sarà simpri l'Italie a proviodi; e che se i furlanis no si mòvin, 'e sarà simpri l'Italie a no proviodi.

E mòvisi nol ûl dî nome protestâ o proponi: al ûl dî, plui di dut, realizâ.

Qualchidun si movarà par rivâ a movi alman- cul miez i furlans.

L. C.



# Furlans, fevelàit par furlan!

*...plàit uдинàs no in dut,  
no paludan in dut, no in dut cjargnel,  
ma cun ducuanç' cussì ben cunvignût  
cu no si pò no in vêr scoltâ 'l plui biel.*

G. B. DONATO (1536-1599?)

## DISLÈELENGLISH

*par provis di lei, di dî-sù e di scrivi.*

No ài mai vûz tanc' mâi come chest mêś di maj  
passât: m'ai soi uarîz cui riz cuez ai Riz lì dal mai  
dal batifiâr di Rizzot.

Meni nol è mone, le à par un bon mani: ma al à  
la manie di meti une manie tune manie e lâ cu la sô  
« Mini » in màniis di cjamese a Manià a mangjâle  
cun tune manie di maniòz.

Ogni volte che mi senti sul merlin lì de volte e  
mi volti a sintî il merlo, mi sint di bevi une merle  
di merlot.

A Manzan si mangje une purizion di manz o di  
manze, e se si lasse la mance la chèlare no mancje  
di ringraziâ cun tante grazie.

*Jo no soi di paré che in tal Friûl  
la frase séi mîor sint sparnizade  
di Talian, Francês e di Spagnûl.*

G. SINI (1529-1602)

## SCIOTGLILINGUA

*per esercizi di lettura, di dizione e di scrittura.*

Non ho *mai* avuto tanti *mali* come questo mese di *maggio* scorso: *me li* sono guariti con i *ricci* raccolti ai *Rizzi* presso il *maglio* del battiferro di *Ricciotti*.

*Domenico* non è *ingenuo*, è in condizioni privilegiate: ma ha la *mania* di mettere una *pancetta* in un *sacchetto* per ricotta e di andare con la sua « *Mini Minor* » in *maniche* di camicia a *Maniago* a mangiarla con una *combriccola* di maniaci.

Ogni *volta* che mi *siedo* sulla *posta di fieno* sulla *svolta* e mi *giro* a *sentire* il *merlo*, mi *sento* di bere una *bottiglietta* di vino *merlot*.

A *Manzano* si *mangia* una porzione di *manzo* o di *manza*, e se si lascia la *mancia* la cameriera non *manca* di *ringraziare* con tanta *grazia*.

D. V.



*Dedicade a tanc' di lôr, ancje a qualchidun di  
chêi de « La Vita Cattolica ».*

Po' al ... jentrà tun paîs; e une femine, ch'e veve  
non Marte, lu invidà a cjase sô.

Cheste femine 'e veve une sôr di non Marie,  
che, sentade ai pîs dal Signôr, 'e scoltave lis peraulis  
di lui.

Marte si indafarave par prontâ dut; e a di un  
pont 'e ven dongje e 'e dîs: « Signôr, no t'impuâr-  
tial nuje che mê sôr mi lassi a navigâ dibessole?  
Disj duncje che mi dedi une man ».

Il Signôr j rispuint: « Marte Marte, tù tu fa-  
stiliis par masse robis: e a 'n' covente une sole. E  
Marie 'e à sielzût la part miôr... ».

*Dal vanzeli di Luche - C. X, 38-42.*

## U Ê E DOMAN

A un gno nevôt sul flôr dai agn

*Cumò, denant di un mâl ch'al pò cjapâti  
parvie di une panzade di uve e fîs,  
o di un disturp ce sao ch'al pò secjâti  
dopo une gnot in blanc cu lis amîis;*

*intant ch'al ven il jet a medeâti:  
« Sarà par quarant'oris », tu ti dîs';  
e, vere o nò, no cessin di balâti  
tal cjâf, intant, programs e fantasîis.*

*Ma quant che tra centagn 'ne dî a buinore  
ti sintarâs intôrti une colàrie  
di no vê vôle di saltâ fûr dal nît;*

*o alore, tû, ce provarâtu, alore,  
savint di chê ch'e spie fûr pe clavàrie  
cul passepuart in man par lâ a San Vît?*

M.

## IL VIELI

*Sentât te jarbe, Molene  
al bat il falzet  
cul cjâf insacât tai pinsîrs.*

*Al à pajât il tratôr  
cui lusôrs impiâz pes cumiériis;  
purcitât e vendude la vacje  
cu la nêf fûr di cjase.*

*Tre feminis il timp  
j à inclaudadis te casse  
e une schîrie di fiòi  
ju à spiardûz vie pal mont...*

*Bessôl al è restât  
cun tune gjate soriane  
e quatri ucêi di riclam.*

*Dai lavris  
ch'a strènzin la pipe  
'e cole une bave  
zale di bago.*

M. A.

## Muini

Colò barbon, di Magnan, de famèe dai Sandrins, siôrs di cjamps e di vacjs e parons e gjestôrs de plui antighe ostarie dal païs, al veve la incàriche di viodi de campagne e de stale de famèe, senze interessâsi dal esercizi che ur stavin daûr i viêi, un so fradi e lis sûrs; cun di plui, di vedran tant ch'al jere, al faseve, plui par vocazion che par bêz, di muini.

Ma al faseve di muini a so mût: di paron, squasi, de glesie e senze dipindi squasi dal predi: che un predi uê al è e doman nol è, a differenze dal muini...

Al jevave a buinore a regolâ chê dozene di bèstiis ch'a incovavin la stale e par abadâ a chêi cefâs che la tiare 'e domandave a seconde dal timp, des stagjons e des lunis; e a straoris la volte ch'al mertave di lâ a seâ, che alore si sêe miôr la mêniche, l'altissime e la rossite, umiliadis de rosade. E, par prin, al lave a sunâ di senze viodi l'orloi.

Al capitave che la int si lementassin di chê cjampane che ju sveave mò 'es quatri, mò 'es cinc, mò 'es sis a buinore, senze ordin. « Colò », j disevin a Colò, « ma cemût sùnie chê cjampane in chê mode? ».

« 'O soi jo che la suni denant di lâ a vôre. No pratin-darês mico che quant ch'o soi jù pai Pascs a seâ o lassi di seâ par vignî a sunâus di daûr l'orloi? O ch'o lassi a miez di strighiâ lis bèstiis par vignî a sveâus a chê ore? Se jo 'o jevi a chê ore, 'o podês fâlu ancje vualtris! ».

Il predi j veve dit une volte: « Colò, al è stât stabilit che si à di sunâ di a chê ore. Se vô no crodês di podê rivâ a fâlu a chê ore, 'o jevarai jo ».

« Lui, siôr copari, al à di fâ il predi e jo il muini. Se la int a' bruntùlin, si lasse ch'a fàsin. Il dì al è dì quant che si tache a vòre e no daûr l'orloi ».

Il plevan al veve tasût, che Colò, dilà di dut, al tignive la glesie pulide, la sacristie simpri a puest, e i confenons, la clocje, i standarz; e al tirave sù l'orloi regolâr. Paziènzie, duncje; siarâ un voli e 'ne orele su lis rispuestis dal omp, e cirî di cujetâ i parochians ch'a mormoravin sot vie a riuart di chel sunâ dì prin da l'ore.

E a riuart, ancje, di un'altre usanze di chel diaul di Colò. Ce fasevial, infati, Colò, tai dis prin de sagre dal païs, o di Nadâl o di Pasche, che si scampanotave par oris sul tôr?

A' rivavin chêi quatri fantaz a domandâj a Colò la clâf dal tôr par lâ a scampanotâ. Al rispuindeve: « Us 'e doi nome dopo ch'o mi vês netade la stale e comodadis lis bèstiis ».

Al à fat il muini par passe trent'agn a Magnan, sot tre predis; che un predi uê al è e doman nol è, dulà che invezit un muini, che nol à carieris devant, al pò stâ lì par in vite.

M.

*Lui*







- 1 J *Il sanc di Jesù*  
2 V S. Urban  
3 S S. Tomàs apuéstul  
✠ 4 D S. LISABETE  
  
5 L S. Filumene  
6 M S. Marie Goretti  
7 M S. Claudio  
8 J S. Procopio  
9 V S. Veroniche  
10 S SS. Rufine e Seconde  
✠ 11 D S. BENEDET  
  
12 L SS. Armàcure e Furtunât  
13 M S. Rico  
14 M S. Camil de Lellis  
15 J S. Buineventure  
16 V *B. Vergjne dal Carmelo*  
17 S S. Alessi  
✠ 18 D S. FIDRI  
  
19 L S. Juste  
20 M S. Elie profete  
21 M S. Denêl profete  
22 J S. Marie Madalene  
23 V S. Brigide  
24 S S. Cristine  
✠ 25 D S. JACUN APUESTUL  
  
26 L S. Ane mari de Madone  
27 M S. Pantaleon  
28 M S. Nazari  
29 J S. Marte  
30 V S. Rufin  
31 S S. Ignazi di Loyole



# Lui

## *Il difiet*

Za qualchi an, Alberto Moravia al à scrit che il so amì Pier Paolo Pasolini, za muart, nol veve vude reson a puartâ, tal nestri timp, la ziviltât contadine, ch'e je dopomai « fatiscence », patoche. Aromai, al concludeve, si à di cjalâ e di fâ stât su la ziviltât industriâl, parcech'e je chê a jéssi determinative des situazions.

Si pò consolâsi cul pensâ che la ziviltât contadine, ch'e jemple il passât dal Friûl, 'e je stade unevore impuartante come fonde dal svilup de ziviltât industriâl; si pò vaî pes usanzis e tradizions piardudis; si pò crodi che te ziviltât di vuê i valôrs umans no cjàtin plui chel spazi ch'a vevin te ziviltât di îr; si pò ancje contrastâ la situazion cul lâ a fâ un pôc i contadins quant che nus mêtin in pension... Ma al è difizzil dâj tuart a Moravia, cun dut che nol à dât reson 'es mutivazions poetichis di Pasolini.

Par consequenzie, al tocje di dâj tuart in linie gjenerâl al moviment culturâl furlan sul fat che tal dopouere nol à fat câs al timp ch'o sin a vivi e al

à metût denant cjossis che aromai a' son daûr: al ven a jéssi i celtics, il patriarcjât di Aquilèe e la ziviltât contadine. Cussì, ancje la domande pulitiche furlane, 'e je stade, te sô formulazion, tal so mût di manifestâsi, pitost academice: une domande di professôrs, insumis.

### *La profezie*

Par fâ pulitiche, i nestris professôrs a' son lâz a fevelâur ai pulitics e chêi no àn dade grande impuartanze ae problematiches storiche e culturâl dal Friûl. J 'e varessin dade se cui professôrs si fossin moz i omps da l'economie e de produzion. Ma nissun professôr nol larà a metisi d'acordo cui industriâi, che nancje no j pense.

L. C.

# Furlans, fevelàit par furlan!

[Il poete gnûf] arivât po' a la patrie in ben  
[pôs dîs,

'l è fat d'un fevelâ tâs ters e biel,  
tant al sicave che ben spes ju amîs  
a' no savevin ce lengaz fos chel;  
ma il cîl volè che no passàs trôs dîs  
che al tornà a inzopedâsi in tal ristiel,  
e recitant di setemane un trat,  
al si scolà in pôc timp come un quajât.

E. DI COLORÊT (1622-1692)

## DISLÈELENGLISH

*par provis di lei, di dî-sù e di scrivi.*

La massàrie no lave masse ben la massarie dal  
massâr massangôs.

Il mut nol mude mût.

Cui ch'al nàs cul nàs gruès al è nason ch'al na-  
se la nasse e il nasson.

« Nô no disìn di nò, no, nono Dino? ».

« Chesc' dîs dîs si dîs di sì, se si sintîjs sisilis ».

Nol ûl par nuje ualî la nôle se nol è in'nulât.



*Il linguaggio friulano è particolare, ed è difficile ad intendersi quanto il genovese, anche per gl'Italiani...*

C. GOLDONI (1707-1793)

## SCIOTGLILINGUA

*per esercizi di lettura, di dizione e di scrittura.*

*La serva non lava troppo bene le masserizie del colono zotico.*

*Il muto non cambia modo.*

*Chi nasce con il naso grosso è un nasone che fiuta la nassa piccola e quella grande.*

*« Noi non diciamo di no, nevvero nonno Dino? ».*

*« Questi dieci giorni si dice di sì, se vi sentite rondini ».*

*Non vuole assolutamente fiutare la nocciola se non è annuvolato.*

D. V.

## MANDI, CICERI!

*S'al rimòle il frediz che si è fat sintî dopo la ploàde (luj a dimplen, cjamps di blave cul penàcul tal treseman e 'toratôr te campagne), al scloparà di sigûr il soreli cu la canicule e la cijale. Ma par cumò 'e ven jù chê buine, a glàinis penzis e cidinis tanche tes zornadis cragnôsis di otubar. Senze padìn.*

*« Beato il morto che piove sul suo corpo », 'e diseve mê mari. E Ciceri vuê al à dibisugne di un proverbi cussì. 'E je la prime volte ch'al tâs di quant ch'o lu cognòs, sclagn e sbatût in ta chê pôse impicotide di muart.*

*Epûr chest che si davualz alì di lui al semèe pardabon un congrès de Filologjche. Di chêi che mi plasevin tant di frute, cu la cjase furlane a fâ di suaze ai discors dai sorestanz (int di rivuart, sapiente, cun chel snàit specjâl e magât ch'e àn i furlans inemorâz de lôr tiare e de lôr culture e che ju fâs deventâ une cunvigne fûr dal ordenari).*

*I floruz rôs 'tôr dai scjalins mi fàsin vignî adamenz occasions vieris di incuintris cui bocâi sflandorôs di colôrs furlans, discors a splovê, a un tulmignon di « intervenz » e di « mozioni », dulà che*

*Ciceri, furlan rût e senze delicatamenz, al tire i fii di dut il spetàcul, là ch'al ûl lui e cemût ch'al ûl lui. Paron dispòtic, lavoradôr senze orari, un fisco di omp che une a 'n' fâs e cent a 'n' pense. Nol à riuart par nissun. Nol à di vënt vût nancje par sè.*

*'E cole la plôe. Tantis vôs d'in ché volte e' àn tasût par simpri, e jo 'o mi sint puare un tichignìn di plui vuê, come se mi vessin robât alc ancje a mè.*

*Epûr par Ciceri jo no jeri di miôr di une comparse tun teatro: une o dôs voltis un miez compliment sgardufât tal pestefûi di une fevelade, e vonde. Jo no jeri par lui. Lui al jere par me. In qualchi strambe maniere mi semeave chês musichis vieris ch'a fâsin ricuardâ alc che no si ricuarde. Ce sàò jo? une figure, ch'e ten sù dibessole il patrimoni di duc' e no si pò dî che lu tegni sù mâl. Un aristocratic de culture impegnât fin a strùzisi e a sclopâ. Movût di un afiet spasemât a une tiare e a une lenghe ch'e àn di vê vût par lui radîs lontanis tai ricuarz di frut, cuissà, e ch'a son diventadis il perno de sô vite.*

*Mi pâr ch'a crizzùlin chêi doi armarons vecjos, cjargnêi, ch'a fâsin di sfont ae sô figure smamide.*

*Ciceri nol è gran chel lì. Cuissà dulà ch'al è Ciceri, il paron de Filologjche e de culture furlane.*

*A cui j darîno la cause cumò se lis robis no van ben pe Furlanie? Al è come se a botesclap ti tirassin*

*vie une montagne denant di te. Al restarès un grant slandri.*

*Siore Andreine, la femine di Ciceri, 'e vai senza padin te stanzeute plene di bielis robis furlanis. « S'o podès sintî imò une volte la sô vôs », 'e dîs, « se in qualchi maniere al rivàs adôre a dîmi alc... ».*

*Al è il prin fîl de grande speranze ch'al bute fûr, « fra une dì o mîl agn », come un'aghe frescje di risultive.*

*Jo 'o crôt che, s'al esist un miez par fevelâsi imò fra vîs e muarz, Ciceri e Andreine lu cjataran dal sigûr.*

*Il cjâr si è inviât. Bisugne nizzâsi. La int si môf. A mè mi pâr une robe restâ imò chi, ferme, e lui bielzà fûr dal so puarton di cjase. Par simpri.*

*Si distûdin lis lûs dai floruz rôs tai bocâi des tauladis sflandorôsis. I discors a' tasin. Il congrès al è finît. Sî. Bisugne nizzâsi, furlans.*


NADIA PAULUZZO

*Tresèsin, 22 di luj dal 81*









## MORÂRS DI FUÈE

*Morârs di fuèe ch'a volevin di cavalirs, cavalirs  
ch'a volevin di galete, galete ch'e voleve di un pataf  
a la miserie almàncul une volte ad an.*

*« Siôr dotôr, lu pajarai su la galete ».*

*« Copari, prèstimi chei quatri carantans che si  
comedarìn su la galete ».*

*« Toni, co 'o vendarai la galete, cròdimal di  
fede, la prime buse ch'o stropi 'e je la tô »*

*La galete! Une volte!*

*Ma cumò i morârs di fuèe a' son là te campa-  
gne come monumenz de nestre antighe civiltât con-  
tadine e a' son ricuardâz dome di qualchi intimpât  
e di qualchi patit ch'al viôt ancjemò i morârs di  
fuèe in tune lûs di puisie.*

*Lant vie di ca e di là  
pe Furlanie,  
us cjati simpri  
morârs di fuèe,  
o bessolins  
o, plui dispès, in rie  
a fâ cunfins  
dilunc i cjamps e i prâz,  
o insomp dai cjavezzâi  
sui ôrs, impins  
ch'o cjalais jù i fossâi.  
E quant che il frêt  
di sorunviâr  
us spache vie lis fueis*

*che si vongòlin po cui ajarons,  
tes glovis,  
cuintri il cîl pontâz,  
a' rèstin i bachez come piron  
e 'o someais di chêi  
ch' e àn i cjavêi spirtâz:  
nancje ch'o vessis un pinsîr  
ch'al torne  
a la miserie di tanc'  
che us àn plantâz!  
Ma simpri plui dispès  
il contadin di uê,  
finalmentri passût,  
us gjave fûr cui zocs  
e in curt us pare a tocs  
di len  
pal fûc  
ormai che la galete no conven.  
Morârs di fuèe,  
di unviâr, ta la taviele,  
quant che cidine 'e polse  
e l'ajaron al tâs,  
mostràit a chiste int  
tant matuzzele  
dulà che si la cjate  
inmò la pàs.*

A. P.

## Triestino

Bepo, a Nimis, al veve un biel ort su la strade subit imbande de cjase. Al cresceve sù pevarons, pomodoros, melanzanis, di dut, in chel ort, cun tune cure che mai; jarberave...

Ma al veve chê di lâ a zujâ ta l'ostarie la domenie dopomisdì, e, stant ch'al viveve bessôl, in chêi jenfris ch'al stave lontan di cjase, tal ort j netavin dut, une domenie sì e chealtre ancje.

Alore lui 'ne domenie al fâs di màncul di lâ ta l'ostarie e al sta in cjase, tal fogolâr, di dulà ch'al podeve viodi ce ch'al suzzedeve tal ort.

La prime domenie nol suzzêt nuje. La seconde domenie (une domenie d'astât) a ret dal so ort al viôt che si ferme une màchigne e che doi di lôr a' dismòntin, a' cjàlin atôr e po' s'invîin viars dal ort, passant la cunete ch'e divît l'ort de strade.

Al jès fûr di corse dal fogolâr e al va cuintri chêi doi. Al note che la màchigne di dulà ch'a son dismontâz 'e à la targhe TS. « A' son triestins », al dîs, « chêi demonis! ».

I doi si vîsin subite di lui, e a gnogno vie, quant che lui ur è dongje, dopo di vêj dit: « Bongiorno »


cun biele vòs, j domàndin: « Xelo del paese lu, sior? ».

Bepo ju cjale a lunc, da cjâf a pîs, tal ultin ur rispuint: « Sî ».

« Allora, sàlo dirne se le xe vîpare qui? ».

E Bepo: « Parcè? mangjàiso ancje chês? ».

M.





# Passâ l'ore

Rico Menon al lave ogni domenie, a Biliris, no nome a Messe ma ancje a gjéspui, adulà che par solit a' làvin a gjéspui juste chêi quindis canais e lis vielis.

Al lave sù adasi adasi subite mangjât. La Dosche, la sô crôs, j diseve: « Ma ce vâdistu sù tant adore, co no àn nancje dade la prime? ».

« 'O voi », j rispuindeve, « par stâ su la plazze de glesie a cjâlâ la campagne abàs vie, e a fâmi chê pipade in pâs ».

J disevi ancje jo: « Parcè vâdistu a siarâti in glesie cu la canae invezi di lâ a fâ 'ne partide ta l'ostarie? ».

Mi rispuindeve: « Ta l'ostarie no mi cjati. Jo 'o soi tart di orele. Mi fevèlin; no sint. S'o fâs la partide, ju oblêi a fâ bocjs, che nol è biel. Cussì 'o voi a funzion ».

« Ma, tù, cròdistu a ce ch'a disin i siôrs plevans e la glesie? ».

Al riduzzave nizzant il cjâf e al diseve: « Par dîtal a tî, nol è ch'o crodi masse. Ma ca no si trate di crodi o di no crodi. Par me si trate di passâ un dopomisdì di fieste, che no si va a vôre. E la gle-

sie mi fâs passâ l'ore lontan dai sunsûrs e no doi fastidi a nissun. E mai mai che ce ch'al dîs il plevan al séi vêr a riuart di chê seconde vite... poben, il fat di lâ in glesie, a part il gno crodi o no crodi, al pò simpri zovâmi ».

M.

---

Visiti simpri di chêi che, par 'une reson o chê altre, si son imbestêz, e di chêi ch'a rivàrin al massimo de inòmine par onôrs, o disgràziis, o amiciziis o altri. Podopo domande a te stès: « E cumò dulà sônin? ». Fum, cinise, flabis; o nancje chest.

Marco Aurelio

## DISVALUTAZION

« Bepo, cemût? ». « Si è ca ». « Cu la salût? ».  
« Pulît ». « 'O ài propi gust.  
E cul lavôr? ». « Il just;  
però si sude, Meni, fûr di mût ».  
« Ma si uadagne... ». « Sì, nol è chel mâl;  
ma il bêz in uê, tu viodis ce ch'al vâl ».  
« 'O viôt. La cristiane? ». « Mah, cussì...  
si ingrasse, 'e je une mede,  
e, come la monede,  
'e va disvalutansi di dì in dì ».

M.

## CJALT

*Cjalt:*  
*un lari*  
*ch'al ti cjôl fuarze*  
*e volontât.*  
*Ajar*  
*nancje un flât.*  
*Tu ti sintis lâ in nuje*  
*sot il soreli,*  
*e tu siaris i vôi*  
*come frut di scune*  
*se tu scoltis*  
*la nine nane des cijalis.*

L. S.

*August*



1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

1891

# 8

- ✠ 1 D S. ALFONS M. DE LIGUORI
- 2 L S. Eusebi
- 3 M S. Lidie
- 4 M S. Zuan Marie Vianney
- 5 J *Madone de nêf*
- 6 V *Trasfigurazion dal Signôr*
- 7 S S. Domeni di Guzman
- ✠ 8 D S. GAETAN DI THIENE
- 9 L S. Roman
- 10 M S. Lurinz
- 11 M S. Clare
- 12 J S. Ilarie
- 13 V S. Puèlit
- 14 S S. Fredo
- ✠ 15 D MADONE D'AVOST
- 16 L S. Roc
- 17 M S. Jazzint
- 18 M S. Eline mari di Costantin
- 19 J S. Zuan Eudes
- 20 V S. Bernart
- 21 S S. Piu X pape
- ✠ 22 D S. BERNART
- 23 L S. Rose di Lime
- 24 M S. Bartolomio apuéstul
- 25 M S. Ludul
- 26 J S. Sandri
- 27 V S. Mòniche
- 28 S S. Agustin
- ✠ 29 D MARTUERI DI S. ZUAN BATISTE
- 30 L S. Gaudenzie
- 31 M S. Aristide

# Ausst

## *Il difiet*

Ce vitis a tignî sù il Friûl! Cun dut che la furlanitàt 'e je diventade di mode come l'ecologje, tu cjatis ancjemò qualchidun ch'al reste di clap s'al ven a savê che tu ti interessis di culture furlane. Furlan lui e furlan tû, ma al è lui ch'al ti cjale come une creature vignude di un altri mont, no tû a viodi che lui al à quatri gjambis.

Gaspere Barbiellini Amidei, ch'al è chel studiôs e gjornalist che dibot duc' cognòs pa l'atenzion aes culturis regionâls, une volte al è stât intervistât su ce ch'e je la libertât e al à rispuindût ch'e je la virtût morâl ch'e permet e ch'e impon a ognidun di restâ dentrivie sè midièsin.

E cemût, alore, la sdrume dai furlans nancje no san ce ch'a son dentrivie? Cemût puèdino cirî di no semeâ ai vons? Dentrivie sono sclâfs?

Salacôr, cui ch'al ti cjale cun maravèe nome parvie dal to interès plui che naturâl pe culture de tô region al à reson di pensâ che tu lavoris dibant. Ma tû tu âs tuart di no viòdilu lui, come ch'al merte, cun quatri gjambis.

## *La profezie*

A chêi ch'a scombàtin di cûr pal Friûl, qualchidun ur disarà ch'al è dibant ch'a ségnin i nimîs ch'a saressin a Rome, a Triest, tai partîz e tes masonariis: se chêi nimîs lì a' son pardabon, a' pue din fâ dam nome parceche tanc' furlans no san ancjemò ce ch'e je la libertât: chê virtût morâl ch'e stabilîs l'omp dentrivie e ch'e invie il so svilup culturâl.

L. C.



# Furlans, fevelàit par furlan!

*... quella lingua, che non cede ad alcun'altra nè per forza d'espressione, nè per eleganza di frase, nè per poetica melodia.*

P. ZORUTTI (1792-1867)

## DISLÈELENGLISH

*par provis di lei, di dî-sù e di scrivi.*

Cun chês païs che si tire in chest païs tu metis in païs pocje cjâr e tu pais pôc pais pai pavimenz.

Mi soven de pale dal altâr di San Palài s'o ven a palâ cu la pale su pal troi lì dal pâl de pale di Paluzze.

No mi pâr di masse un pâr di bregons paromp par parê-bon pàrie a messe a Mosse.

Paule, no sta partî peraule cun nissun sul partî.

Pàs cun pàs 'o passi il pas di Mont di Crôs cul pàs a puest, e jù pai pas dal cjanâl 'o vôi a bussâ la pàs te glesie di Passau, e il cûr si pàs di pàs.



[Caterina Percoto] non potendo al dialetto toscano, attinse al proprio dialetto, ch'ella scrive con garbo d'artista: e col linguaggio de' libri lo contemperò come meglio sapeva; meglio però che assai celebrati non sapiano.

N. TOMMASEO (1802-1874)

## SCIOGLILINGUA

*per esercizi di lettura, di dizione e di scrittura.*

Con quelle *paghe* che si prendono in questo paese metti a *macerare* poca carne e *paghi* poco *mordente* per i pavimenti.

Ricordo la *pala* dell'altare di San Pelagio se vengo a *spalare* col *badile* sul sentiero presso il *palo* del *pendio* di Paluzza.

Non mi *sembra troppo* un *paio* di pantaloni ciascuno per *figurar bene* con essi a *messa* a Mossa.

Paola, non *scambiar* parola con nessuno sul *partire*.

*Passo a passo* varco il *passo* di Monte Croce col *passaporto* in regola, e giù per i *pascoli* della valle vado a baciare la *pace* nella chiesa di *Passau*, e il cuore si *pasce* di pace.

D. V.

## IL FARC

*Te juste lune 'o vevi semenât  
tal ort une bustine di savôrs.  
Tal strop ch'o vevi fat, ben nivelât,  
coltât cun guano che no 'nd' è di miôrs,  
dopo un vinc' dîs lis tantis semenzutis  
a' vevin butât fûr tantis plantutis.*

*E chestis, dopo, a' lavin svilupansi  
ch'al jere un gust. 'Ne brute dî, però,  
la plane di chel strop 'e lè sglonfansi  
parvie di un boe di farc, chel cjan da l'o!,  
che propit in tal miez de mê taviele  
al butà sù di tiare une zumiele.*

*Jo, al pont, biel rasant che dal sigûr  
chel là nol sarès stât dal lâ indenant,  
mi met in ferme. E chel al bute fûr.  
E alore pront j dîs: « O tû, birbant,  
o tû, baron, ce fàistu lajù? ».  
Mi à rispuindût: « Menut, e tû, lassù? ».*

M.

# Cuintristoria da bataja da Tôr

Zent e quindis àins: zinc generazions, plui o mancùl. La vôs sui faz da Tôr, mê nona nassuda dal 1866, la veva ciapada di so missêr. Mi la passava a mi che eri frut. Fevelava vulintîr dal so timp, a gespui, squasit di bessola, ta chel lunc messedâ da polenta, sborseant tisica, pura nona; jo, frut, 'a stavi distirât sui modons, snarcaî fin partiara, a fâ cias'cei di scûfui, che si disfantavin cul passâ par dongia da sô cotula lungia e nera, di vedua. Je 'a s'giavava cu la uarzina ta fumata da contis dal von par un frut che nol sintiva. Soi jo ch'a sgarfi ta fumata, cumò.

« Si'nd'an trussât pargust », 'a mastiava rumit, « Talianis e Ussars da l'Austria. Vinciasîs di lui dal sessantasîs. Doi dîs prin 'na ploja a selis veva partât ju la Tôr ch'a rugnava sglonfa di fâ paura e lava a sdranfâsi pai ciamps, jenfri i filârs, montanant al fen. Si trussavin pal puint. Una lungia matina si'nd'an pitufât: lanzîrs e bersalîrs di là, soldâz a ciaval da banda di cà. Côrisi daûr, sclopetâsi, sbarâ cui canons: quant ch'nd'an contât i muarz, ùmins e ciavai, dome ùmins a' erin plui di coranta. E un grun di ferîz. 'Po al mancùl un zentenaar no'nd'à rispuindût plui, piardûz. Pardibant. Parzé che dopo vêsi cudumât senza remission al è rivât al ordin di fermâ. 'L ordin 'l era partît doi dîs prin. I generai a' vevin firmât bando 'za al vinciaquatri. Un mazzèl pargust ». Cussì la nona.

Intzussîs, cu li' orelis tiradis da banda dai sclops, subissâs di pinsîrs grevis chei di Viarsa a' spietavin, platâz ta ciasîs, al so destin. Vôs bassis, rabiosis: li' comunis di arbameniga talpassadis, i filârs discrotâz, la ua

sacagnada, su li' blavis in ria, biel ladradis, dut un sdavass e pantan: ze dolôr di cûr dopo tant cruzziâsi par tignî bon, fin ta siarada, chel che 'l era restât dal passâz da tampiesta, chel che nol è lâs s'cjafojât dal oidio, da filossara. Cui sa (speravin par nuja i sotans) che no vessin di meti 'na man sul cûr 'na volta tant i parons, i mai vonda pas-sûz, tal di di san Martin...

A Viarsa nol era plui un puint ta chê sera, no su la Tôr, no sul Judri: brusâz ducidoi. E no era pa ultima volta cu la naina dal cunfin che pal rest da storia al varess voltât saldo di cà e di là. Tal quindis, zinquanta àins dopo, iu'nd'an tornâz a brusâ i Austriacos s'ciampant dilà dal Usinz. E tal disasièt àn dadi fuc i Talians volopant fin al Piave, quinzâs a Caporet. E la int a ogni bal, di cà e di là, sui s'celârs, cun purziss e bûs, tal sunâ da ciampana a martel, tun brusâ di ciasis, faglis ta gnot di ploja e di tons. Pura nona, 'na vita tal burlaz da ueris, dut un s'ciampâ, un spietâ al piês cui ôns in Galizia, in Serbia, cui ôns internâz dai Talians, simpri ta pachis dal lâ e dal tornâ di soldâz fores'c' senza dûl.

Quant che si'nd'à bonât, tal disavot, tun pizzul simiteri vizin di chel dal paîs a' son restadis quatrizent crôs di Talians muarz ziulant tai ospedalez, dal sèdis, dopo 'l gâs sul Ciars. Restâz un dongia l'âtri, in ria, pal cûr da int e pa margaritis dai fruz. Cumò a' son a Redipuglia. E 'l paîs 'l à vajût quan'che son lâs via.

No veva finît la uera ch'a era 'za ora di s'ciampâ di gnôf: in Argentina, in Franza, par un crust di pan. E pa pachis dai Fassis'c'. Si'nd'à distudât, la nona, ch'a era uera anciamò, un'âtra, Diueli la ultima. Jè lada in s'ciapineta partant al scarsanali sec gandît a piardisi ta tiara, in ta chê' tantis pizzulis storis ch'a' tasin dismenteadis tai simiteris da pura int. Che 'nd'à domandât nome di ravorâ, di orê



ben, di vê un pocia almancul di chê justizia che 'nd'à prediciât Crist, ch'a saveva di blava e di cucuruzza senza quistion, ch'a clamava pâs e pâs: a peste, fame et bello libera nos, Domine... A cialâ daûr, vons miei, no resta che un timp struc'.

La retorica lu'nd'à clamât sflandorôs. E propi un secul dopo da bataja da Tôr un trop di studiâz si'nd'à mitût adun e' nd'à pensât al mût di visâsi par simpri dal fat dezidint di testimoneâ publicamentri tuna piera 'l agrât da popolazion. I studiâz dal Comitât '66 'a no vevin 'l incarigo, ma lôr si lu'nd'an ciôt tan'che un dovê. E 'nd'an fat scrivi su la plaza che 'l païs al esalta par simpri « le vittoriose gesta » di chel vinciasîs di lui, una liberazion di un moment, che 'nd'à dadi di serciâ al savôr da « redenzion » rivada miez secul dopo, ta uera dal quindis. Al è vignût al president da republica (che in chel timp al era Saragat) par discreâ colôrs e bieli' peraulis. Cloteant al ciâf senza fâsi viodi, i ùmins lis clamavin fotis. 'A no era mai stada tanta int, tanti' golarinis e musî' duris.

I vielis a' son muarz, i 'zovins a' tirin sù li' spalîs, âtris no san dulà cialâ: se anciamò tai voi dai vons o tal biel lusôr da fufignis. Jo no'nd'ai mai sintût la int a felvelâ cu li' peraulis dai studiâz: no di « vitoris », no di « redenzion » se no di chê di Crist; no'nd'ai mai sintût la int mê laudâ la uera. Ch'a era simpri un afâr di siôrs che i pûrs a' dovevin pajâ a muarz, a sacodadis, a orcamadoculis. Li' vôs che mi son rivadis a zirivin ligria, armonighis par balâ, no blastemis, no àgrimis; preavin al zîl che 'l timp si boni par vivi adun, fâ cressi i fruz, faju studiâ, lavorâ in pâs, magari par parons cul cûr pelôs, spizzigulant, darpant drenti, taponant la fan cun polenta e miarda cuca, cun asêt e talis par dismenteâ. Li' pieris a' si lassin scrivi, la int 'a je straca di nainis e ciata miôr piciâ li' robi' vecis



sul trâf dal ciast, lassalis daûr da codopa. Li' trinceis a' si fasin sepulî dai giardons e da urtiis, li' falz, i sapôns a' son lâs ruzins. Jessi restîfs, pissâ cuintra buera si bågñisi li' barghessis. E alora 'a madress una veretât galiofa che si fâs storia planc planc. In âtris zinc generazions 'a si savarà dome chel ch'el è sculpît su li' pieris. Par ze fâ da storia?

CELSO MACOR

*(Furlan e grafie di Luzzinins)*

## Scais

Dopo di vê vescolât, il Vèscul si è fermât a Viarse di Romans tal locâl di Ferucio, che lu cognosseve di agn.

Prufitant de ocasion, chest j domande al Vèscul s'al fòs stât pussibil di fâ sunâ lis cjampanis no tant a lunc, come che invezi a' fasevin, almàncul sul cricâ dî.

Dopo dôs setemanis a Ferucio j rive un pacut. Lu disvoluzze saneôs.

'E jere dentri une campanele di zago e un bi-liet: « Sune cheste campanele ogni ore par cinc minûz adilunc. Tu ti usarâs a sintî a sunâ lis cjampanis de plêf ».

\*

Gusto al va a fâsi viodi dal miedi, che nol è masse just. Il miedi j domande ce che si sint e Gusto j rispuint: « Siôr dotôr, subit ch'o ài mangjât mi sint sglonf, mi dulizze il stomi e 'o fâs fadie a tirâ flât; e no ài vôle di fâ nuje ».

« Dispuejâisi ».

Si dispuèe, e il miedi j palpe il stomi, la panze, il fiât: « Trop bevêso? », j domande.

« Un taj, un taj e miez a past, gustâ e cene ».  
« E fûr vie? ».  
« Secont la compagnie ve', siôr dotôr ».

\*

Un studiât dal gno paîs al veve la cjase a un pàs dal cjampanîl; e stant ch'al jere gnarvôs par nature, il sintî di un continuo a sunâ lis cjampanis, lu veve fat lâ fûr dal semenât.

Une dì al incontro il plevan pastrade e j dîs:  
« Don Biancorosa, però, chês cjampanis... ».

E il predi: « E tu ti visis nome cumò? ».

\*

A' passavin pal paîs i cjârs armâz ch'a lavin su la mont par esercitazions.

La none, che si cjatave a séi sul balcon, 'e clame il nevôt: « Ninin, ven ca svelt a viodi i "cartoni animati" ».

VICO BRESSAN

# Chêi dal «Furlan»

Ce j dino al zorut s'al sta bonin cul corvat, cul picot e cun ogni altri ucel?


Nuje: baste che tu lu menis a Colorêt o a Nimis o te valade di Portis come di pup tun sium di àgnui, cul pividôr, il frari, il ruedâr, il cossâr; opûr cui mulinârs cragnulins a Percût, parmîs dal lavio blanc di glèrie de Tôr. Nô cassù, intant, tun cjan-ton dal broili za flurît cu la stele da l'aurore (quan' che la risultive dapît la cjarande 'e je un tesàur), 'o brusìn un pignarûl di ligrie donât dai cjscjelans vignûz culî a dâ imò un sgorlon al Friûl.

B.

Culî a' son nomenâz 35 autôrs e compagnîis di puisie e di prose par furlan: vèju ca spiegâz daûr l'ordin di comparizion:

Dino Virgili, Pieri Zorut, Pieri Bonin, Pieri Corvat, Berto Picot, Meni Ucel, Pieri Menis, Ermes di Colorêt, Francesca Nimis-Loi, Bepo Malatie de Valade, Nicolò de Portis, Riedo Pup, Giannino An-

geli, Paolo Pividori, Maria Gioitti del Monaco, Luigi Rodaro, Ranieri Maria Cossar, Maria Molinari-Pietra, Enrica Gragnolini, Caterina Percoto, Drèe Blanc, Maria Di Gleria, Ferdinando del Torre, Lello Cjanton, Antonio Broili, Flurît di Latisane, Eusebio Stella, Aurora Cantarutti, « Risultive », « Cjarande », « Tesauro », Alan Brusini, Giambattista Donato, Riccardo Castellani, Tarcisio Venuti, Carlo Sgorlon.





## FILUSUMÌIS

*Claps  
e claps  
e claps  
de lontan  
dus compans,  
de vissin  
un diversu  
da chel altre,  
ognun 'na forma  
un colóu  
un disen.*

*Claps  
pìssui  
grans  
tòndus  
luncs  
squadràs  
intreis  
spacàs  
sbusàs  
lis  
ruvis  
qualìfs*

*a scais  
intorgolàs...*

*Ogni clap  
la sô filusumìa,  
come nos,  
e come nos  
ognun cu la sô storia,  
ma ta la stessa grava  
ancia nos.*

ROSANNA PARONI BERTOIA

*(Furlan di Montareâl)*



Setembar



Voluntas

# 9

- |   |    |   |                                 |   |
|---|----|---|---------------------------------|---|
|   | 1  | M | S. Egjdi                        |   |
|   | 2  | J | S. Elpidi                       |   |
|   | 3  | V | S. Grivôr il grant              | ☺ |
|   | 4  | S | S. Rosalie                      |   |
| ✠ | 5  | D | S. JORDAN                       |   |
|   | 6  | L | S. Petroni                      |   |
|   | 7  | M | S. Regjne                       |   |
|   | 8  | M | <i>Madone di setembar</i>       |   |
|   | 9  | J | S. Sergjo pape                  | ☺ |
|   | 10 | V | S. Pulcherie                    |   |
|   | 11 | S | S. Diomede                      |   |
| ✠ | 12 | D | IL NON DI MARIE                 |   |
|   | 13 | L | S. Zuan Crisostomo              |   |
|   | 14 | M | <i>Esaltazion de Sante Crôs</i> |   |
|   | 15 | M | <i>Madone Indolorade</i>        |   |
|   | 16 | J | S. Cornelio                     | ☺ |
|   | 17 | V | S. Robert                       |   |
|   | 18 | S | S. Sofie                        |   |
| ✠ | 19 | D | S. ZENÂR                        |   |
|   | 20 | L | S. Cjandide                     |   |
|   | 21 | M | S. Mateo apuéstul               |   |
|   | 22 | M | S. Maurizi                      |   |
|   | 23 | J | S. Lino pape                    |   |
|   | 24 | V | S. Pacific                      | ☺ |
|   | 25 | S | S. Aurelie                      |   |
| ✠ | 26 | D | SS. COSME E DAMIAN              |   |
|   | 27 | L | S. Vizenz de' Paoli             |   |
|   | 28 | M | S. Venceslau                    |   |
|   | 29 | M | SS. Michêl, Gabriel e Rafael    |   |
|   | 30 | J | S. Jaroni                       |   |



# Setembar

## *Il difiet*

Italie e Polonie e' àn situazions diferentis, ma la decision dai sindacâz polacs di lavorâ di plui par frontâ lis lôrs dificultâz nus puarte a pensâ che ancje lis organizazions talianis dai lavoradôrs a' varressin vût di dezzidi di lavorâ di plui (e no di sio-perâ, come ch'e àn fat) ogni volte che i terorisc' e' àn cometût qualchidun dai lôrs granc' deliz.

Si puèdial mo savê cui o ce ch'al è che in Italie, automaticamentri, al detèrmine di no lavorâ e di fâ discors ancje denant di faz ch'al larès miôr juste il contrari? Chest no lavorâ dipèndial di un costum o di un precet morâl?

Tant in tun câs che in chelaltri, nol pò lafenò tratâsi di un costum o di un precet ch'a vâlin par dute l'Italie. Di chestis bandis, une volte, par judâ un che j jere capitade qualchi grande disgrazie, si faseve une colete, e po i bêt no si ju butave vie, ma si ju dave a lui. E cumò, la colete ch'e coventarès tant pal lôr Païs, i talians no la fàsin, anzit! E i furlans no fevèlin.

## *La profezie*

No crodint di jéssi cui sa cui, ma parvie dal pluralisim ch'al è di mode e ch'al larès juste ben, qualchidun al podarà mutivâ che l'Italie 'e larès sala-côr miôr s'e diventàs furlane: no furlane dal dut, Di' vuardi! Nome un pôc; po 'a son ben altris regjions che, senze fâ confusion, a' puedin parferî qualchi bon esempi par fâj concurinze ae Svizzare invezzi che ad altris Païs masse balarins.

L. C.

---

Visiti finalmentri di vê dentri di te qualchi alc di plui alt, di plui divin di ce che ti môf lis passions e che ti fâs lâ di une bande o di chê altre come il pipinot che lu tire il fil.

Marco Aurelio

# **Furlans, fevelàit par furlan!**

*Per solito [il dottor Sperandio] parlava mezzo latino e mezzo friulano; ma il dopopranzo ci metteva del latino per tre quarti; e verso notte, dopo aver bevuto il boccale dell'Avemaria, la dava dentro in Cicerone a tutto pasto.*

I. NIEVO (1831-1861)

## **DISLÈELENGHIS**

*par provis di lei, di dê-sù e di scrivi.*

Il pessâr al passe cul pês dal pês pes stradis di Pesàriis neris come la pês.

Nol à piz di pizze chel pizzighet ch'al pisse in pês parmîs i pizzecûi tal miez de spizze dal Spiz di Misdî.

Ancje un pizzul pizzûl al fâs mignestre.

Cumò lî dal poz a pocjs feminis ur poche di lavâ un pôc di lidric cul poc.

Tu pûs stâ in pâs che a' stan pês in pîs cun chel pês su lis spalîs.

*Più ampia, e più popolosa che non sia la sezione d'occidente e la centrale, resta la sezione orientale della zona ladina, che è dei territori friulani; e io mi vi accosto con il sentimento di chi rivive, dopo lunga assenza, la Patria.*

G. I. ASCOLI (1829-1907)

## SCIOGLILINGUA

*per esercizi di lettura, di dizione e di scrittura.*

*Il pescivendolo passa col peso del pesce per le strade di Pesàriis nere come la pece.*

*Non ha affatto prurito quel becchino che orina in piedi presso i grattaculi in mezzo alla cima del Pizzo di Mezzodì.*

*Anche un piccolo cece fa minestra.*

*Ora presso il pozzo a poche donne piace lavare un po' di radicchio col peduncolo.*

*Puoi stare in pace che stanno pochi in piedi con quel peso sulle spalle.*

D. V.

# M e s s i s

Une parone tressade, intimpade, vèdue, 'e va dal predi dal país là ch'e sta e lu prèe che j disi dôs Messis: une par puar so pari e une pal puar so omp. J dîs al predi: « La Messe par puar gno pari 'o varès vòe ch'e fòs dite il 13 di maj ».

« Il 13 di maj no puès, siore », j rispuint il predi, « parvie che il 13 'o 'nd' ài za tantis di dî ».

« Une plui une màncul... lui al è zovin », j dîs la parone; « no j restarà sul stomi ».

« No puès », al torne a dîj il predi; « ch'e sielzi un'altre zornade ».

« Gno pari al è muart il 13 di maj di tanc' agn, cussì 'o varès gust ch'al fòs ricuardât in chê dì ».

« No si pò ».

« Alore il 15 di maj, ch'e sarès la zornade ch'al è stât soterât ».

« No si pò nancje il 15 di maj », al dîs il plevan, « che ancje lì 'o 'nd' ài di celebrânint cetantis ».

« Ma insome », 'e insist la parone, « si puèdial o no si puèdial dîj 'ne Messe a gno pari? ».

« Si pò », al dîs il predi, « ma no il 13 ni il 15. Si pò dîle il 14 di maj ».



« Ma l'aniversari de muart di gno pari e dal  
funerâl di gno pari a' son il 13 e il 15... ».

« Il 14 lu veglavis; no îsal un aniversari an-  
cje chel? ».

« Poben, che la disî il 14 ».

« Bon », al dîs il plevan; « e la seconde Messe?  
chê dal so omp? ».

« Chê, che la disî a so gust ».

M.

---

Lis cjossis ch'a partègnin al cuarp, come il mangjâ, il  
bevi, il vistît, il tet, la siarvitût, a' van dopradis no di  
plui di ce ch'al domande il lôr ûs. Dut ce ch'al è a ostenta-  
zion o a delizie, scartâlu!

## IL TIMP

*Ve' mo ch'e sta par saltâ fûr la lune  
dilà dal zuc ch'o ài vût il prin amôr;  
lis stelis ch'a lusivin, mil e une,  
man man a' van smarint il lôr lusôr.*

*E i gjai su pe rivièr a' son in tune  
che ur pâs ch'al séi dut altri chel sflandôr;  
e intant lontane une cjampagne 'e sune  
come a visâ di ricuardâ il Signôr.*

*E un ajarin al rive de montagne  
cjamât di bon odôr di ricreâsi,  
dulà ch'al è tan' gust di respirâ.*

*E il cjant dal rusignûl nus al compagne  
de piche di un zesâr, di consolâsi...  
di restâ lì, par dut il timp a lâ!*

M.

## Scais

Posto che si lamentave di mâl di orelis, il mie-di de Mutue j à dât lis supostis.

Dopo une setemane al è scugnût lâ dal specialist, che lis supostis j vevin stropât lis orelis.

\*

Fin a pôs agn indaûr la Filologjche 'e ufrive une cenute ai colaboratôrs dal « Strolic ».

Plui tart, par no frontâ chel spreco di bêz pe cene, ai colaboratôrs j dave un « Strolic » leât.

Tal '79 'e à dât un « Strolic » normâl; tal '80 e '81, nuje.

Vadî che chest an a' saran i colaboratôrs a scu-gnî dâj alc 'e Sozietât par vêju onorâz di azzetâ la lôr colaborazion.

\*

Tre ciazadôrs di Viarse di Romans, e altri tanc' cjans, e' àn circondât il jeur e un dai tre j à tirât doi colps. Però il jeur al è rivât a tovâse.

Cîr di ca, cîr di là, fintremai che un lu cjate.  
« E alore, lu astu ciapât? ».

E chel altri: « Sì, sì, al si à ciapât tal laz ».

V. B.

## *I rûcs di uere*

E' àn vût scrit i sfueis ch'a saran stâz in quatricentmil di lôr (pensait!) a viodi tal mêś di luj la manifestazion aviatorie di Davian. Chest al ûl dî che miez Friûl al jere lâ taitai prâz là vie atôr a cjâlâ cul nâs in sù lis piruetis e lis fumeris dai svoladons...

Sì, bisugne propit pensâ che l'omp al sint la necessitât di viodi spetacûi in grant stîl: cun fumerons, cun sunsûrs, cun colps, cun int ch'e bat lis mans o ch'e dîs « Oh!... » dute insieme, cun squadris che si sfidin, di no savê quale ch'e sarâ la plui bâbie! Al è par chel che ancje atôr atôr dai cjamps indulà ch'a zûin dôs squadris di balonîrs 'e je simpri tante fulugne.

Al devi jessi ancje chest un complès freudian se si cjâtilu te storie de umanitât e ta chê dal singul omp. Nol covenente nomenâ esemplis di storie: duc' 'o vin ben iniment ancjemò dai timps de scuele elementâr ce che nus contavin des lotis dai gladiatôrs de ete romane, opûr dai torneos di cavalîrs monturâz de ete miezane, opûr ancje des disfidis tra i borcs des zitâz.

Dal rest ancje nô, quant ch'o jerin mularie, 'o vevin gust di provâ chês emozions. Cui no àjal zujât di balon o di cercli o ancje di uere? In chê volte nô no vevin tanche i fruz di vuê cartatucjs di fâ sclopâ, ma si rangjavin distès. Par fâ sunsûr si procuravin un ninin di carburo, lu metevin tun bussulot, 'o spudavin parsôre, 'o siaravin dut ben, 'o spietavin ch'al cisàs e po 'o impiavin un fulminant devant dal bûs sul font e... ce tonade! Di tignîsi lis orellis!



E par fâ fumeris? Preâ in cjase di viarzi lis letaris de bande curte, meti vie lis bustis cun cure, e ancje la cinise, a cost di sintîlis des nonis, des agnis, des maris, ch'a vevin di fâ la lissie cun chê cinise biele, fine. Po drementi la cinise, siarâ la buste, lassant nome un slambrut sul font. E al moment just, vie ch'o lis butavin! A' lassavin daûr une code di cinise tanche une stele comete, e po, coladis par tiare slambradis jenfri i ramaz, un'altre fumere! E nô drementi ta chel pizzul nûl a infumatâsi! E odôr di brusadiz!

Di granc' paraltri no si contêntisi di cussî pôc, massime cumò che duc' a' son diventâz plui esperz cui films. cu la television, cu lis rivistis inlustradis. Vuê la int 'e à bisugne di sintî plui sclops, di viodi plui fulugne, di sintî vosâ plui a fuart, di sustâsi o di gjoldi plui adilunc. Qualchi soziòlic al dîs che dut chest al zove a fâ sbrocâ i nestris istinz di aggressivitât, e che par chel no mâncjn a chestis manifestazions e a lis partidîs i sorestanz! Lôr a' laressin par assistî a pizzulis provis, a manovris. Alore (a' disin chêi studiâz) al è pôc ce sperâ che no végnin plui ueris tal mont: al è tal destin dal omp, stant che qualchidun si stufe ancje di chestis manovris.

No puès crodi a chel distin! 'E je vere che la int 'e à vude simpri bisugne di granc' spetâcui; 'e je vere che ciarz sorestanz, co si stûfin des manifestazions, des manovris di fente, a' fâsin manovris sèriis pardabon, senze domandâ nuje al popul; ma cumò ch'al è il popul ch'al comande (i filòlics a' disin che democrazie 'e vûl dî cussî), al è il popul ch'al à di dezzidi, caso mai, di fâ lis ueris. Ma, stant che il popul nol ûl savênt pai putros riscjos che si còrin, al podarès proponi alc di diferent.

Come ce? Eco: al podarès proponi di inmaniâ un « Campionât internazionâl di zûcs di uere » tra i Stâz interessâz: cun omps e mîez in paritât, cun tun calendari di scuintris



ch'a podaressin avignî mo tune region, mo ta chê altre. Cussì si podaressin contentâ sevi la int (senze dams!) ch'e à bisugne di spetàcui (viôt se no le àn capide i caporions de Caserme « Lesa » di Remanzâs!), sevi i sorestanz, massime chei plui scjaldinôs, ven a stâj chêi (cu la barete fracade sul cerneli) ch'a vuelin cori il riscjo di vinzi. Cussì nol suzzedarès che un Gheddafi al vadi a stuzzigâ cui siêi « SU - 22 » pericolosamentri i « F - 14 » di Reagan, e nol suzzedarès che un Breznev al dedi in prove ai Sirians i mîssii « tiare - tiare » plui perfezionâz. Ogni Stât al tignarès par sé i miez plui « sofisticâz », parceche al varès vôi di vinzi o almancul di no fâ une brute figure!

LUZIO DI CJÂNDIT

## SAGRIS DI UNE VOLTE

*Tal àjar net  
no si spandeva  
odôr di gridelis;  
e, dopo ogni zîr  
di tango o di furlane,  
la cuarde 'e seave  
il breâr par controlâ  
la vincjne pajade  
de bande di chêi  
ch'a olevin dâj sot.  
Ma la int a' corevin  
instès plui di uê.  
I morôs a' rivavin  
pai trois, man te man;  
e lis famèis al complet,  
cui fruz a scjampâ,  
e une mame a clamâ;  
e i viêi la file a siarâ:  
lui cu la pipe in bocje,  
jê cun in man il Rosari  
o la ultime gnezzes tal braz.*

ADELCHI RAZZA

# Sorestanz

Orsere 'o sin lâz in rotis par Spadolini.

'O stavin cenant, denant de television impiade.  
A' fevelavin de Polonie, di Begin, di Arafat...

Ma a jê no j lave di sintî chê vecjute che si viôt  
par sòlit sul secont canâl che no je nancje buine di  
lei, e 'e sbotave ogni tant: « Varda lì, che no la sa  
gnanche lèger... ».

« Tâs ».

'E taseve, ma è tornave a tacâ subit dopo:  
« Varda che roba! ».

« Ma tâs!. Vîno o no vîno di savê ce ch'al  
bol te pignate? Sint ce ch'e dîs e lasse stâ di fâ  
stât sul "cemût" che lu dîs! ».

« Ma se j conta sempre la stessa... ».

« Tâs ».

A di un pont si presente sul video la muse di  
Spadolini che il Pertini (il Bertini, al dîs Bani) j ve-  
ve dade la incàriche di fâ un guviâr gnûf. Al fevela-  
ve a riuart di chel ch'al jere il so intendiment par  
dâj a l'Italie un guviâr vâlît e stâbil di podê fâ cuin-  
tri a l'inflazion e al terorîsim, di dâ un lavôr ai mi-  
lions di disocupâz e vie vie...

« Varda brutto ch'el xe! ».

« Ce dîtu? ».

« Go dito che te vardi bruto ch'el xe! ».

« Ma ce jèntial? ».

« Al jentre. Cemût ûtu che chel lì al comodi l'Italie cun chê muse ch'al à? ».

« Fèmine, tâs. Scolte ce ch'al dîs. Par comodâ l'Italie no covèntin Rodolfo Valentino o Rossano Brazzi; 'e covente inteligjènzie, a' covèntin ideis... ».

« Ma ce ideis ûtu ch'al vebi un omp cussì brut? ».

« Vonde! ».

Nuje. « Al è brut! El ex bruto, e un omp cussì brut, un becjâr, nol pò vê nie di biel in tal cjâf! ».

« Femine... ».

« Dime soltanto questo: xelo o no xelo brutto? ». E jo intant no rivavi a sintî ce che Spadolini al diseve. « Xelo o no xelo brutto? Rispondi! ».

« Al è biel! ».

Mi cjale mâl. 'E involuzze sù cu lis mans, gnarvôse, il tavauz, 'e bute vie il piron su la taule: « Ma allora ti no te capissi gnente; no te sa distinguer il brutto dal bel! Opûr te vol aver rason a ogni costo... ».


« Va su l'osti ».

'O ài lassât stâ di mangjâ e di viodi la television e 'o soi lât a siarâmi te cjâmare, intant che jê 'e lave indenant a berlâ: « El xe brutto... brutto... brutto...; e tî te xe un presuntuoso, e un vilan... ».

Uê a buinore 'e je jevade prin di me, ma no mi à puartât il cafè ch'e use a puartâmi ogni dì. No si è fate ni viodi e ni sintî, e quant ch'o soi jevât jo no mi à dit nancje « eri ».

Vadì ch'al covente, par ch'o podédin tirâle indenant a la miôr, che il Pertini (il Bertini di Bani) j déi la incàriche di fâ un gnûf guviâr a qualchi altri.

M.





## MISDÌ

*Misdì libar pai cjamps al vîf  
di soreli,  
ultime sede zale sui miêi agn.*

*'E je cussì cheste ore contente,  
ch'al è misdì,  
misdì ch'al suje  
lis ombrenis jù pai remis  
o lis siare tai lens.*

*Al è misdì che ti suje la pene.*

*Alte tal cîl  
la roste des cijalis  
ch'e cise in plene lûs  
e t'incjante la vite  
sul ôr dai cjavezzâi.*

M. F.

## Il «melcurio»

In chel an finalmentri, a Biliris, la Costantine 'e jere rivade adore, dopo tanc' agn, a tirâ jù dai doi biêi piarzolârs ch'e veve tal so ronc doi biêi zeis di lavâ di piàrzui di paste blancje, che il lôr bonodôr al rivave fin su la plazze de glesie.

I agn prime no rivave a tirânint jù un ch'al è un, che la mularie ch'o jerin tal borc di San Jacun (Zuan e Pieri de Nene, Pisto e Sgrot di Menon, Zenco de Gjale, Cornelio di Nando, jo e gno fradi Panzete), svelz e inzegnôs e incidins come màrdars, j ai netavin par ordin.

La Costantine 'e viveve bessole. No veve nissun di podê mandâ a uardeâ i siêi doi piarzolârs la sere; cun di plui, la sere, no podeve no dismontâ dal so zuc par vignî tal curtîl dai Menons, ch'al jere il centro dal borc di San Jacun, a babâ cu la Dosche, cu la Nene, cu la Fiturine, cu la Marie de Gjale par oris. E alore nô, intant...

Ma in chel an jê, la volte che i piarzolârs a' lavin madressint i siêi piàrzui, j veve cunfidât 'e Dosche, 'e Nene, 'e Fiurine e 'e Marie de Gjale che in chel an, se la mularie dal borc a' fossin lâz a robâ i piàrzui, poben, piês par lôr!

« Parcè, po? ».

« Ur ài metût il melcurio ».

« Ce? ».

« Il melcurio ».

« E ce îsal? ».

« Un velen che si mûr ».

Figurâsi la Dosche, la Nene, la Fiurine e la Marie de Gjale s'a podèrin tasê. Cun dut che la Costantine lis vès preadis di no dî nuje a nissun, dut il borc al vignî a savê che la Costantine 'e veve, sborfâz i siêi piarzolârs cul melcurio, ch'al jere un velen di murî. E dutis quatri a preâ la canae di 'uardâsi di lâ a fâ ce ch'a fasevin ogn'an: « Uardâisi savêso! no stâit nancje a cjalâ chêi doi piarzolârs! S'o vês chê di olê saurî il stomi cun qualchi piàrzul, vâit in chel di Noni Scjecât, o de Taresie cjargnele, o lassù di Blancjot! ».

« Ma chest melcurio, ce îsal? », al diseve Sgrot ch'al jere il plui coragjôs di duc' nô. « Me no mi spavente par nuje. Par me al è dut un truc. Lu à dite par spaventânus e vonde. E jo i piàrzui 'o larai a cjóliaj instès ».

E Panzete: « Jo invezi chest an no j ai tocj; che chel melcurio ch'e dîs al è vêr, ch'al è chel che lu mêtin in te canucje che si misure la fiere ».

Fevele che ti fevele, tal ultin Panzete nus à persuadûz duc'; al à persuadût ancje Sgrot quant

che j à dit che il melcurio nol jere un truc ma une robe vere: chê ch'a mètìn te canucje che si mesure la fiere.

Alore in chel an cui che a Biliris nol à tirâz jù piàrzui dai siêi piarzolârs al è stât Laurinz di Blancjot, ch'o lu clamavin Loreto. La Costantine invezi 'e à mangjâz e vendûz a Tarcint duc' i siêi, cun dut che ju vès vûz sborfâz cul « melcurio »!

M.

---

La vecjae no je un mâl; 'e à i siêi plasês ancje jê par chel ch'al sa gjóldiju: o almàncul no fâs plui sintî il bisugn dai plasês; e 'e je une cjosse tant biele il fat di vê murtificâdis e discjamadis dutis lis vois.

Lucio Anneo Seneca

## BESSÔL

'E je nêf, frede,  
'e je glazze.  
Un sbrèndul di cîl,  
sfrusignât,  
che, a colp,  
ti strenz il cûr.  
Ti puarte vie  
dut il clip  
e le gjonde di vivi.  
Ma, danât,  
il marum t'al lasse.  
I tanc' toi ricuars,  
a trops,  
ti vegin tal cjâf.  
E' son nuje.  
Une companie, viere,  
che no ti cjale;  
une sdrume di int  
in libertât;  
un àjar, dispetôs,  
ch'al murmuje.  
E tù, tu restis lì,  
bessôl, pui di mai.

B. N.

(Furlan di Aquilèe)



## SIARADE

*Vint di siarade  
al sviest il zariesâr.  
A' plòvin fueis zalitis  
dulintôr.  
Ancjemò vivis  
di gnarf e di colôr  
al pâr ch'a zèmin  
par scugnî murî.  
Daûr dai veris  
mê mari lis compagne  
cul vòli e cul pinsîr  
e 'e zem cun lôr.*

L. S.

*Utubar*

# Notes

Notes on the  
history of the  
city of New York  
from 1624 to 1898  
by John E. Smith  
New York: The  
City of New York  
Department of  
Records, 1898.

# 10

- |   |    |   |                                  |   |
|---|----|---|----------------------------------|---|
|   | 1  | V | S. Taresie dal Babin Jesù        |   |
|   | 2  | S | <i>Fieste dai Àgnui custodis</i> |   |
| ✠ | 3  | D | S. GJERART                       | ☺ |
|   | 4  | L | S. Franzesc di Assisi            |   |
|   | 5  | M | S. Flavie                        |   |
|   | 6  | M | S. Bruno                         |   |
|   | 7  | J | <i>Madone dal Rosari</i>         |   |
|   | 8  | V | S. Pelagje                       | ☾ |
|   | 9  | S | S. Dionis                        |   |
| ✠ | 10 | D | S. DENEL                         |   |
|   | 11 | L | S. Firmin                        |   |
|   | 12 | M | S. Serafin                       |   |
|   | 13 | M | S. Eduart                        |   |
|   | 14 | J | S. Calist pape                   |   |
|   | 15 | V | S. Taresie di Àvile              |   |
|   | 16 | S | S. Edvigje                       | ☺ |
| ✠ | 17 | D | S. IGNAZI DI ANTIÒCHIE           |   |
|   | 18 | L | S. Luche vanzelist               |   |
|   | 19 | M | S. Laure                         |   |
|   | 20 | M | S. Irene                         |   |
|   | 21 | J | S. Ùrsule                        |   |
|   | 22 | V | S. Donât                         |   |
|   | 23 | S | S. Zuan di Capistrano            |   |
| ✠ | 24 | D | S. ENZO                          |   |
|   | 25 | L | S. Crispin                       | ☺ |
|   | 26 | M | S. Varisto pape                  |   |
|   | 27 | M | S. Sabine                        |   |
|   | 28 | J | SS. Simon e Gjude apuéstui       |   |
|   | 29 | V | S. Ermelinde                     |   |
|   | 30 | S | B. Benvignude Bojane di Cividât  |   |
| ✠ | 31 | D | S. QUINTIN                       |   |

# Utubar

## *Il difiet*

La sume des sumis ch'al podarès fâ un computer dai plui sofisticâz dopo di vê rizevût duc' i elemenz di càlcul sui furlans 'e sarès probabilmentri cheste: 1.000 agns di vite di un popul che nol à mai fat nuje par vivi.

Bon. Alore 'o vin il popul plui furtunât: al conven lâ indenant cussì...

In Realtât, la conclusion 'e podarès no jéssi ironiche se si rive a pensâ che l'ignoranze di vite dai furlans 'e je il signâl di superioritât di une nature umane evolude, distacade dai infantilîsims nazionalîstics come dal fastili esistenziâl daspès avonde rapuartabil ae basoalitât comiche dal omp. Ma si larès bielauâl a finîle tai barazzârs filosofics, magari concludint che mil agn di un a' son come tremil di un altri co chel di tremil al finîs compagn di chel di mil.

Il Strolc invezzi, stant ch'al à za 999 agn e 9 mêis al è plui curîos di savê ce ch'al varà di sozzedi tai 2.000 agn ch'a varan di vignî daspò che no ce ch'al sozzedarà tai tre mêis che j màncjn par rivâ



ai 1.000. E 'o vin sdrumis di furlans, unevore curiôs, ch'a oressin vivi mijârs di agn.

### *La profezie*

No si pò plui vivi senza fâ nuje. Alore, pai prosims 2.000 agn dal Friûl, al covente che la Filologjche 'e deventi une grande mari ch'e mande duc' a vøre: che duc' e' àn di imparâ a uadagnâsi la vite. Se nò, se no impàrin, ce ur covèntial il timp?

L. C.

---

Il miôr mût di svindicâsi di une injustizie al èchel di no deventâ compagn di chel che la fâs.

Marco Aurelio

# **Furlans, fevelàit par furlan!**

*Dolz come un cjant di ucel e, par contrari,  
plen di moto e di gnerf, plen di calôr.*

P. BONINI (1844-1905)

## **DISLÈELENGHIS**

*par provis di lei, di dû-sù e di scrivi.*

... Cogo, lasse ret e fêr il logol di rêr tindût là  
ret.

Rôse la Rosse ne che si rosèe ne ch'e fâs cjàs  
par chê rôse rosse che par câs 'e inrose la fasse de  
casse tal cjast de cjase di Rosane a Cjassà.

'O spieti che tu rivis sui rivâi des rivis di Rivis  
d'Arcjan.

Sâl che s'al met imò sâl, dissal Salomon, cui  
che s'al mangje dopo chel platel di salate, sâr Salvin?

*Il furlan 'l è fuart e sclet,  
se al ocôr 'l è musicâl...*

*Un esempi al bastarès:  
Dîs a Tin, quan'ch'al ven-sù  
a puartâmi i spagnolez:  
Tin ten tin tin tan tun tù!  
(Tin, téntint intant un tù).*

E. NARDINI (1862-1934)

## SCIÖGLILINGUA

*per esercizi di lettura, di dizione e di scrittura.*

... Cuoco, lascia come sta il berlèllo di rete teso là vicino.

Rosa la Rossa nè che si rode nè che fa chiasso per quella rosa rossa che per caso infiora la fascia della cassapanca sul granaio della casa di Rosanna a Cassacco.

Aspetto che tu arrivi sui ciglioni dei pendii di Rive d'Arcano.

Sa lei che se mette ancora sale, disse Salomone, chi se lo mangia dopo quel piatto d'insalata, signor Salvino?

D. V.

## A OGNUN IL SO

No podìn  
rinunzià  
al nestri  
dirit di  
soreli;  
nè a la  
nestra part  
di afiet  
e d'amôr.  
No podìn,  
parseca  
nissun pò  
esentànus  
da nestra  
porsion  
di patì;  
nè di ché  
spolverada  
di velen,  
sparnisât  
sul tròi,  
d'ogni nestra  
'sornada.

B. N.

(*Furlan di Aquilée*)

# Tassis

Tal fogolâr de Dosche cun Rico, la Dosche, la Fiurine, la Nene, Zenco, Fico, Pisto, Pieri, Zurche e cui altri, e jo, tanc' agn indaûr.

Gno pari mi veve mostrât, apene rivât ch'o jeri di Udin la sere, la cartele des tassis, e la sume che s'impareve mi veve cjolt il gust di mangjâ, che in chêi agn la viodevin peloches.

Al pupà no j vevi dit nuje a riuart par no dismoralizzâlu, ma apene rivât lì de Dosche, adulà ch'o lavi ogni sere denant di lâ a pògnimi, a duc' chêi ch'a vevin capît a colp ch'o jeri ledrôs, 'o tacâi a dij la porche 'e Comune, al Guviâr, daûr lis domandis che mi vevin fatîs sul parcè di chel gno àjar suturno: « Tassis. Mi è rivade la cartele des tassis, 'orco e jù ».

« A tî? ».

« A gno pari, ma al è come che mi fòs rivade a mè. E s'impâr une sume che nancje che nô, Ucêi, 'o fossin i Gjns, i Mezelans, i Scjecâz, ch'a son plens di vacjs e di purciz, e ch'a racuêin quintâi e quintâi di blave... ».

« Ma lis tassis », al diseve Zurche, « e' àn di ti-gnî cont di dutis lis jentradis di une famèe. Tù no



tu âs vacjs ni purciz e ni blave di vendi; ma tu tîris i tiêi carantans mês par mês. E al merte ch'a sêin calculâz ancje chêi ».

« Vâit in mone! ».

Berlons! Rico, intant, al pipave, pac' pac', sentât su la sô cjadrêe dongje il buc dal spolert. Sintîvial o no sintîvial, tart di orele ch'al jere?

« Vâit in mone! », fuart.

Al sintì e al domandà il parcè di chê cunfusion.

« Rico, al è Meni che j è rivade la cartele des tassiss; e al berle ».

« E ce âl di berlâ? ».

« Ch'a 'nd' è masse! ».

Al tire fûr de bocje la pipe e al dîs: « Cjâpial o no cjâpial la sô pae di scrivant mês par mês? ».

« Lui al dîs ch'al pae plui dai Gjns, dai Scjecâz ch'e àn cjamps, vacjs... ».

« Jo 'o dîs che i cjamps a' son cjamps e i bêt a' son bêt. Lui ju tire intant ch'al sta sentât di buinore fin gnot, adulà che la tiare tocje svangjâle, grapâle, semenâle... e lis bèstiis viodi di lôr. E po' », al dîs, « jo no sai des diferenziis ch'al puarte indenant tra ce ch'al pae lui e ce ch'al pàjn altris, ch'a son robis che no mi rivuàrdin. Jo 'o dîs chest: che se un al à di protestâ pes tassiss, chel al è Rico Menon, ch'o soi jo. Ce jentradis ào jo? Le pensionute di chel puar frut che mi è stât copât in Albanie, e

chê pocje blave de braide... E 'o paj. E stant ch'o disês che lis tassis si pàjlis pai siarvizis de Comune e dal Stât, uso scovazzis, cjans, cjartis di nàssite o di muart, pueste, e telegrams; jo, che de Cumune e dal Stât no rigjavi nuje di nuje; che jo scovazzis no 'n' fâs, che no ài cjans, che no mi covèntin cjartis di vite o di muart, e che ni lètariis ni telegrams ni no 'ndi cjapi ni no 'ndi scrîf; alore jo e nome jo 'o varès dut il dirit di fevelâ mâl des tassis. E invezzit 'o tâs. 'O paj ce che mi dîsin chêi ch'a san plui di me ch'o ài il dovê di pajâ. Che se mi domàndin di plui, piês par lôr: a' rindaran cont doman a di chel che nus àn metûz in chest mont... ».

E al pipe. Pac' pac'.

M.

---

« Tuti i fiori sono beli, ma quelli del vino nò ».

Barbe Bepo di Sant Andrat

# Mingulis

M'e à contade l'amì Sergjo Visentin a mi à sigurât ch'e je vere.

Alore agnorums indaûr tes campagnis atôr di Cjamplungut, e massime in cjamps che ju clamavin « i fràiz », miârs di musans a' fasevin un fisco che mai, e i contadins no rivavin a parâsi di lôr.

Alore chesc' contadins, disperâz, e impotenz a diliberâsi di chês besteadis, a' van dal plevan dal païs a preâlu ch'al làs a binidî chês tavielis in forme che i musans a' murissin.

Il plevan al va, al prèe, al binidîs.

Tornât ch'al è, une femenute j domande: « E alore, siôr plevan, àe zovât cheste benedizion? ».

« Mah, parone, par me 'o pensi che un pôs di gjaz a' saressin lâz miôr ».

\*

Gjralt, di Nimis, al veve su pal so ronc un biel perâr, tant grant, ch'al faseve un zagot di piruz. Ma lui di chêi piruz a' 'ndi rancurave tan' pôs, che j ai netavin ogn'an. E alore une di, stant che nol podeve gjòldilu, al dezzât di tajâlu.

Al stave tajanlu in chê zornade d'invîâr quant che s'intive a passâ par lì Meni Fasûl, ancje lui di Nimis. Si ferme. Al viôt ce che Gjralt al stave fassint e j dîs: « Po' Gjralt, parcè tajstu chel biel perâr? ».

Giralt j rispuint: « Ce perâr? ».

« Chel alì, che tu j dâs di manàrie ».

« Nol è un perâr: une agazze ».

« Ce? agazze? ».

« Une agazze; ûtu che no sépi jo s'al è un perâr o une agazze! ».

« Ma di quant in ca une agazze fâsie piruz? ».

« Mai tirât jù, jo, un piruz di chest àrbul ».

E Meni Fasûl, a colp: « Ma ben jo, ve'... ».

Un meràcul che Gjralt nol vebi voltade la manàrie cuintri Meni Fasûl!

\*

Tite nol sta masse ben, e al va dal miedi.

« Contaimi », j dîs il miedi.

« Siôr dotôr, al è di un pôc in ca che mi s'infurmìn i pîs, che lis gjambis mi dulìzzin, che mi ven l'agagn vie pe gnot in tes gjambis, tes cuèssis... E 'o fâs fadie a tirâ flât... ».

« Spuejàisi ».

Tite al gjave la camisole, la cjamese, la mae, lis



scarpis; e il miedi lu fâs distirâ sul jetut e al sco-  
menze a palpâj il fiât, a bàtij la cassele cul dêt ca e  
là, j scolte il cûr cu la orele. Po' lu fâs meti in sen-  
ton e j poe la orele daûr su la schene ca e là, e lu  
fâs tossi.

« Fumaiso? ».

« Nò, siôr dotôr ».

« Stran », al dîs il dotôr, e al torne a pojâ la  
orele su la schene dal pazient fasinlu tossi e tor-  
nâ a tossi. « Stran », al ripet, e po' j fâs dî tren-  
tetre.

« Trentetre ».

« Dàit inmò un trentetre ».

« Trentetre ».

« Ma vô 'o vês fumât », al dîs il miedi; « no  
podês dî di nò ».

« Sî, 'o ài fumât, ma cumò 'o ài dismetût ».

« E di quant no fumaiso? ».

« A' son plui di dôs oris ».

\*

'Tôr des dîs a buinore di une bieie zornade di  
maj 'o stavi piturant tal gno vignâl a Feletan.

J 'e metevi dute par butâ jù su la cjarte chêi  
colôrs tenarins ch'a viestevin lis bèdulis, i pulins,  
i noglârs, i uârs de boschete insomp vie dal vignâl,  
tun cidinôr 'tôratôr ch'al è cussì grant nome lénti,



content e persuadût dal lavôr ch'o j stavi daûr.

A di un pont 'o sint ae mê schene il sunsûr fof di un pàs su la jarbe mole dal rèmis: mi vulti e 'o viôt Gjenio, l'omenut che mi curave il vignâl, fêr, impins.

« Siôr Gjenio... ».

« Siôr Meni... Al slapagne ancje uê lui, siôr Meni... ».

\*

M'e à contade Aldo Ponta.

1941. Mario, ta l'ostarie di Miculan, a Tresèsin, al lejeve il gjornâl sclipignant un tajut.

Al jentre ta l'ostarie Bepo, un so amì, de sô stesse anade, che lu salude: « Bon dì ».

« Bon dì ».

« Ce lèistu? ».

« Bepo, mi pâr che cheste volte a' clàmin sot ancje la nestre classe ».

« Ce dîtu? ».

« Ve' ca », j dîs metin'j il gjornâl sot i vôi.

'E jere la pagjne dal gjornâl ch'e ripuartave i avîs des personis ch'a jerin mancjadis. Tra i tanc' al jere ancje il non dal lôr amì Gjovanin, de lôr classe.

« Viodût? ».

M.

## CJARGNE

*Pez imbrincâz su lis clevis:  
furtunâz  
dome chêi di une bande  
te lûs dai sgjanôrs.  
Vôs di uceluz ch'a zòrnin  
in ponte dai cidinôrs...*

*Ma la Cjargne 'e je chê  
des animis solis  
che no fevèlin dibant.  
La Cjargne dai cjamps  
misurâz cun tre pàs,  
ma de fadie cence mesure...*


*E, alore,  
sù, Cjargne, coragjo!*

M. F.



November

STAMP



November

# 11

- |   |    |   |  |   |
|---|----|---|--|---|
| ✠ | 1  | L | I SANZ   | ☺ |
|   | 2  | M | <i>Memorie dai Defonz</i>                        |   |
|   | 3  | M | S. Silvie  |   |
|   | 4  | J | S. Carli Boromeo                                 |   |
|   | 5  | V | S. Zacarie                                       |   |
|   | 6  | S | S. Lenart  |   |
| ✠ | 7  | D | S. ERNEST  |   |
|   | 8  | L | S. Gotifrêt                                      | ☾ |
|   | 9  | M | S. Siro  |   |
|   | 10 | M | S. Leon il grant                                 |   |
|   | 11 | J | S. Martin  |   |
|   | 12 | V | S. Renato  |   |
|   | 13 | S | S. Diego   |   |
| ✠ | 14 | D | AVENT AMBROSIAN                                  |   |
|   | 15 | L | S. Albert il grant                               | ☼ |
|   | 16 | M | S. Otmâr   |   |
|   | 17 | M | S. Lisabete de Ongjarie                          |   |
|   | 18 | J | <i>Dedicazion de Basiliche SS. Pieri e Pauli</i> |   |
|   | 19 | V | S. Faust   |   |
|   | 20 | S | S. Tavio   |   |
| ✠ | 21 | D | CRIST RE   |   |
|   | 22 | L | S. Cecilie                                       | ☾ |
|   | 23 | M | S. Clement pape                                  |   |
|   | 24 | M | S. Flore   |   |
|   | 25 | J | S. Catarine                                      |   |
|   | 26 | V | S. Delfine                                       |   |
|   | 27 | S | S. Valerian di Aquilèe                           |   |
| ✠ | 28 | D | PRIME DI AVENT                                   |   |
|   | 29 | L | S. Saturnin                                      |   |
|   | 30 | M | S. Andrèe apuéstul                               |   |



# Novembar

## *Il difiet*

S'impènsisi de muart plui che altri co la tradition nus puarte duc' a ricuardâ i defonz, ma no si ûl mai impensâsi che la muart 'e je ancje nestre dal moment ch'o sin nassûz. Parcè no si uèlial impensâsi?

Plui fazzil murì in uere che no vivi in pâs.

Par murì in uere 'e baste une bale tal cjâf; par vivi in pâs al covente invezzi fâ la uere plui grande e plui difizzile e plui lungje di duc' i tims, ch'e je, justeapont, chê de pâs.

Cu lis vîtimis che dilunc dai siêi secui al à vût in tantis e tantis ueris, il Friûl al pò dal sigûr insegnâ unevore. Pecjât nome par cui che nol impare, ch'al è par colpe sô che altris a' saran copâz. No saressial di copâ nome lui?

Ce fazzil ch'al sarès se si podès fâ la pâs come che si fâs la uere, copant. Ma copant si fâs la muart. E bisugne imparâ a fâ la vite. Ma se in proposit i furlans, cun tantis vitimis, a' son ancjemò tant indaûr, ce si puèdial sperâ?

## *La profezie*

Par gjavâ une vite, duncje, 'e baste une bale tal cjâf, in uere; in pâs, no bâstin dutis lis vitis par salvâsi des ueris ch'a vegnin tal mont.

Ce êsal il mont? Se no lu capîs nancje il Friûl, salacôr nissun lu capirà. J orès che dut al fòs naturâl!

Ma se no rivarìn a vê simpri une muart nestre, naturâl, no rivarìn mai nancje a vê une vite ch'e séi propit nestre.

L. C.

---

Par un clap butât paràjar, nol è un mâl il colâ ni un ben il lâ in sù.

Marco Aurelio

# Furlans, fevelàit par furlan!

*[Ermes di Colloredo] fu capitano di ventura  
e poeta indocile, servendo la Serenissima a  
capo di corazze e foggando in rime aspre  
e in quartine membrute la sua parlatura na-  
tiva, concisa e aguzza, acerba e venusta.*

G. D'ANNUNZIO (1863-1938)

## DISLÈELENGLISH

*par provis di lei, di dî-sù e di scrivi.*

Se tu sâs di no séi a Sarsê la sere, 'es sîs, tal  
sèi jo cu la mê sèe il sesâr su la sieste di sas fûr di  
sieste, e i muducs t'ai sistemi tune seste.

Chel strissinît ch'al strizze strazzis sot lis stri-  
cèis e al struche strissulis a Stracis, al strazze stra-  
chis e strùssiis di strezze di cuel.

« Bevin un tai, e dopo tal tai jo a tai lunc chel  
to tei tai tiei tais », dissal Tàlico a chel tâl dai tâi  
di Talazzae.

Quant ch'al tazze une tasse di tassêi, al tâs e al  
bêf une tazze di tazzelenghe senze pajâ tasse.

*J vuei ben a 'sta legna / fuarta, che sa 'l  
sbusinòr dai flums che savoltin li' gravis, /  
ma che sul fonz dal cùr ciata ancia tanc' di  
chei suns /fins come vòs di uciluz pitinins  
che zisichin ta zisis, / quan'che cu 'n grum  
di sticuz fasin al nit pai nassinz.*

U. PELLIS (1882-1943)

## SCIOGLILINGUA

*per esercizi di lettura, di dizione e di scrittura.*

Se sai di non essere a Cereseto la sera alle sei,  
te lo sego io con la mia sega il cilegio sul margine  
in declivio di ghiaia in disordine, e i pezzi te li met-  
to in una cesta.

Quello striminzito che sprema stracci sotto il  
piovitoio e pigia trucioli a Stracis, sciupa stanchez-  
ze e fatiche di muscoli del collo.

« Beviamo un bicchiere, e poi te lo taglio io a  
misura lunga quel tuo tiglio lungo i tuoi canali »,  
disse Italico a quel tal dei tali di Talazzae.

Quando taglia una catasta di tasselli, tace e be-  
ve un bicchiere di vino « Tazzelenghe » senza pa-  
gar tassa.

D. V.

## Tresemanis

Tal '31 i òrganos de glesie a' vevin costât 250 mil francs. Bêz tirâz dongje cu lis ufiartis di dut il paîs. A screâlu al jere vignût un famôs organist che si clamave Ulisse Mattei. In chê dì però, par podê jentrâ in glesie, bisugnave pajâ un tant. Ven da sè che l'inaugurazion 'e jere fate nome par chêi ch'a vevin bêz. Alore la puore int, che ancje lôr a' vevin dât pal òrgano, jù a protestâ: che cheste no je justizie, che cussì la religjon 'e je nome pai siôrs! E il plevan, che pai puôrs nol diventave mat, ur à dite: « Ce furbos! Si visaiso nome cumò? ».

\*

Checo di Ghite al jere simpri stât un omp une vøre prevident. Cui sôî tràfics di marcjedant, rivât 'e pension, al veve calcolât di podê vivi di rendite, ancje cu la svalutazion in cors, fin a novantecinc agns. « Ul dî che se mi va mâl », al diseve, « dopo 'o larai a vore sot paron ».

\*

Zuantoni, doman al partive pal Venezuela, che



al jere lâ t a saludâ siôr Camilo, ch'al jere vieli e malât. Chest ca j dîs dut avilît: « Mandi frut, mandi, no si viodin plui sâtu! ».

E Zuantoni: « Eh, anin po', siôr Camilo, parcè dîsial cussî? Nol è mico tant vecjo lui; no 'nd' à nancje novante! ». E lui: « Nol è par me, frut, che lu dîs, ma sâtu, cun tanc' areoplanos ch'a còlin... ».

\*

Toni Frico al jere famôs par séi sensâr di vascjs di còmut. Lu cognossevin par dut il Friûl là ch'al comprave in propit e po' al vendeve lis vascjs intèriis. Co al tratave pal presi, impins su la vascje viarte e in bande il tapon, al comenzave cul nasâle; po' si inzenoglave, al meteve un dêt in muel te materie, al sbaziave la materie cul dêt, po il dêt lu meteve in bocje par zerbâ. Se cheste materie no jere tant sauride al diseve: « Lâmie, agarole ». Ma se la cjatave juste e che il presi j lave ben, alore la zerbave plui voltis e al diseve: « Un tocjo, une spongje! ».

\*

Cîsio Bùchigne, grant pescjadôr, butât il spali cu la tarme te aghe de Tôr, une di al ti tire fûr un pès tant grant di fâ pôre. In doi a judâlu. Ma une volte tirât fûr, ce fâsial chel mat di Bùchigne? Al

torne a butâlu ta l'aghe. « Ce fâtu?, parcè po'? », j domàndin i amîs. E lui: « Tignîlu o nò, s'o voi a contâle, nissun mi crôt ».

\*

A siore Gjudite dal Mîrul j jere vignût imbast e al semeave che no tornàs plui di ca. Alore sô fie si jere metude e dî lis prejeris dai muribonz. Ma la viele, dopo un pôc, 'e veve viarz i vôi e j dîs a sô fie: « Ce dal folc îsal stât, cun chê muse stralunade che tu âs? ». E jê, dute contente: « Mostre di mame, ce pôre che tu mi às fate: tu semeavis za muarte ». « Ma ce dîtu mai », dissè jê « murî propit cumò che mi àn cressude la pension? ».

\*

Tal prin dal nûfcent, l'omp di Rose Cuesse al lave a vøre in Austrie, a Viene. E al contave che Franz Josef al lave ogni dì sul lavôr a cjatâ i talians e ur diseve: « Bràos fantaz, 'e ven ben la uere che 'o cjatarês un impiego in patrie plui sigûr di chest ca. Ca fantaz, une prese ». E ur slungjave la sô tabachere d'aur.

Fato sta che, finide la stagjon, Ustin, spaventât des peraulis dal imperatôr, s'imbarcje sul prin vapôr e vie lui in Americhe. Pôc dopo 'e scopie la

uere dal '15. Tal prin i todescs a' vinzevin, e Ustin, pe stime ch'al veve dai mucs, ce fàsial? Al gambè i dòlars ch'al veve in bande in marcs e coronis.

E al è stât cussì che Ustin, l'omp di Rose Cuesse, restât senze un boro di sparagn, al à scugnût restâ in Americhe par simpri!

A. B.

---

Cui ch'al viôt lis cjossis di uê al viôt dutis chês ch'a son stadis sin dal prinziipi dal timp, e chês ch'a saran par dute l'eternitât.

Marco Aurelio

## CRÔS DI LEN

*Sono immò crôs di len  
lunc jù pes stradis?  
e Crisc' di bande viere, pal Friûl.  
1 Crisc' dismenteâz?*

*Lis machignis sludadis  
'a còntin mîis a svuèl  
e no ju viòdin plui  
e ur mòvin buere intôr.*

*Dibant a' slàrgjn braz  
e a' fàsin musis di dolôr  
i Crisc' dai cjaradôrs!*

M. F.

## *Antichitâr*

Il gno amî Berto Desiderato al veve fate la sô cjase gnove a Buje; e alore uns tre amîs a' van a cjalâlu.

Berto ju mene a viodi cheste sô cjase gnove: la cusine, il camarin, il tinel, il bagno, lis cjaminis, la cantine... Pulît.

Ma chesc' tre amîs, dopo di vê scrutinât dut, no puedin stratignîsi di dî a Berto: « Dut ben, nome che ca al mancje un quadri, un casson a la viere, un biel mobil antîc ch'a staressin tan' ben, ch'a insioraressin la cjase; un alc di antichitât, insome ».

Berto al prèe chesc' amîs che si vòltin in mût di no podê viòdilu lui. Quant che i tre j àn mostrade la schene, lui si met tun cjanton dal tinel, si disviest, si met sul atenti, lui, ch'al è sui otantecinc agn, po' ju invade a voltâsi de sô bande e a cjalâlu. La volte che chêi si vòltin, ur dîs: « 'O disês che la mê cjase gnove 'e mancje di antichitât. Viarzêt i vôi e cjalâimi. Ce podarèssial séi culî dentri plui vieri e plui antîc di me? ».

M.



## MATRIMONIS

*Si dîs che un matrimoni,  
co al rive par siet agn a tignî dûr,  
nissun lu spache plui nancje cul coni  
e fin 'e fin al à un doman sigûr.*

*Che se par câs, si zonte,  
la robe che si conte no je tâl,  
uêi dî se i siet a' clàmin 'ne prionte,  
lì si è denant di un câs fûr dal normâl.*

*O' pensi: alore, il gno,  
ch'al dure di trent'agn come ch'al dure  
simpri sul pont ch'al è di piardi il pro,  
ch'al séi fûr dal normâl 'e je sigure.*

M.

*Dicembar*

# December

The first of the month was a  
very cold day, and the wind  
blew from the north. The  
snow was very deep, and  
the roads were very slippery.  
The children were very  
happy to see the snow, and  
they played for hours in  
the yard.

The second of the month was  
a very cold day, and the  
wind blew from the north.  
The snow was very deep,  
and the roads were very  
slippery.

The third of the month was  
a very cold day, and the  
wind blew from the north.  
The snow was very deep,  
and the roads were very  
slippery.

The fourth of the month was  
a very cold day, and the  
wind blew from the north.  
The snow was very deep,  
and the roads were very  
slippery.

# 12

|   |    |   |                              |   |
|---|----|---|------------------------------|---|
|   | 1  | M | S. Eligio                    | ☺ |
|   | 2  | J | S. Bibiane                   |   |
|   | 3  | V | S. Franzesc Saverio          |   |
|   | 4  | S | S. Bârbure                   |   |
| ✠ | 5  | D | SECONDE DI AVENT             |   |
|   | 6  | L | S. Nicole                    |   |
|   | 7  | M | S. Ambrôs                    | ☾ |
| ✠ | 8  | M | MADONE DI DICEMBAR           |   |
|   | 9  | J | S. Siro                      |   |
|   | 10 | V | <i>Madone di Loreto</i>      |   |
|   | 11 | S | S. Damâs pape                |   |
| ✠ | 12 | D | TIARZE DI AVENT              |   |
|   | 13 | L | S. Luzie                     |   |
|   | 14 | M | S. Zuan de Crôs              |   |
|   | 15 | M | S. Valerian                  | ☺ |
|   | 16 | J | S. Albine                    |   |
|   | 17 | V | S. Lâzar                     |   |
|   | 18 | S | S. Grazian                   |   |
| ✠ | 19 | D | QUARTE DI AVENT              |   |
|   | 20 | L | S. Macari                    |   |
|   | 21 | M | S. Pieri Canisio             |   |
|   | 22 | M | S. Franzescje Cabrini        |   |
|   | 23 | J | S. Vitorie                   | ☾ |
|   | 24 | V | S. Dele                      |   |
| ✠ | 25 | S | NADÂL DI NESTRI SIGNÛR       |   |
| ✠ | 26 | D | S. SCJËFIN                   |   |
|   | 27 | L | S. Zuan apuéstul e vanzelist |   |
|   | 28 | M | SS. Inozenz                  |   |
|   | 29 | M | S. David                     |   |
|   | 30 | J | S. Gjenio                    | ☺ |
|   | 31 | V | S. Silviestri pape           |   |

# Dicembar

## *Il difiet*

Stant che il mês di Dicembar al è l'ultin e al à il Nadâl, il Strolìc nol à vòe di fevelâ di difiez ma di stelis, di nêf, di lusôrs e di pastôrs (impuar-tanz, culî, i pastôrs!), cun dut che la int e' àn il difiet di pensâ plui che altri a tredisésimis, pane-tons, auguris e soledut regâi.

Paraltri, al è za alc che la int a' pènsin ad alc, in dì di vuê. E cul pensâ cuissà che no si inacuar-zin di vê il pinsîr, e di lì, a planç a planç, cuissà che no rívin a capî che la lune no je nome un satè-lit là che i merecans a' son lâz a cjapâ sù qualchi campion di claps: difat, la lune cui ch'al alze il cjâf al viôt ch'e je ancjemò vuê la lûs plui grande che si viôt di gnot tal cîl e, cun di plui, si presente simpri diferente, plui che no 'une femine ch'e sa di jéssi biele e che cul gambiâ 'e dà moviment e vite ae sô bielezze.

Parceche jéssi biêi nol è fazzil: se ur mancje un frègul di snàit, i biêi a colp a' son viodûz basoâi, là che invezzi ai bruz ur ûl pôc par jéssi calcolâz simpatics.



A' sbàliin però chei furlans che, par no riscjâ, no vuèlin jéssi ni bièi ni bruz: parcech'a saran instès calcolâz basoâi. Il piês al è che il calcul al sarà just. Ce puedino jéssi po chêi che no rîvin a jéssi nuje, ni cussì ni culà, ch'a van nome che a cirî di semeâ qualchidun altri?

### *La profezie*

Stant che si nàs par jéssi, no si varà nissun gust a jéssi nassûz une dì par no jéssi mai sé, ma nome che une copie, fate magari daûr di un'altre copie.

I pastôrs, ch'a jerin puare int, a' son pursì rîvâz denant di Diu di bessôi, senze lâ daûr di nissun!

L. C.

---

« Chi che non finisce più di parlare, vuol dire che non ha niente di dire ».

Il barbe Gulielmo

# **Furlans, fevelàit par furlan!**

*Cheste nestre benedete lenghe 'e sarà dure, s'e ven-fûr dal gargat di un sdarnâli vilan, che la rute cun malegrazie; 'e sarà slambrade su la bocje di un fantazzat, che la inflore di blestemis; 'e sarà fastidiôse se la fevele una babate petezzone; 'e sarà ridicule come che la cuinzin chei dordei che la àn disimparade: ma come ch'o la ài sintude jo a cinglinâ ridint, ràmpide come une ploe d'arint, sui lavris [di une fantazzine bionde] no 'ndi è un' altre che j vadi par dongje.*

J. MARCHET (1902-1966)

## **DISLÈELENGLISH**

*par provis di lei, di dî-sù e di scrivi.*

« Us dói dòi ûs sul ûs, come che si use, uso? ».

« Se propit t'ûs, parcè nò? ».

Îse vere che siore Vere cheste primevere 'e à piardude la vèr lavant une vèr su la vere dal poz?

'O vói pal troi di Vendòi ch'o ài voe di viodi chei vôi cui miei vôi; volêso vignî ancje vô, von?

Al à pôcje zucje chel ch'al cjucje une zecje di zocje secje.

*La fisionimia di questa parlata [è] così acutamente estranea ai dialetti italiani, ma così piena di dolcezza italiana: incorporata dalla sua arcaicità a dati naturali, quasi che fosse una casa sola con l'odore del fumo dei focolari, dei venchi umidi intorno alle rogge, dei ronchi scottati dal sole...*

*Fevelâ furlan a vuol disi fevelâ latin.*

P. P. PASOLINI (1922-1975)

## SCIOGLILINGUA

*per esercizi di lettura, di dizione e di scrittura.*

« *Vi do due uova sull'uscio, come si usa, volete?* ».

« *Se proprio vuoi, perchè no?* ».

*E' vero che la signora Vera questa primavera ha perduto la fede nuziale lavando una bottiglia sul parapetto del pozzo?*

*Vado per il sentiero di Vendoglio perchè ho voglia di vedere quegli aceri con i miei occhi; volete venire anche voi, nonno?*

*Ha poco ingegno chi succhia un germoglio di ceppaia secca.*

D. V.

# Sunsûrs

A proposit di chêi sunsûrs ch'a sàltin fûr par daûr, abâs vie.

Costantin di Fabro, di Biliris, soldât alpin intant de uere dal quindis, une dì al jere tal so ploton su plui rîis dongje di un altri ploton de compagnie steshe su altris plui rîis ben a square, ch'al veve di vignî il cjamin al ven. « At tenti », al dîs il tenente ch'al comandave il ploton di Costantin; e il ploton si met sul atenti. « At tenti », al dîs chel altri tenente ch'al comandave chel altri ploton. E il cjamin al ven indenant in tal miez, che tant un che chel altri tenente a' van a presentâj lis lôr schîris.

E propi apene che i doi e' àn finît di presentâ lis lôr schîris al cjamin, in chel zito ch'al è atôr atôr, si sint franc e alt e lunc e sigûr un sunsûr di no podêlu confondi cun altris.

Duc' reste. A qualchidun j sbrisse fûr 'ne ridade, che però 'e mûr subite. Cjoh! si jere in uere, mico in caserme, che si podeve passâ parsôre a cetant!

Zito, duncje; e duc' fêrs sul atenti squasi come a sintî a revocâ chel sunsûr. Fin che il cjamin al



dà ordin ai doi tenentis di dâ il ripôs 'es dôs schîriis.  
« Ri poso ».

Ma ancje sul « riposo » duc' tâs, adulà che, par solit, si podarès dîsi chel alc. Si tâs a reson di chel burlament... di chel flât, che no si sa ce sens che j varà fat al cjaminani e ce che il cjaminani al pense di fâ par parâsi di chê che, vôi o no vôi, 'e je une mancjanze, un segno di indissipline...

E alore, dopo une eternitât: « Chi è stato », al dîs il cjaminani.

Duc' zito, squasi tornâz sul atenti.

« Chi è stato! », al torne a dî il cjaminani, plui sec. « Venga avanti chi è stato! ».

E de seconde file dal prin ploton 'e rive une vôi, chê di Costantin di Fabro: « Io, signor capitano ».

« Vieni fuori ».

Costantin al ven fûr, al va viars dal cjaminani tal miez dai doi plotons a cjalâlu incidins; si ferme davanti dal cjaminani, al bat i tacs, lu salude puar tant la man drete a nivel de plote dal so cjapielat e al dîs: « Fabbro Costantino di Billerio; ai comandi », e al sta fêr sul atenti.

« Siete stato voi a esplodere in quella forma? ».

« Sì, io. Mi è scappato ».

« Vieni qui », j dîs il cjaminani. Costantin si vîzine. (« Minimo chel lì mi mande in prime lînie



cumò », mi contave dopo). « Vieni qui ». Si vizi-  
ne, e il cjamin al cjôl fûr il tacuin, al gjave cinc  
francs dal tacuin e j ai dà: « Prendi », j dîs, « non  
ho mai sentito in vita mia una cosa compagna ».

M.

---

Vîsiti che chenti tû no tu sês altri che atôr di une co-  
mèdie, ch'e sarà curte o lungje a seconde de volontât dal  
poete. E se a chest j plâs che tû tû raprésentis la persone  
di un zercândul, e tû cîr di raprésentâle pulît. Parimentri  
se ti è dât di raprésentâ la persone di un zuet, o di un  
jûdiz, o di un omp quâl ch'al séi. Stant che a tî ti tocje  
di raprésentâ ben chê persone che ti è destinade: il sièlzile  
j aspîete a un altri.

Epitteto - C. - XXII - 1

## CJAMINADIS

*'O voi dispès a fâ 'ne cjaminade  
sui cuêi dulà ch'al jere il gno paîs,  
sul tart, che no je un'anime pastrade,  
che squasi duc' e' àn fatis lis valîs.*

*'O voi planchin, e juste 'ne uacade  
mi ven di sépi dontri, e un gjal, e grîs;  
e 'o torni cul pinsîr a un'ete lade  
co pâs chi 'o vevi e gjonde par amîis.*

*'O pensi a di chel borc lassù ch'al stave,  
e a di chê cjase imbande, cujetine,  
cun chel balcon di gnot a forâ il scûr.*

*E ae int tant cjare; e a jê che mi spietave,  
e al « mût » che mi spietave, püarine,  
e, a un tant, no sai cemût ch'al rézi il cûr.*

M.

## AGHE A FELETAN

'O ài za scrit sul Strolc de Filologjche agn indaûr ce ch'al suzzedeve a Feletan, te mê cjase, a riuart da l'aghe dal aquidot; ma uê 'o riten di scugnî tornâ a scrivi al proposit: no tant pal fat da l'aghe ch'e rive e che no rive dai tubos dal aquidot (ch'e je une robe ch'e pò ancje no interessâ chêi tanc' che l'aghe le àn dal prin dal an fin al ultin dal an), « quanto » par pandi cemût che la mê Crôs in chesc' dîs di setembar dal 81 'e à inquadra de la robe.

Alore, dai spinêi de mê cjase di Feletan, l'aghe dal Cuarnap 'e ven fûr di agn quant ch'e ûl e chê pocje ch'e ûl. Ma fin l'an passât almancul vie pal inviâr 'e vignive, séi pûr, tantis voltis, nome di miezegnot fin 'es quatri o cinc a buinore. Chest an, invezi, za dal mê di zenâr 'e à scomenzât a lâ al màncul.

Infati: « Meni, no je aghe », mi à dite la femine une biele dì di zenâr; « regòlicj sul lavâti e sul lâ tal cesso, che la risiarve 'e je chê ch'e je ». E il dì dopo mi à dite instès, e il dì dopo dopo precîs, e vie vie. 'E coreve chel alc vie pe gnot, e une lagrime ogni tant vie pe zornade.

Cjoh!, l'aghe 'e je l'aghe. Al pò mancjâ il vin, ma l'aghe...

E alore une dì di fevrâr jo 'o cjapai la pene in man e 'o scrivi in Cumune cussì e cussì. 'O scrivi dopo di vê telefonât trente voltis al scrivant dal aquidot in Cumune dibant, e al « acquaiolo », che mi rispuindeve saldo la sô brave cristiane par dîmi che il so omp al jere in lavôr su la rêta e che l'aghe 'e sarès rivade dal sigûr tal doman. Bausiis!

La Cumune no mi à rispuindût, cun dut che la lètare ch'ô vevi scrit la vès vude aprovade anche la femine, che mi veve dit: « Brao, tu âs scrit ben ».

« Forsi 'o soi stât masse dûr... ».

« Nò, ben. A' son agn che in cjase mê al è plui vin che no aghe. Con quella lèttera lì te vedarà che i se move ».

E invezzi no si son moz.

Marz, avrîl, maj, jugn, luj, avost... nancje aghe di podê fâ la malte par fermâ i cops sul cuviart de cjase, nancje aghe di podê fâ il solfato pes vîz e di podê smondeâsi, a momenz.

Fin che une dì la femine 'e sclope: « Ma alore cheste aghe si puèdial vêla une volte? Ma tû », mi dîs, « si puèdial savê ce che tu stâs a fâ chenti? ».

« Jo? ».

« Tû, sì. Varda il Ràdames come che el se in-



teressa! Varda la Lida... E tì te sta lì, che tutti i te mena pel boro! ».

« Ma, frute, ce puèdijo fâ jo plui di scrivi, plui di telefonâ a chest e a chel? ».

« Te devi mòverte, eco quel che te devi far! Te devi andar de persona dal Sindaco, dal acquaiolo, dal assessor... Possibile che no te rivi a capir? E telefonar magari al Prefeto, al Spaziante... Gojo de far tuto mì? ».

Mi soi mot e 'o soi lâ dal Sindic, dal « acquaiolo » e dal tecnic, e 'o ài cirût l'assessôr che nol jere.

Quant ch'o soi tornât a cjase mi à domandât: « Te son sta? ».

« Son sta ».

« Gastu parlà? ».

« 'O ài fat dut ». E jù a riferî ce che mi veve dit il Sindic, il tècnic de Cumune, l'agarûl...

« Védistu mo. E se te fossi andà prima... ».

Ma l'aghe no je cressude par nuje. L'aquidot al lave indenant instès cul so « sciopero selvaggio », ven a stâj lassant stâ di butâ a so plasê senze avîs, 'ne dì sì e chê altre ancje. E jê: « Gnente, no te sa far gnente. Te te lassi cjapar sotto gamba da tutti. O forsi no te son gnanche sta da quei là... ».

« Sì ch'o soi stât. 'O ài ancje berlât forsi masse ».

« Allora mi te ripeto che no te sa far gnente.



Te sarà più o meno bon de scriver poesie (e anche lì no sta creder de esser Dante Alighieri...), ma per il resto te xe una miseria... ».

Cussì l'aghe a cjase mê a Feletan nol è che no rivi parvie de carènzie dal aquidot dal Cuarnap, parvie di chel brâf omp ch'al è il Sindic de Cumune, o di chêi brâs omps ch'a son i assessôrs de Cumune e i Conseîrs de Cumune, di chêi brâs cristians ch'a son i tècnics dal aquidot e l'agarûl e il vice agarûl de Cumune: in cjase mê a Feletan l'aghe no ven, o 'e ven fûr dai spinêi come la sisinade di un vieli, par colpe di Meni, di chel Meni ch'o sarès jo.

M.

## FINÂL DAL STROLIC

*Finît ch'o ài di scrivi lis mês pagjnutis cu lis profezûs, lis déi il redatôr di chest librut e lui al mi dîs: « Folcitrâi, chêi ch'a lejaran a' podaran sintîsi avonde scunîz, sî... che tu âs fat dute une fruzze dai furlans! ».*

*J ài rispuindût che s'o vès fevelât des virtûz dai furlans no varès fate nissune fruzze, ma stant ch'o ài fevelât dai difiez, duc' à di capî che nol jere il câs ch'o stàs a pinelâju cu la porpurine come i pecjâz che lis femenutis a' van a contâj al confessôr. In ogni mût, pal câs che no duc' al capissi e che magari al vadi a protestâ cul redatôr e cun altris so-restanz par che chêi daspò a' végnin a protestâ cun me (ch'a son tanc' i furlans ch'e àn il difiet di no olê mai espònisi), alore jo 'o varès scrit un finâl: ch'al è chest.*

*Par dî ce?*

*Par dî, justeapont, che i difiez a' son difiez e che jo 'o ài scrit sui difiez e no su lis virtûz. Ma no àno ancje tantis virtûz i furlans? In proposit, 'o ài za dit, tune des mês pagjnutis, che su lis virtûz dai furlans no ur sta ai furlans di fevelâ, ma ai*

*foresc'; cun di plui, bisugne stâ atenz parceche lis laudis a' puedin jéssi interessadis.*

*Insumis, lis laudis al è miôr nancje sintîlis, là che invezzi si pò fevelâ tant che si ûl dai difiez; e jo 'o ài salacôr il difiet di vê fevelât nome che di dodis dai difiez di chêi altris furlans, ma a' 'nd' è ancjemò, di fevelâ fin che si ûl, ch'al vignarès fûr un grant mazzalizzi: un mazzalizzi tâl che jo, ch'o ài fate nome une pizzule fruzze, 'o scomparìs. Al è che qualchi furlan al pò vê ancje il difiet di cjapâse par nuje.*

L. C.

---

Se un ti ripuarte che il tâl o il tâl altri al à dit mâl di te, lasse stâ di scusâti o di difinditi, ma rispuint che chel lì nol cognòs i tanc' altris difiez che tû tu âs, adulà che, se ju vès savûz, nol varès nomenâz nome chêi.

Epitteto - C. XXXIII - 9

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
OF THE BARRISTER AT LAW  
IN GREAT BRITAIN  
LONDON: PRINTED BY J. BELLAMY, AT THE  
MILK-MAN'S HEAD, IN ST. MARTIN'S LANE, 1766.  
AND BY J. BELLAMY, AT THE  
MILK-MAN'S HEAD, IN ST. MARTIN'S LANE, 1766.

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
IN TWO VOLUMES  
BY NATHANIEL BENTLEY  
OF THE BARRISTER AT LAW  
IN GREAT BRITAIN  
LONDON: PRINTED BY J. BELLAMY, AT THE  
MILK-MAN'S HEAD, IN ST. MARTIN'S LANE, 1766.  
AND BY J. BELLAMY, AT THE  
MILK-MAN'S HEAD, IN ST. MARTIN'S LANE, 1766.

# T A B E L E


|  |    |
|--|----|
| Preàmbul dal Srolic (Lelo Cjanton) . . . pag.            | 7  |
| Zenâr . . . . . »  | 9  |
| Zenâr (L. C.) . . . . . »                                | 10 |
| Furlans, fevelàit par furlan! (Dino Virgili) . . . . . » | 12 |
| Paziènzie (Meni Ucel) . . . . . »                        | 14 |
| Cemont ch'a' erin (Novella Cantarutti) . . . »           | 15 |
| Un puint di rosis (Mario Argante) . . . »                | 20 |
| E alore? (Lucia Scoziero) . . . . . »                    | 21 |
| Definizons (Papin) . . . . . »                           | 24 |
| Fevrâr . . . . . »                                       | 25 |
| Fevrâr (L. C.) . . . . . »                               | 26 |
| Furlans, fevelàit par furlan! (D. V.) . . . »            | 28 |
| Tresemanis (Alan Brusini) . . . . . »                    | 30 |
| Ricognossimenz (M.) . . . . . »                          | 39 |
| Ce gust îsel (Giovanni Maria Basso) . . . »              | 40 |
| Spagnolez (M.) . . . . . »                               | 41 |
| La parùssula (Pier Paolo Pasolini) . . . »               | 43 |
| Un troi (Alberto Picotti) . . . . . »                    | 44 |
| Marz . . . . . »   | 45 |
| Marz (L. C.) . . . . . »                                 | 46 |
| Furlans, fevelàit par furlan! (D. V.) . . . »            | 48 |
| Il vecjo tei (M. A.) . . . . . »                         | 50 |
| Lavoradôrs (Luciano Verona) . . . . . »                  | 51 |



|  |      |     |
|--|------|-----|
| Avrîl . . . . .                                  | pag. | 53  |
| Avrîl (L. C.) . . . . .                          | »    | 54  |
| Furlans, fevelàit par furlan! (D. V.) . . . . .  | »    | 56  |
| Pasche (Domeni Zannier) . . . . .                | »    | 58  |
| « Nase botis » (A. P.) . . . . .                 | »    | 60  |
| Avrîl (A. P.) . . . . .                          | »    | 62  |
| Da « Il sogno di una cosa » (P. P. P.) . . . . . | »    | 63  |
| « Pi Due » (M.) . . . . .                        | »    | 66  |
| Fruzzons (M.) . . . . .                          | »    | 67  |
| Maj . . . . .                                    | »    | 69  |
| Maj (L. C.) . . . . .                            | »    | 70  |
| Furlans, fevelàit par furlan! (D. V.) . . . . .  | »    | 72  |
| La biblioteche di Risultive (Bidinut) . . . . .  | »    | 74  |
| Famèis di une volte (P.) . . . . .               | »    | 76  |
| Il to patì (Bruno Nobile) . . . . .              | »    | 79  |
| Fruzzons (M.) . . . . .                          | »    | 81  |
| La statistiche (Trilussa) . . . . .              | »    | 85  |
| Tal bràs di to pari (Eddy Bortolussi) . . . . .  | »    | 86  |
| Confessions (M.) . . . . .                       | »    | 87  |
| Storiutis di païs (Tarcisio Venuti) . . . . .    | »    | 88  |
| Cjâs (M.) . . . . .                              | »    | 93  |
| Cîl di ogni stagjon (Maria Forte) . . . . .      | »    | 94  |
| Jugn . . . . .                                   | »    | 95  |
| Jugn (L. C.) . . . . .                           | »    | 96  |
| Furlans, fevelàit par furlan! (D. V.) . . . . .  | »    | 98  |
| Dal Vanzeli di Luche . . . . .                   | »    | 100 |
| Uê e doman (M.) . . . . .                        | »    | 101 |

|   |          |
|---|----------|
| Il vieli (M. A.) . . . . .                | pag. 102 |
| Muînis (M.) . . . . .                     | » 103    |
| Luj . . . . .                             | » 105    |
| Luj (L. C.) . . . . .                     | » 106    |
| Furlans, fevelàit par furlan! (D. V.) . . | » 108    |
| Mandi, Ciceri! (Nadia Pauluzzo) . . .     | » 110    |
| Morârs di fuèe (A. P.) . . . . .          | » 113    |
| Triestins (M.) . . . . .                  | » 115    |
| Passâ l'ore (M.) . . . . .                | » 117    |
| Disvalutazion (M.) . . . . .              | » 119    |
| Cjalt (L. S.) . . . . .                   | » 120    |
| Avost . . . . .                           | » 121    |
| Avost (L. C.) . . . . .                   | » 122    |
| Furlans, fevelàit par furlan! (D. V.) . . | » 124    |
| Il farc (M.) . . . . .                    | » 126    |
| Cuintristoria da bataja de Tôr (Celso Ma- |          |
| cor) . . . . .                            | » 127    |
| Scais (Vico Bressan) . . . . .            | » 131    |
| Chêi dal « Furlan » (B.) . . . . .        | » 133    |
| Filusumîis (Rosanna Paroni Bertoia) . .   | » 135    |
| Setembar . . . . .                        | » 137    |
| Setembar (L. C.) . . . . .                | » 138    |
| Furlans, fevelàit par furlan! (D. V.) . . | » 140    |
| Messis (M.) . . . . .                     | » 142    |
| Il timp (M.) . . . . .                    | » 144    |
| Scais (V. B.) . . . . .                   | » 145    |
| I zûcs di uere (Lùzio di Cjândit) . . .   | » 146    |

|  |          |
|--|----------|
| Sagris di une volte (Adelchi Razza) . . .      | pag. 149 |
| Sorestanz (M.) . . . . . »                     | 150      |
| Misdì (M. F.) . . . . . »                      | 153      |
| Il « melcurio » (M.) . . . . . »               | 154      |
| Bessôl (B. N.) . . . . . »                     | 157      |
| Siarade (L. S.) . . . . . »                    | 158      |
| Utubar . . . . . »                             | 159      |
| Utubar (L. C.) . . . . . »                     | 160      |
| Furlans, fevelàit par furlan! (D. V.) . . . »  | 162      |
| A ognun il so (B. N.) . . . . . »              | 164      |
| Tassis (M.) . . . . . »                        | 165      |
| Mingulis (M.) . . . . . »                      | 168      |
| Cjargne (M. F.) . . . . . »                    | 172      |
| Novembar . . . . . »                           | 173      |
| Novembar (L. C.) . . . . . »                   | 174      |
| Furlans, fevelàit par furlan! (D. V.) . . . »  | 176      |
| Tresemanis (A. B.) . . . . . »                 | 178      |
| Crôs di len (M. F.) . . . . . »                | 182      |
| Antichitâz (M.) . . . . . »                    | 183      |
| Matrimonis (M.) . . . . . »                    | 184      |
| Dicembar . . . . . »                           | 185      |
| Dicembar (L. C.) . . . . . »                   | 186      |
| Furlans , fevelàit par furlan! (D. V.) . . . » | 188      |
| Sunsûrs (M.) . . . . . »                       | 190      |
| Cjaminadis (M.) . . . . . »                    | 193      |
| Aghe a Feletan (M.) . . . . . »                | 194      |
| Finâl dal Strolc (L. C.) . . . . . »           | 198      |







Finît di stampâ  
te tipografie Doretti  
di Udin  
sot Sante Catarine  
dal 1981

\*

RENATO APPI  
*diretôr responsabil*

\*

MENI UCEL  
*redatôr*

\*

Suplement dal boletin « Sot la nape »

*Spedizione in abb. postale - IV gruppo*



# **gubana DORBOLO'**

S. PIETRO AL NATISONE (UD) ITALY



**IL DOLCE TIPICO  
DELLE VALLI  
DEL NATISONE**

**DITTA E. DORBOLO' E FIGLI S.N.C.  
S. PIETRO AL NATISONE (UD) ITALY  
TEL. 727052**



S.a.s. di A. MESAGLIO

VINI  
LIQUORI  
ESTERI E NAZIONALI  
CONFEZIONI REGALO

LA BOUTIQUE  
DELLE BOTTIGLIE

Da sempre  
tradizione e qualità

33100 UDINE - Via Manin, 16 - Telefono (0432) 206186-291912



Largo dei Pecile, 7  
tel. 21102

LIBRI  
DI OGNI TIPO  
E CATEGORIA

TESTI  
SCOLASTICI  
E  
UNIVERSITARI



**Cassa di Risparmio  
di Udine e Pordenone**

**a vantaggio di ognuno nell'interesse di tutti**





# VITRUM

S.r.l.

*Porcellane - Mobili in stile  
Posaterie - Argenterie  
Articoli casalinghi  
Cristallerie*

PIAZZA MATTEOTTI, 10 - UDINE - TELEFONO (0432) 22358

**Dovete fare acquisti in cartoleria?**

**Noi abbiamo quasi tutto  
e spesso anche molte cose in più**

**(per esempio una sala di esposizione  
con almeno 3.000 idee regalo)**

## **CARTOLERIA BENEDETTI**

33100 UDINE - Via Mercatovecchio, 13 - Tel. (0432) 22534

# CONCERIE **Cogolo** S.P.A.



CAP. SOC. L. 4.000.000.000 INT. VERS.  
REG. SOC. N. 2130 TRIB. UDINE  
CODICE FISCALE N. 00163500309  
SEDE LEGALE E UFFICI: ZUGLIANO (UD)  
33100 UDINE - CASELLA POSTALE 295  
TEL. (0432) 31131 (7 LINEE)  
TELEX 450150 COBOR I

TELEGRAMMI COBOR UDINE  
C.C.I.A.A. UDINE N. 102956 -  
C/C POSTALE N. 24/13094  
STABILIMENTI: ZUGLIANO (UD)  
S. GIORGIO DI NOGARO (UD)  
TEL. (0431) 65381 (3 LINEE)  
TELEX 450025 LAGUNA I

# ALDO CONTI

TUTTO PER IL DISEGNO

**33100 UDINE - Via della Prefettura, 5 - Tel. (0432) 206581**

STRUMENTI DI GEODESIA FISICA ED INGEGNERIA  
FORNITURE COMPLETE PER STUDI TECNICI  
RIPRODUZIONE DISEGNI IN TUTTI I SISTEMI  
SERVIZIO DI FOTOCOPIE  
CON APPARECCHIATURE RANK XEROX

**33100 UDINE - Via della Prefettura, 2 - Tel. (0432) 203510**

MOSTRA CAMPIONARIA - TAVOLI E TECNIGRAFI  
ARREDAMENTI PER UFFICIO - MACCHINE ELIOGRAFICHE  
FOTORIPRODUZIONE SU CARTA TRASPARENTE  
E RIDUZIONI - INGRANDIMENTI CON XEROX ZO80

# FINATI & PETRIN

Via Valvason 1 - Telefono (0432) 23113

33100 UDINE  
BURRO E FORMAGGI  
SPECIALITA' ESTERE E NAZIONALI  
REGGIANI - PARMIGIANI - FRIULANI

TARGHE - TROFEI - COPPE - MEDAGLIE SPORTIVE

**MONSUTTI**  
gioiellerie

Concess. Uff.:  
LONGINES  
WYLER VETTA

**33100 UDINE - Piazzale Chiavris, 53 - Telefono (0432) 470977**

tradizione  
fiducia  
progresso

non è soltanto  
uno slogan  
ma il nostro modo  
di essere  
e di operare



**BANCA del FRIULI**

LA BANCA SU CUI CONTARE

**Ing. A. Magini**

---

## *Pozzi profondi pompe*

sommerse per ville, condomini, stabilimenti, acquedotti,  
irrigazioni - qualunque problema d'acqua - officina revisione  
pompe sommerse e di superficie

**via prefettura, 8 - tel. 293980 - udine**

# ANGELO LINDA

UDINE

OLTRE SESSANT'ANNI DI SPECIALIZZAZIONE NEI SETTORI  
DELL'ABBIGLIAMENTO - FILATI, - PROFUMERIE

INGROSSO: VIA G. MURATTI, 13 - TEL. 0432/207289

DETTAGLIO: VIA P. CANCIANI, 6 - TEL. 0432/22926

## Birreria Moretti Stazione

**RISTORANTE - TAVOLA CALDA - PIZZERIA**

UDINE - Viale Europa Unità, 69

(di fronte alla Stazione F.S.)

Telefono (0432) 293897

## F.lli ROMANELLI LEGNAMI - s.a.s.

Sessant'anni di esperienza nel campo delle resine

33100 UDINE - Via Milazzo 14 - Tel. 207851-2

Telegrammi: Romalegno

ETTENDORF Lav. (Austria)

Produzione propria

## ANTICA BOTTEGA ARTIGIANA

FONDATA NEL 1877

PREMIATA OROLOGERIA OREFICERIA

33100 UDINE - VIA RIALTO, 12-a - TEL. 208709

# A. ROSA

Laboratorio riparazioni orologi - Concessionario ufficiale di vendita  
degli orologi ERNEST BOREL

Assistenza tecnica per ogni occorrenza





# Banca Popolare di Gemona

Capitale Sociale e Riserve L. 3.756.614.188

**SEDE IN GEMONA DEL FRIULI (UD)**  
**PIAZZA GARIBALDI 9**

**TELEFONI:**

CENTRALINO 981251 (5 linee a ricerca automatica)

DIRETTORE 981296

TELEX 450161 GEMOBK

INDIRIZZO TELEGRAFICO: BANCA POPOLARE GEMONA

**AGENZIA DI CITTÀ: PIOVEGA**

TEL. 980290

**AGENZIE:**

**ARTEGNA**

TEL. 987017

**BUIA**

TEL. 960141

**MAJANO**

TEL. 959021

**OSOPPO**

TEL. 989246

**TRASAGHIS**

TEL. 984024

**VENZONE**

TEL. 985020

**ESATTORIE:**

Gemona - Artegnà - Bordano - Buia - Montenars - Osoppo - Trasaghis - Venzone.

**TESORERIE:**

Di 8 Comuni e di vari enti morali.

**BANCA AGENTE PER IL COMMERCIO DEI CAMBI**  
**SERVIZIO DI CASSA CONTINUA**

**CASSETTE DI SICUREZZA PRESSO LA SEDE DI GEMONA**  
**LE FILIALI DI ARTEGNA, MAJANO E TRASAGHIS.**

# Laura

**Confezioni - Filati - Maglierie**

**VIA MANZONI 13 - TEL. (0432) 731229  
33043 CIVIDALE DEL FRIULI**



## F.lli PICCOLI

**FERRAMENTA - CASALINGHI - UTENSILERIA**

**CORSO MAZZINI 17 - TEL. (0432) 731018  
33043 CIVIDALE DEL FRIULI**



## Gianni Rossi

diffusion moda

**CORSO MAZZINI 31  
TEL. (0432) 731856  
33043 CIVIDALE DEL FRIULI**


# Marino Palma

**Abbigliamento - Confezioni**

**PIAZZA A. PICCO - TEL. (0432) 731275  
33043 CIVIDALE DEL FRIULI**




**Banca Popolare  
di Cividale**



**Ricambia la tua fiducia.**

# DE ROSA



*Costruzioni  
Riparazioni  
e  
manutenzione  
Montavivande  
Ascensori  
Montacarichi*

33100 UDINE

Via  
Sabbadini, 66

Telefono  
(0432) 22678

---

# VIDUSSI

---

TESSUTI

CONFEZIONI

ARREDAMENTI

---

# VIDUSSI

---

33043 CIVIDALE DEL FRIULI - PIAZZA A. PICCO  
TELEFONO (0432) 70051 - 70052

---


dal 1904



Via Paolo Canciani 6/a angolo Via Rialto Telefono 207016

---





*Vêso di fâ batiâ?*

*Vêso di fâ prime Comunion?*

*Vêso di vescolâsi?*

*Vêso di maridâsi?*

Làit a Roncjs dai Legjonaris  
in vie S. Laurinz lì di

## LA ROSA TI SPOSA

Di Valente Bidut

'o cjatarês di dut!

# Furlans

a Vignesie us spiete la

## TRATORIE DE COLOMBE

San Marco 1665 - Telefono (041) 23817-21175

## e l'ALBERGO BONVECHIATI

San Marco 4488 - Telefono (041) 85017


Telex 410560 BONVEL

---

di GIOVANNI DEANA paron furlan

---

Pubblicità a cura di: **AFA PUBBLICITA'**  
Via del Carbone 1 - 33100 UDINE - Tel. (0432) 22324



Purland

A. Vincent & Co. Boston

TRACON DE COLOMBE

La Haye, 1855. 100 pages. 10 fr.

ALBERGU BONVECHIA

1855. 100 pages. 10 fr.

1855. 100 pages.

CHRONIQUE DE LA FRANCE

1855. 100 pages. 10 fr.

1855. 100 pages. 10 fr.



